

ତର୍କୁମାନୁଲ-ହାମ୍ମିଦ୍

ବିଲୁପ୍ତ

— ୧ କଳାକାର —



بِسْمِ اللّٰهِ الرَّحْمٰنِ الرَّحِیْمِ



• ଅମ୍ମାଦକ •

ହୋତାହାଦ୍ ଆଦୁଲ୍ଲାହେଲ୍ କାମୀ ଆଲ୍ କୋରାସୀ

ଏହି
ମସଲା ମୁକା
॥୦

ବାର୍ଷିକ
ମୂଲ୍ୟ ମହାକ
୬॥୦

তজু'মানুল-হাদীছ

ষষ্ঠ বর্ষ—অষ্টম সংখ্যা

১৩৭৫ হিঃ.; ফাল্গুন বাং ১৩৬২ সাল।

বিষয়সূচী

বিষয় :-	লেখক :-	পৃষ্ঠা :-
১। ছুরত আলফাতিহার তফছীর ...	মোহাম্মদ আবদুল্লাহেল কাফী আলকোরায়শী ...	৩২৩
২। মুচলিম রাজাসমূহের প্রচলিত আইন... (অনুবাদ) আলকোরায়শী	৩৩১
৩। হাদীছ লিখনের প্রাথমিক ইতিহাস ...	আবুল কাচেম মোহাম্মদ হোছাইন, বাঙ্গদেবপুরী ...	৩৩৫
৪। নিজামুল-মুক ...	সর্গীর এম, এ, ...	৩৩৮
৫। নয়া সমাজ ...	আতাউল হক ...	৩৪৪
৬। ছব্বের অবিশ্বাস (বিতর্ক ও বিচার)	৩৪৮
৭। ওয়াহাবী বিজোহের কাহিনী ... (অনুবাদ) আহমদ আলী	৩৫১
প্রতিপক্ষের ববানী		
৮। সংগীত চর্চা (বিচার ও আলোচনা)	৩৫৫
৯। মহা প্রলয় বিজ্ঞানের দৃষ্টিতে ... (সংকলন)	৩৬০
১০। সাময়িক প্রসঙ্গ ...	সম্পাদক ...	৩৬৫

বাহির হইয়াছে—

হযরত মওলানা মোহাম্মদ আবদুল্লাহেল কাফী আলকোরায়শী

ছাহেবের দীর্ঘদিনের বিরামহীন সাধনার অমৃতময় ফল—

নবী মোস্তফার (সঃ) নবুওতের বিশ্বজনীনতা ও চরমত্ব সম্বন্ধে বাঙলা ভাষাভাষীগণের খেদমতে অনুপম ছুগাত

সাড়ে তিন শত পৃষ্ঠার বিরতি গ্রন্থ—

নবুওতে-মোহাম্মাদী

(১ম খণ্ড)

মূল্য—আড়াই টাকা মাত্র।

প্রাপ্তিস্থান :—আলহাদীছ প্রিন্টিং এণ্ড পাবলিশিং হাউস, পাবনা।



তজুমানুল-হাদীছ

(মাসিক)

আহ্লেহাদীছ আন্দোলনের মুখপত্র।

ষষ্ঠ বর্ষ—অষ্টম সংখ্যা



بسم الله الرحمن الرحيم

ছুরত্ আল-ফাতিহার তফ্ছীর

فصل الخطاب في تفسير ام الكتاب

(৩৭)

মোটকথা 'হ' 'হু' অথবা 'ইয়াহু' শব্দের সাহায্যে বিক্র করার মধ্যে ঈমান-বিরোধী বহু প্রকার আশংকা বিদ্যমান রহিয়াছে আর শুধু একক একটি শব্দেরও দ্বীনে-ইচ্ছামে কোন মূল্য নাই। মুছলিম বিদ্বানগণের অধিকাংশ এবিষয়ে একমত হইয়াছেন যে, কোন ব্যক্তি শুধু যদি আল্লাহ শব্দ উচ্চারণ করে, তাহাতে তাহার মু'মিন হওয়া সম্বন্ধে সাক্ষ্য দেওয়া যাইতে পারিবেনা আর এই জন্তই শুধু একক শব্দের সাহায্যে শরীঅতে বিক্রের অনুমতি প্রদান করা হয়-নাই। শয়খুল ইচ্ছাম ইবনে তায়মিয়া লিখিয়াছেন, জনৈক

আরব কোন মুওয়ায্বিনকে বলিতে শুনিলেন, "আশহাদু আলা মোহাম্মাদান রচুলাল্লাহ" অর্থাৎ 'রচুল্লাহ'র পরিবর্তে মুওয়ায্বিন 'রচুলাল্লাহ' বলিতেছিল এবং ইহার তাৎপৰ্য হইতেছে, "আমি সাক্ষ্য দিতেছি যে, রচুল্লাহ মোহাম্মদ (দঃ)," অথচ আযানের তাৎপৰ্য হইতেছে, "আমি সাক্ষ্য দিতেছি যে, মোহাম্মদ (দঃ) আল্লাহর রচুল (দঃ) বটেন"। মুওয়ায্বিনের উক্তি শ্রবণ করিয়া আরব ব্যক্তি বলিয়া উঠিলেন, ইহা কিরূপ বাক্য? ইহা বাক্যের সাবজেক্ট (Subject) কর্তৃপদ মাত্র, ইহার কর্মপদ অবজেক্ট (Object) কোথায়?

আর কর্মচাড়া শুধু কর্তৃপদের সাহায্যে বাক্য সম্পূর্ণ হইবে কেমন করিয়া ?

কোরআনের ছুরত আল মুযাম্মিলে উল্লিখিত হইয়াছে যে, আপনি আপ-
 واذكرا اسم ربك
 নার রবের নাম জপ করুন। এইরূপ ছুরত আল আ'লাতে আদেশ দেওয়া হইয়াছে !
 سبح اسم ربك الاعلى
 যে, আপনি আপনার মহান রবের নাম তছবীহ করুন।
 قد افلح من تزكى وذكر
 পুনশ্চ ঐ ছুরতে বলা হইয়াছে, যাহারা শোধিত
 اسم ربك فصلى -
 হইল এবং স্বীয় রবের নাম জপ করিল আর নমায় পড়িল সে সফলকাম হইল। আল্লাহ ইহাও আদেশ করিয়াছেন যে,
 فسبح باسم ربك العظيم
 আপনি আপনার মহিমা-
 যিত রবের নাম তছবীহ করুন। কেহ কেহ বলিয়া থাকেন যে, উল্লিখিত আয়ত সমূহের সাহায্যে এক শব্দ বিশিষ্ট ইচ্ছা (বিশেষ্যপদ) দ্বারা আল্লাহর ফিকর করার বৈধতা প্রমাণিত হয়। আমরা বলি, এরূপ দাবী সম্পূর্ণ বাতিল, এই সকল আয়তের সাহায্যে একশাব্দিক যিকুরের বৈধতা কিছুতেই প্রমাণিত হয়না। কোরআনের যথার্থ ব্যাখ্যার অধিকারী স্বয়ং রহুল্লাহ (দঃ), তাহার প্রদত্ত ব্যাখ্যার প্রতি-
 কূল অত্র কাহারো উক্তির কাণাকড়িও মূল্য নাই। ছুনের গ্রন্থ সমূহে দ্ব্যর্থহীনভাবে উল্লিখিত হইয়াছে যে, যখন ছুরত আলহাক্বার শেষ আয়ত
 فسبح باسم ربك العظيم -
 ‘আপনার মহিমায়িত রবের নাম তছবীহ করুন’ “ফাছা-
 ক্বিহ বেইছমে রাব্বিকাল আবীম” অবতীর্ণ হইল, তখন রহুল্লাহ (দঃ) আদেশ
 اجعلوها في ركوعكم -
 করিলেন, ইহাকে তোমাদের রুকুতে পালন করিবে এবং যখন অবতীর্ণ হইল—আপনার
 سبح اسم ربك الاعلى -
 মহান রবের নাম তছবীহ করুন, “ছাফেহিছমা রাব্বিকাল আ'লা তখন রহুল্লাহ
 اجعلوها في سجودكم
 (দঃ) বলিলেন, ইহাকে তোমাদের ছিজদায় পালন করিবে।
 “এই আয়তগুলি রুকু ও ছিজদায় পালন করিবে,” রহুল্লাহর (দঃ) এই উক্তির তাৎপর্য কি? ছহীহ বুখারী গ্রন্থে ইহার উত্তর মওজুদ রহিয়াছে যে, রহুল্লাহ (দঃ) তাহার রুকুতে “ছুবহানা রাব্বিকাল আবীম” এবং ছিজদায় “ছুবহানা রাব্বিকাল আ'লা” পাঠ করিতেন, শুধু “ইয়া রব্ব,” “ইয়া রব্ব” পাঠ করিতেননা। অতএব প্রমাণিত হইল যে, মহান

রবের নামের তছবীহ এবং রবের নামের যিকুর ইত্যাকার আদেশের তাৎপর্য হইতেছে, অর্থবোধক সম্পূর্ণ বাক্যের সাহায্যে আল্লাহর যিকুর করা এবং ইহাই প্রকৃত ইবাদত।

দৃষ্টান্ত স্বরূপ এই মর্মের কয়েকটি হাদীছ নিম্নে উদ্ধৃত হইল :

বুখারী স্বীয় চহীহ গ্রন্থে উল্লেখ করিয়াছেন যে,
 افضل الكلام بعد القرآن
 রহুল্লাহ (দঃ) আদেশ
 اربع ومن من القرآن :
 করিয়াছেন, কোর-
 سبحان الله والحمد لله
 আনের পর শ্রেষ্ঠতম
 ولا اله الا الله والله اكبر !
 বাক্য হইতেছে চারিটি
 এবং এগুলি কোরআন হইতেই গৃহীত :—
 ছুবহানা-
 ল্লাহ ওয়ালা হামদুলিল্লাহ ওয়ালা ইলাহা ইল্লাল্লাহো
 ওয়ালাহু আকবর। উক্ত ছহীহ বুখারীতে রহুল্লাহর
 (দঃ) এই উক্তিও বর্ণিত
 كلمتان خفيفتان على
 হইয়াছে যে, তিনি
 اللسان ثقيلتان في الميزان
 বলিয়াছেন, দুইটি বাক্য
 حبيبتان الى الرحمن :
 রসনার লঘু কিন্তু ওয়নে
 سبحانه الله ويحمده سبحان
 ভারী, রহমানের প্রেমস :—
 الله العظيم !
 ছুবহানালাহে ওয়া বেহাম্দিহি, ছুবহানালাহিল আ-
 যীম। বুখারী ও মুচলিম উভয় গ্রন্থে ইহা উল্লিখিত
 হইয়াছে যে, রহুল্লাহ (দঃ) বলিয়াছেন, যেব্যক্তি
 من قال في يومه مائة
 দৈনিক একশতবার—
 مرة لا اله الا الله وحده
 লাইলাহা ইল্লাল্লাহো
 لاسربك له، له الملك وله
 ওয়াহুলাহু লাহারীক-
 الحمد وهو على كل شئ
 লাহু লাহল মুলকো
 قدير، كتب الله له حرزا
 ওয়ালাহু হামদু ওয়া
 من الشيطان يومه ذلك
 ছয়া আলা কুল্লে শায়ইন
 حتى يمسي -
 কলীর বলিবে—স ব্যক্তির
 অত্র সমস্ত দিবস সন্কার সমাগম পর্যন্ত শয়তান হইতে
 সুরক্ষিত করার ব্যবস্থা আল্লাহ অবলম্বন করিবেন
 এবং যে ব্যক্তি দিবসে একশত বার বলিবে—ছুবহানা-
 ল্লাহে ওয়া বেহাম্দিহি،
 مرة سبحان الله ويحمده
 ছুবহানালাহিল আযীম,
 سبحان الله العظيم حطت
 তাহার পাপরাশি সমস্ত
 عنه خطاياہ ولو كانت
 ফেনের পরিমাণ হইলেও
 مثل زبد البحر !
 উহা মুছাইয়া দেওয়া
 হইবে।

ইমাম মালিক তদীয় মুওয়াত্তা গ্রন্থে রহুল্লাহর (দঃ) বাচনিক রেওয়াজত করিয়াছেন যে, তিনি বলিয়াছেন, আমি افضل ما قلته انا والنبیین من قبلى : لا اله الا الله এবং আমার পূর্ববর্তী وحده لا شريك له' له الملك وله الحمد وهو على كل شئ قدير ! ইলাহা ইল্লাল্লাহো ওয়াহুদহু লা শারীকা লাহু লাহুল মুল্কো ওয়া লাহুল হামদো ওয়া হুয়া আ'লা কুলে শায়ইন কদীর"। ইবনে মাজা ও ভূতি ব'ব ছুননে উল্লেখ করিয়াছেন যে, রহুল্লাহ (দঃ) বলিয়াছেন— افضل الذكر : لا اله الا الله وفضل الدعاء ! الحمد لله ! ইলাহা ইল্লাল্লাহ' আর শ্রেষ্ঠতম দোআ হইতেছে 'আলহামদু লিল্লাহ'। যিকর এবং দোআ সম্পর্কিত এই ধরণের বহু হাদীছ রহিয়াছে।

এইরূপ কোরআনে কথিত হইয়াছে, যেসকল প্রাণীর যবহে আল্লাহর ولا تاكلوا مما لم يذكر اسم الله عليه ! নাম উচ্চারিত হব- নাই, তাহা ভক্ষণ করিওনা, আলআনআম ১২২। উক্ত ছুরতেরই ১১৯ আয়তে আদেশ করা হইয়াছে, فكلوا مما ذكر اسم الله عليه ! যদি তোমরা আল্লাহর নিদর্শন সমূহে বিশ্বাস পোষণ কর, তাহাহট্টলে যেসকল প্রাণীর যবহে আল্লাহর নাম উচ্চারিত হইয়াছে তাহা ভক্ষণ কর। ছুরত আল-মায়দার চতুর্থ আয়তে আদেশ করা হইয়াছে যে, তোমাদের শিকারী কুকুর যে-শিকারকে ধরিয়া فكلوا مما امسكن عليه واذكروا اسم الله عليه ! রাখে তাহা ভক্ষণ কর এবং যবহের সময় আল্লাহর নাম স্মরণ কর। এই আয়ত সমূহে আল্লাহর নাম স্মরণ করার তাৎপর্য হইতেছে, 'বিছমিল্লাহ' উচ্চারণ করা এবং এই পূর্ব বাক্যটি বৈরাকরণগণের প্রেক্ষাপ্ত উক্তি অমুসারে 'ইছমিয়া' হইবে আর যদি ফে'লীয়া হয় তাহাহট্টলে বাকটির রূপ হইবে 'যবহী মিছমিল্লাহ' অথবা 'আয্বাহো বে-ইছমিল্লাহ' অর্থাৎ আমার যবহ আল্লাহর নামের সংগে অথবা আমি আল্লাহর নাম সহকারে যবহ করিতেছি।

এইরূপ পাঠকের 'বিছমিল্লাহেব্বরহমানিব্বরহীম' বাক্য উচ্চারণ করার প্রকৃত রূপ হইতেছে, 'কিরা-আতি বিছমিল্লাহ' অথবা 'আকরাউ বেইছমিল্লাহ' অর্থাৎ আমার পাঠ আল্লাহর নামে, অথবা আমি আল্লাহর নাম লইয়া পাঠ করিতেছি। কোন কোন বিদ্বান 'বিছমিল্লাহ'র পূর্বে 'ইবতিদায়া' অর্থাৎ 'আমার হুচনা বা আরম্ভকে উহ মানিয়াছেন কিন্তু বিদ্বানগণের প্রথমোক্ত উক্তিই অধিকতর সুন্দর। কার্যের হুচনাই কেবল আল্লাহর নামের সংগে হয়না, যথা—আল্লাহর উক্তি 'ইকরা বে-ইছমে রাঈ-কাল্লাযী খালাকা' اقرأ باسم ربك الذي خلق অর্থাৎ হে রহুল (দঃ) আপনি আপনার রব্বের নাম লইয়া পাঠ করুন যিনি সৃষ্টি করিয়াছেন, অথবা ছুরত হুদে কথিত হযরত اركبوا فيها بسم الله نূহের উক্তি 'আয্বাবু مجريها ورساها ! কিহা বিছমিল্লাহে মজরীহা ওয়া মুরছাহা' অর্থাৎ তোমরা নৌকায় আরোহণ কর আল্লাহর নামের সংগেই উহার চলন্ত হওয়া ও থামিষা বাওয়া। এই আয়তগুলিতে আল্লাহর নামের সংগে 'আরম্ভ করা' কে উহা মাথু করা সুসমঞ্জস হয়না।

নিম্নলিখিত হাদীছগুলির অর্থ লক্ষ করিলেও বৃথিতে পারা যায় যে, শুধু একক আল্লাহ শব্দ যিকরের জন্ত উচ্চারণ করা বিশেষ নয় : ঈতুল-আযহার কুরবানী সম্বন্ধে রহুল্লাহর (দঃ) নির্দেশ এই যে, যে ব্যক্তি من كان ذبح قبل الصلوة فليذبح مكانها اخرى و من لم يكن ذبح فليذبح بسم الله ! কুরবানীর স্থলে আর-

একটি প্রাণী যবহ করিবে এবং যে ব্যক্তি নমাজের পূর্বে যবহ করেনাই, সে আল্লাহর নাম লইয়া যবহ করিবে। এইরূপ বিস্তৃত হাদীছে কথিত হইয়াছে যে, রহুল্লাহ (দঃ) উমর বিনে আবী ছলমাকে আদেশ করিলেন, আল্লাহর নাম بسم الله وكل يمينك و كل مما يليك ! গ্রহণ কর এবং দক্ষিণ হস্তে ভক্ষণ কর আর খাণ্ড পাত্রে য়ে অংশ তোমার কাছাকাছি, সেই স্থান হইতে থাইতে আরম্ভ কর।

এই সকল হাদীছে আল্লাহর নাম গ্রহণ করার অর্থ যে শুধু 'আল্লাহ' 'আল্লাহ' বলা নয়, তাহা সন্দেহাতীত ভাবে প্রমাণিত হইতেছে। এসম্পর্কে আরো ভুরি ভুরি হাদীছ উল্লেখ করা যাইতে পারে, কিন্তু পুথি বাড়িয়া যাওয়ার আশংকায় আমরা ক্ষান্ত হইলাম।

ফলকথা, মুচলমানগণের নমাজ, আযান, ঈদ এবং হজ্জ প্রভৃতি ব্যাপারে যে সকল যিক্র আল্লাহ এবং তদীয় রচুল (দঃ) কর্তৃক ব্যবস্থিত হইয়াছে, সেগুলির কোনটাই এক শাদিক অথবা অসম্পূর্ণ বাক্য নয়। এক শাদিক প্রকাশ বা অপ্রকাশ শব্দের সাহায্যে যিক্র করার কোন মূল্য শরীঅতে স্বীকৃত হয় নাই। এইরূপ এক শাদিক যিক্রকে বিশিষ্ট ও কামিল ওলী-গণের পরিগৃহীত যিক্রের রীতি বলিয়া অভিহিত করা চরম মুখতার পরিচায়ক। এই পদ্ধতির যিক্র মানুষকে বিভিন্ন প্রকার বিদ্আত ও গোমরাহী এবং বীভৎস দশা প্রাপ্তির দিকে টানিয়া লইয়া যায় এবং শেষ পর্যন্ত একজন মু'মিন-মুছলিম, নাস্তিক ও অদৈতবাদী দলের অন্তরভুক্ত হইয়া পড়ে।

কল্যাণের প্রকৃষ্ট পন্থা

পূর্বেই বলা হইয়াছে, ধর্মের ভিত্তি দ্বিবিধ বিষয়ের উপর প্রতিষ্ঠিত। প্রথমটি হইতেছে, শুধু একমাত্র আল্লাহর দাসত্ব করা আর দ্বিতীয়টি হইতেছে, যে পদ্ধতি বিদ্আত তাহা পরিহার করিয়া শরীঅত কর্তৃক নির্দেশিত পদ্ধতি অনুসারে ইবাদত করা। এই দুইটি নির্দেশকে ছুরত আল কহফের শেষ আয়াতে স্পষ্টীভূত করা হইয়াছে। আল্লাহ আদেশ করিয়াছেন, যে ব্যক্তি স্বীয় প্রভুর *فمن كان يرجوا لقاء ربه* সন্দর্শন লাভের প্রত্যাশা *فليعمل عملا صالحا* 'ولا يشرك بعبادة ربه احدا' করে, তাহাকে সংকারণের অমুঠান করিতে হইবে এবং সে তাহার প্রভুর ইবাদতে আর কাহাকেও অংশী করিতে পারিবে না।

আল্লাহর ইবাদতের এই সৌন্দর্য মহিমাই—কলেমায়ে তৈয়েবার মধ্য দিয়া প্রকাশ লাভ করিয়াছে। উহার প্রথমার্ধ 'লাইলাহা ইল্লাল্লাহ' বাক্যে এই স্বীকৃতি রহিয়াছে যে, আমরা আল্লাহ ব্যতীত আর কাহারো

ইবাদত করি না এবং অল্প কাহারো নিকটে সাহায্য যাক্সা করি না এবং দ্বিতীয়ার্ধে এই স্বীকৃতি রহিয়াছে যে, হযরত মোহাম্মদ মুছতফার (দঃ) মধ্যস্থতাতেই আমরা আল্লাহর নির্দেশক্রমে তাহার ইবাদত-পদ্ধতির সন্ধান লাভ করিয়াছি। স্তুরাং ইবাদতের জন্ত রচুল্লাহর নির্দেশ সমূহকে সত্য বলিয়া মানিয়া লওয়া এবং সেগুলির অনুসরণ করিয়া চলা একান্তভাবে আবশ্যক। রচুল্লাহ (দঃ) তাহার নবুওতের কর্তব্য পালন করিতে গিয়া মধ্যাহ্ন ভাস্করের মত ইহা—দেদীপ্যমান করিয়া গিয়াছেন যে, 'আদ'কে কি ভাবে তাহার 'মা'বুদ'র 'ইবাদত' করিতে হইবে। ইবাদতের যেসকল পদ্ধতি কপোল কর্তৃত এবং যেগুলির কোন ভিত্তি কোরআন ও চুন্নাহর মধ্যে বিজ্ঞমান নাই সেগুলি তিনি সমস্তই নিষেধ করিয়া দিয়াছেন।

অতএব, আমরা আদিষ্ট হইয়াছি যে, আমরা শুধু আল্লাহকেই রব্ব মাফ করিব, তাহাকেই ভয় করিয়া চলিব, সকল বিষয়ে তাহাকেই আকড়াইয়া ধরিব, তাহারই নিকট যাক্সা করিব, আকুল হৃদয়ে তাহাকেই আহ্বান করিব, আমাদের সমুদয় কামনা ও আকাংখায় তাহাকেই কেন্দ্ররূপে বরণ করিয়া লইব এবং শুধু তাহারই দাসত্ব করিব। এইরূপে আমরা ইহার জ্ঞান আদিষ্ট হইয়াছি যে, আমরা রচুল্লাহ (দঃ) কে আমাদের জীবন পথের ধ্রুপদরূপে বরণ করিব, তাহারই অনুসরণ করিয়া চলিব, দ্বিধা ও শংকাহীন ভাবে কেন কিন্তু পরিহার করিয়া তাহার সমুদয় আদেশ ও নিষেধ মাফ করিয়া লইব, তাহার পবিত্র পদচিহ্নকে আমাদের হাদী এবং পথ প্রদর্শক রূপে বরণ করিয়া লইব। তিনি যাহা হালাল করিয়াছেন শুধু তাহাকেই হালাল বলিয়া স্বীকার করিব এবং তিনি যাহা হারাম নির্ধারিত করিয়াছেন, তাহাকে অবজ্ঞাই—হারাম বুঝিব। যে সকল বস্তুর সন্ধান তাহার পবিত্র বচন এবং চরিতামৃতে প্রাপ্ত হইব, শুধু সেই গুলিকেই 'হীন' বলিয়া স্বীকার করিয়া লইব। ইহাই হইতেছে ছুরত আল ফাতিহার পঞ্চম আয়াত—**এইস্বাক্বা না'বুদু ওয়া এইস্বাক্বা'নছ-**

তাজীন সম্পর্কে আমাদের শেষ কথা। এই আয়তে কথিত বিষয় সমূহের গুরুত্বের প্রতি লক্ষ্য করিয়াই ইহার ব্যাখ্যা সুদীর্ঘ হইয়া পড়িল।

ইবনে জরীর ও ইবনে আবি হাতিম হযরত আবুতুলাহ বিনে আব্বাহের প্রমুখ্য এই আয়তের তফছীর সম্বন্ধে বর্ণনা করিয়াছেন : হে প্রভু, আমরা শুধু আপনাকেই **ايك نعبد يعني اياك نوحده** একান্তরূপে বরণ ও **ونخاف ياربنا لاغيرك** আপনাকেই ভয় করি- **واياك نستعين على طاعتك وعلى امور كلها** - তেছি, আপনাকে ছাড়া আর কাহাকেও নয় এবং হে প্রভু, শুধু আপনার নিকটেই আপনার আত্মগতের জ্ঞান এবং আমাদের যাবতীয় বিষয়ের জ্ঞান সাহায্য প্রার্থনা করিতেছি। কতদা বলেন, এই আয়তে **يا امركم ان تخلصوا له** আল্লাহ তোমাদিগকে **العبادة وان تستعينوه على امركم** ! তাহার ইবাদতকে

একান্ত ও অবিমিশ্র করার জ্ঞান এবং তোমাদের যাব-
তীয় বিষয়ে শুধু তাহারই নিকটে সাহায্য প্রার্থী হই-
বার জ্ঞান আদেশ করিতেছেন। ইমাম মুচলিম তদীয়
চহীহ গ্রন্থে আবু হোরাযরার বাচনিক উদ্ধৃত করিয়া-
ছেন যে, রহুল্লাহ **يقول الله تعالى : قسمت**
(দঃ) বলেন, আল্লাহ **الصلوة بيني وبين عبدى**
আদেশ করিয়াছেন, **نصفين، فنصفها لى ونصفها**
আমিন মাযকে আমার **لعبدى ولعبدى ماسأل -**
ও আমার বান্দার **اذا قال العبد : الحمد لله**
মধ্যে আধা আধি **رب العالمين قال : حمدنى**
ভাবে বন্টন করিয়াছি, **عبدى - واذا قال : الرحمن**
উহার অর্ধেক আমার **الرحيم، قال : اثني على**
জ্ঞান এবং অপর **عبدى، فاذا قال : مالك**
অর্ধাংশ আমার **يوم الدين، قال : مجدنى**
বান্দার জ্ঞান এবং **عبدى - واذا قال : اياك**
যাহা সে প্রার্থনা **نعبد واياك نستعين، قال :**
করিয়াছে, তাহা **هذا بينى وبين عبدى و**
আমার বান্দার জ্ঞান **لعبدى ما سأل، فاذا قال :**

যখন বান্দা বলে, **اهدنا الصراط المستقيم**
'আলহামদুলিল্লাহে **صراط الذين انعمت عليهم**
রাব্বিল আলামীন', **غير المغضوب عليهم**
আল্লাহ বলেন, আমার **قال : هذا**
বান্দা আমার প্রশান্তি **لعبدى ولعبدى ماسأل -**
করিল। যখন বলে 'আবুহুমানিররহীম', আল্লাহ
বলেন, আমার বান্দা আমার শুভবৃত্তি করিল। যখন
বলে, 'মালিকে ইয়াওমেদীন', আল্লাহ বলেন, আমার
বান্দা আমার গৌরব ঘোষণা করিল। যখন বলে,
'এইয়াকানা না'বুহু ওয়া এইয়াকানা নছতজীন', আল্লাহ
বলেন, ইহা আমার ও আমার বান্দার মধ্যকার এবং
আমার বান্দা যাহা প্রার্থনা করিল, তাহা তাহার
জ্ঞান। যখন বলে, 'এহদিনাছ ছিরাতেল মুহতকীম
ছিরাতেল্লামিনা আনআমতা আলায়হীম, গাইরিল
মাগবুবে আলায়হীম ওয়ালায়হীম', আল্লাহ বলেন,
ইহা আমার বান্দার জ্ঞান এবং আমার বান্দা যাহা
প্রার্থনা করিল, তাহা তাহার জ্ঞান।

বাগাভী স্বীয় তফছীরে, মাওযাদী মা'রিফাতুছ-
ছাহাবা গ্রন্থে, তাবারানী স্বীয় মজমু'মে আওছতে
এবং আবু নঈম দলায়েল গ্রন্থে হযরত আনছ বিনে
মালিকের প্রমুখ্যে রেওয়াযত করিয়াছেন যে, আবু-
তলহা ছাহাবী বলেন, **قال : كنا مع رسول الله**
কোন এক বৃদ্ধে আমরা **صلى الله عليه وسلم فى**
রহুল্লাহর (দঃ) সঙ্গে **غزاة، فلقى العدو، فسمعتة**
ছিলাম, শত্রুদলের সম্মুখীন হওয়ার আমি **يقول : يا مالك يوم الدين**
ايك نعبد واياك نستعين -
তাঁহাকে বলিতে শুনি- **قال : فلقد رايت الرجال**
লাম, হে মালিকে **تصرع فتضربها الملائكة**
ইয়ামদীন, এইকানা- **من بين يديها ومن**
বুহু ওয়া এইয়াকানা নছ- **خلفها -**

তর্জন। আবু তলহা বলেন, আমি দেখিলাম, শত্রুদলকে
ভূপাতিত করা হইতেছে এবং ফেরেতাগণ তাহা-
দিগকে সম্মুখ ও পশ্চাভাগ হইতে আঘাত করিতেছেন।

ষষ্ঠ আয়াত

اهدنا الصراط المستقيم আমাদিগকে সরল-সঠিক-
স্বদৃঢ় পথে পরিচালিত
করুন; যাহাদিগকে আপনি অনুগ্রহীত করিয়া-
ছেন তাহাদের পথে।

আয়াত সমূহের পাকসম্পর্ষ,

যে আল্লাহ সমুদয় বিশ্বের স্রষ্টা, প্রতিপালক ও
উপাস্ত প্রভু, যিনি কৃপানিধান দয়াময়, যিনি চরম
মীমাংসা দিবসের অধিপতি ও অধিকারী, সমুদয়
প্রশস্তি একমাত্র তাঁহারই প্রাপ্য স্তুরাং মানুষকে
একমাত্র তাঁহারই দাসত্ব স্বীকার ও তাঁহারই আরা-
ধনার আত্মনিয়োগ করিতে হইবে এবং মানবজীবনের
পরম কামা যাহা, তাহা লাভ করার জগু শুধু তাঁহারই
কাছে যাক্কা ও সাহায্য প্রার্থনা করিতে হইবে।
এক্ষণে ৬ষ্ঠ আয়াতে সেই পরম কামা—সরল-সঠিক
স্বদৃঢ় পথে চালাইয়া লইয়া যাইবার জগু আল্লাহর
কাছে প্রার্থনা করা হইতেছে।

এহ্‌দ্দনা আমাদিগকে হিদায়ত করুন।

হিদায়ত বা হুদা। হিদায়তের অর্থ হই-
তেছে, নেতৃত্ব করা, পথ প্রদর্শন করা, পথ ধরাইয়া
দেওয়া, পথে দৃঢ় রাখা ও লক্ষ স্থলে পৌঁছাইয়া
দেওয়া। কোরআনের শব্দকোষে ইমাম রাগিব হিদা-
য়তের অর্থ লিখিয়াছেন, অনুগ্রহ ও যত্ন সহকারে
সঠিক পথে লইয়া الهداية دلالة بلطف
যাওয়া—সন্ধান দেওয়া। *

বিখ্যাত আরাবী অভিধান ‘তাজুল অরুছে’
হিদায়তের তাৎপর্ষে الرشاد والدلالة بلطف الى
ما يوصل الى المطلوب -
লিখিত হইয়াছে, যাহা
ঈঙ্গিত অর্থাৎ লক্ষস্থল, পরম যত্ন সহকারে তথার
লইয়া যাওয়া এবং পথ প্রদর্শন করা।

শুধু পথের সন্ধান প্রদান করাকেও কোরআনে
“হিদায়ত” বলা হইয়াছে। ছুরত-ফুহুছিলতে উক্ত হই-
য়াছে, আমরা ছুদ-
العنى على الهدى
জাতিকে পথের সন্ধান
দিয়াছিলাম কিন্তু তাহার হিদায়ত অপেক্ষা অঙ্ক-
কেই অধিকতর বরণীয় করিল—১৭ আয়াত। এই
আয়াতে হিদায়তের তাৎপর্ষ লক্ষ স্থলে পৌঁছাইয়া
দেওয়া নয়। কারণ লক্ষ লে উপনীত হওয়ার পর
অঙ্কতকে বরণ করার কোন অর্থ হইতে পারেনা।

* মুকররাজুল কোরআন, ৬৬০ পৃঃ।

ছুরত-আলকছছে-সঠিক انك لا تهدي من اجبت
পথে লইয়া আসা, পথ ولكن الله يهدي من يشاء
ধরাইয়া দেওয়া এবং লক্ষ স্থানে পৌঁছাইয়া দেওয়ার
অর্থে হিদায়ত শব্দ ব্যবহৃত হইয়াছে। আল্লাহ তদীয়
রুহুল (দঃ)কে সম্বোধন করিয়া বলিতেছেন, যাহাকে
আপনি ভালবাসেন, তাহাকে আপনি “হিদায়ত”
করিতে পারিবেননা। কারণ হিদায়তের পথে লইয়া
আসা এবং উক্ত পথে চালাইয়া দেওয়া এবং লক্ষস্থলে
উপনীত করা আপনার কার্য নয়। প্রত্যুত আল্লাহ
যাহাকে ইচ্ছা করেন তাহাকেই সঠিক পথে লইয়া
আসেন— আল কছছ ৬৬ আয়াত। অথচ ছুরত-
আশ-শুরার ৫২ আয়াতে আল্লাহ তদীয় রুহুল (দঃ)
কে স্পষ্টভাবেই নির্দেশ দিয়াছেন যে, আপনি
আবশ্যই জনগণকে وانك لتهدى الى صراط
সরল, সঠিক ও مستقيم -
স্বদৃঢ় পথে “হিদায়ত” করিয়া থাকেন।

প্রথমোক্ত আয়াতে বলা হইয়াছে, ‘লা-তাহদী’
আপনি হিদায়ত করিতে পারেননা এবং এই আয়াতে
বলা হইতেছে, ‘ল-তাহদী’ অর্থাৎ আপনি অবশ্যই
হিদায়ত করেন। অতএব স্পষ্টতঃ দেখা যাইতেছে
যে, সকল ক্ষেত্রেই “হিদায়ত”র অর্থ অভিন্ন নয়।
আল কছছের আয়াতে কথিত “হিদায়ত”র অর্থ
হইতেছে, সঠিক পথে চালাইয়া লক্ষস্থলে পৌঁছাইয়া
দেওয়া আর আশ-শুরার আয়াতে উল্লিখিত “হিদায়ত”র
তাৎপর্ষ হইতেছে সঠিক পথের সন্ধান দান করা।

ছিরাত (صراط), মূলতঃ ইহা ‘ছীন’
এর বানানে ছিরাত। ইহার অর্থ হইতেছে, রাজ-
পথ—স্পষ্ট পথ, সরল পথ। পরবর্তী তোআ (ط)
অক্ষরের সহিত সামঞ্জস্য বিধানের জগু ‘ছীন’কে
ছোয়াদ (ص)এ পরিবর্তিত করা হইয়াছে।

মুহ্‌তকীম (مستقيم) ইকামত ও ‘ইচ্-
তিকামত’ হইতে ব্যুৎপত্তি সিদ্ধ। স্থানের ‘ইকামত’
ইহার অর্থ হইতেছে الإقامة في المكان الثبات
তথায় দৃঢ় হওয়া আর واقامة الشئ تتوفية
কোন বিষয়ে ‘ইকা-
حقه -
মতে’র অর্থ হইতেছে উহার নিয়ম এবং দাবী যথা-
যথ ভাবে পূর্ণ করা। কোরআনের যে সকল স্থলে
নমাযের আদেশ প্রদত্ত হইয়াছে, সর্বত্রই উহার
জগু ‘ইকামতে’রই নির্দেশ দেওয়া হইয়াছে এবং
ইহার তাৎপর্ষ হইতেছে, নমাযকে তাহার নিয়ম ও
শর্ত অনুসারে যথাযথভাবে আদা করা আর পথের

‘ইচ্ছািকামত’ হইতেছে একপ পথ যাহা সরল এবং
 ক্ষুদ্র রেখার মত— *والاستقامة في الطريق*
 সমান্তরাল, বক্র ও *الذى يكون على خط مستو*
 অসমতল নয়। সত্য— *وبه شبه طريق المحق*—
 পথকে এই অর্থেই ইচ্ছািকামতের পথ বলা
 হইয়াছে। †

ইনআম (انعام) পুরস্কার দান করা ও
 অপরের প্রতি অনুগ্রহ প্রদর্শন করাকে ইনআম বলা
 হয় কিন্তু মানুষ ছাড়া *والانعام ايصال الاحسان*
 অপর কোন বাকশক্তি— *الى الغير ولا يقال الا اذا*
 হীন প্রাণীর জন্ত— *كان الموصل اليه من*
جنس الناطقين—
 ইনআম শব্দ প্রযোজ্য
 হয়না, অর্থাৎ একথা বলিলে অশুদ্ধ হইবে যে, আমি
 আমার ঘোড়াকে ইনআম (পুরস্কৃত) করিয়াছি। রহম
 ও ইনআমের এই পার্থক্য বিশেষ ভাবে লক্ষ রাখা
 কর্তব্য। §

ইমাম রাগিব মাছুষের প্রতি আল্লাহর হিদা-
 যতকে চারি শ্রেণীতে বিভক্ত করিয়াছেন। প্রথমতঃ
 জ্ঞান, অনুভূতি এবং বোধ শক্তির একপ সাধারণ
 ও ব্যাপক ‘হিদায়ত’ যাহা সৃষ্টির সংগে সংগেই প্রত্যেক
 প্রাণীকে প্রদান করা হইয়া থাকে। দ্বিতীয়তঃ যে
 ‘হিদায়ত’ মনুষ্য সমাজ নবী ও রত্নলগণের মধ্যস্থ-
 তায় লাভ করে, হিদায়তের এই প্রকরণটি বিশ্ব-
 জনীন অর্থাৎ সমগ্র মানব জাতির জন্ত এই হিদায়ত-
 কে ব্যাপক করা হইয়াছে। তৃতীয়তঃ যেকোন
 সঠিক পথের সম্মান লাভ করার সৌভাগ্য অর্জন
 করিয়াছে তাহার ‘হিদায়ত’। ইহা সীমাবদ্ধ। চতুর্থ
 প্রকার ‘হিদায়ত’ চরম লক্ষ অর্থাৎ বেহেশত পর্যন্ত
 পৌছাইয় দেওয়া। ইমাম রাগিব ইহাও বলিয়াছেন
 যে, প্রথম শ্রেণীর হিদায়ত লাভ করা যাহার পক্ষে
 সম্ভবপর হয় নাই, দ্বিতীয় শ্রেণীর হিদায়ত তাহার
 প্রতি প্রযোজ্য নয় এবং যে ব্যক্তি দ্বিতীয় শ্রেণীর
 হিদায়ত অর্জন করিতে পারে নাই, তাহার পক্ষে
 তৃতীয় ও চতুর্থ শ্রেণীর ‘হিদায়ত’ লাভ করার উপায়
 নাই আর চতুর্থ শ্রেণীর হিদায়ত অর্জন করার—
 সৌভাগ্য যাহার ঘটিয়াছে, সে পূর্ববর্তী ত্রিবিধ হিদা-
 যতেরই অধিকারী হইয়াছে।

গভীর ভাবে চিন্তা করিয়া দেখিলে বুঝিতে
 পারা যায়, ‘হিদায়তের’ বর্ণিত প্রকরণগুলি সমস্তই

† মুকররাত, ৪২৯ পৃঃ।

§ মুকররাত, ৪৬০ পৃঃ।

আল্লাহর ‘রব্বীয়তে’র উৎস হইতেই নিঃসৃত হইয়াছে
 এবং যে হিদায়ত জীব-জগতকে তাহার অন্তির
 বিকাশমুহুর্তে প্রদান করা হইয়াছে ওয়াহী ও নবুওতের
 হিদায়ত তাহারই শ্রেষ্ঠতম বিকাশ মাত্র।

‘রব্বীয়ত’ ও ‘রহমানীয়তে’র ব্যাখ্যা প্রসঙ্গে
 ইহা বিশদরূপে আলোচিত হইয়াছে যে, আল্লাহর
 ‘রব্বীয়ত’ যেকোন জীবজগতকে তাহাদের অবস্থানরূপ
 দেহ ও অংগ প্রাত্যাংগ দান করিয়াছে, সেইরূপ উহা
 তাহাদের প্রাকৃতিক হিদায়তের আভাবিক উপকরণ-
 গুলিও সংগ্রহ করিয়া দিয়াছে। প্রকৃতির এই ‘হিদায়ত’
 প্রত্যেকটি সত্ত্বকে জীবন ও জীবনসংগ্রামের পথে
 নিয়োজিত করিয়া রাখিয়াছে এবং জীবন-ধারণের
 পক্ষে যে সকল বস্তু অপরিহার্য, উহা অহরহ তাহার
 অনুসন্ধানের পথ জীবজগতকে প্রদর্শন করিতেছে। এই
 প্রকৃতির ‘হিদায়ত’ বিদ্যমান না থাকিলে কোন সৃষ্টি-
 জীবের পক্ষে জীবন লাভ করা এবং বাঁচিয়া থাকার
 উপকরণ সংগ্রহ করা সম্ভবপর হইতনা। এ বিষয়ে
 কোরআনের বিভিন্ন স্থানে মাছুষের চিন্তাশক্তিকে
 আহ্বান করা হইয়াছে। প্রত্যেকটি অন্তিকে তাহার
 উন্মেষ মুহূর্ত হইতে পূর্ণত্ব প্রাপ্তির পথে কয়েকটি স্তর
 অতিক্রম করিতে হয়। কোরআনের ছুরত আল-
 আ’লায় এসম্পর্কে যথাক্রমে চারিটি স্তরের কথা উল্লি-
 খিত আছে। আল্লাহ *الذى خلق، فسوى، والذى*
قدر، فهدى—
 তিনি সেই মহান রব্ব, যিনি প্রত্যেকটি বস্তু সৃজন
 করিয়াছেন, অতঃপর উহাকে সমন্বিত করিয়াছেন এবং
 তিনিই উহার পরিমাণ নির্ধারিত করিয়াছেন, অতঃ-
 পর তাহার জন্ত হিদায়তের পথ মুক্ত করিয়া দিয়াছেন,
 —২ আরত। এই আয়তে সত্ত্বার ক্রমবিকাশের
 জন্ত চারিটি স্তরের কথা উল্লিখিত হইয়াছে। যথা :
 সৃষ্টি, সমন্বয়, পরিমাণ নির্ধারণ এবং পথের নির্দেশ—
 হিদায়ত।

সৃষ্টির অর্থ হইতেছে—বিশ্বচরাচর এবং উহাতে
 অবস্থিত প্রত্যেকটি সত্ত্বার উপকরণকে নেতি হইতে
 অন্তিতে লইয়া আসা।

সমন্বয়ের তাৎপৰ্য্য হইতেছে—যেবস্তুর যেকোন
 হওয়া উচিত তাহাকে সেই ভাবে সংস্কৃত ও সংগঠিত
 করা।

পরিমাণ নির্ধারণ করার তাৎপর্য হইতেছে—
আকারে, প্রকারে, ওয়নে, দৈর্ঘ্যে প্রভৃতি সকল দিকদিশা
এবং সময় ও অবসরের দিকদিশা সে বস্তুর যেরূপ
আয়তন ও পরিমাণ হওয়া আবশ্যিক, তাহা সঠিকভাবে
নির্ধারণ করিয়া দেওয়া।

আর হিদায়তের অর্থ হইতেছে—প্রত্যেক সম্ভাব্য
সম্মুখে জীবন ধারণ ও জীবিকা অর্জনের পথ প্রশস্ত
করিয়া দেওয়া।

দৃষ্টান্ত স্বরূপ বলা যাইতে পারে যে, সৃষ্টির একটি
বিশিষ্ট প্রকরণের নাম পাখী।

পাখীর সৃষ্টির উপাদান যখনই বিকশিত হইবে,
আমরা উহাকে স্বপ্ন নামে অভিহিত করিব।

পাখীর প্রকাশ ও গোপন অংগ প্রত্যংগগুলি
একরূপ ভাবে গঠন করা হইয়াছে যে, দেহের সমুদয়
অংশ সুষম ও সমন্বিত হইয়া উঠিয়াছে। এই
কার্যকে সমন্বয় সাধন বলিয়া অভিহিত করা হইবে।

পাখীর প্রকাশ ও গোপন অংগ প্রত্যংগের কার্য
ও আচরণ সমূহের জন্ত একটি সুনির্দিষ্ট নিয়ম ও
পরিমাপ বাধ্যতা দেওয়া হইয়াছে। এই নিয়মগুলি
উহাদের সীমা অতিক্রম করিয়া যাইতে পারেনা,
যথা, পাখীগুলির জন্ত এই নিয়ম নির্ধারিত হইয়াছে
যে, উহারা শূণ্যে উড়িয়ামান হইবে, মাছের মত
পানির অভ্যন্তরে বিচরণ করিবেনা। ইহাই হইল
পাখীর তক্বীর, ব্যবস্থা বা পরিমাণ।

আর পাখীকে যে অল্পভব শক্তি ও ইঞ্জিয় বোধ
প্রদত্ত হইয়াছে তাহার সাহায্যে উহারা জীবন ধারণের
পন্থা অবলম্বন করিতে সমর্থ হইয়াছে এবং জীবন
ধারণের উপকরণ সমূহের সংগ্রহ কার্যে পাখীকে পথ
দেখাইয়া দিয়াছে, ইহাই “হিদায়ত” নামে কথিত।

কোরআনের নির্দেশ এই যে, আল্লাহ স্বীয়
রব্বীয়তের গুণের জন্ত যেরূপ প্রত্যেক প্রাণীকে
তাহার সত্ত্বা দান করিয়াছেন, তাহার আভ্যন্তরীণ ও
প্রকাশ অংগ প্রত্যংগগুলিকে সূক্ষ্মজ্ঞস ও সঙ্গঠিত
করিয়াছেন, তাহার গতিবিধি ও কার্যকলাপের নির্দিষ্ট
অবস্থা ও পরিমাণ ঠিক করিয়া দিয়াছেন, তেমনি
তাহার জীবন ধারণ ও জীবিকার উপায় অবলম্বন
জরার জন্ত তাহাকে হিদায়তের পথও প্রদর্শন করিয়া-
ছেন। এই কথাই কোরআনে এই বলিয়া শিক্ষা
দেওয়া হইয়াছে যে, যিনি আমাদের রব্ব তিনি
প্রত্যেক বস্তুকে যেরূপ رَبَّنَا الَّذِي اَعْطَى كُلَّ شَيْءٍ
তাহার অবয়ব প্রদান خَلَقَهُ ثُمَّ هَدَى -

করিয়াছেন, সেইরূপ তাহার কর্মপথও প্রদর্শন করিয়া-
ছেন—ছুরত তাহা, ৫০ আয়ত।

হযরত ইবরাহীম খলীলুল্লাহ (দ:) এবং তাঁহার
স্বদেশবাসীগণের যে কথোপকথন কোরআনের বিভিন্ন
স্থলে উদ্ধৃত হইয়াছে তাহা পাঠ করিলে আমরা
দেখিতে পাই যে, হযরত ইবরাহীম স্বীয় মতবাদ
নিয়োক্ত ভাষায় ঘোষণা করিতেছেন : এবং যখন
ইবরাহীম স্বীয় পিতা وَادَّ قَالَ اِبْرَاهِيمُ لَآبِيهِ
এবং তাঁহার স্বদেশ- وَقَوْمِهِ اِنِّى بَرَاءٌ مِّنْهُمْ
বাসীকে বলিলেন,— تَعْبُدُونَ الْاِلٰهَ الَّذِى فُطِرْنِى
তোমরা যেসকল فَانَّهُ سَيَهْدِيكُمْ -

বস্তুর ইবাদত করিতেছে, সেগুলির সহিত আমার
কোন সম্পর্ক নাই, যিনি আমাকে সৃষ্টি করিয়া-
ছেন, আমার সম্পর্ক কেবল তাঁহার সাথেই। কারণ
তিনিই আমাকে হিদায়ত অর্থাৎ সঠিক পথে পরি-
চালিত করিবেন—আযযুখক ২৬ ও ২৭।

খলীলুল্লাহর বর্ণিত উক্তির তাৎপর্য এই যে, যে
প্রভু আমাকে আমার দেহ ও সম্ভা দান করিয়াছেন,
আমাকে সঠিক পথে পরিচালিত করার ব্যবস্থা
তিনিই অবশ্য অবলম্বন করিবেন। ছুরত আশুশোআরায়
হযরত ইবরাহীমের এই কথা অধিকতর বাগ্মিতাপূর্ণ
ভাষায় উদ্ধৃত করা হইয়াছে। ইবরাহীম বলিয়া-
ছিলেন, যে প্রভু— الَّذِى خَلَقْنِى فَهُوَ
আমাকে সৃষ্টি কর- يَهْدِيْنِ وَالَّذِى هُوَ بِطَعْمِنِى
রাছেন, তিনিই আমাকে وَادَّامْرَضْتِى
হিদায়ত করিবেন এবং فَهُوَ يَشْفِيْنِ -

তিনিই আমাকে খাদ্য দান করেন ও আমাকে পান
করাইয়া থাকেন আর আমি যখন পীড়িত হই, তখন
তিনিই আমাকে আবোগ্য দান করেন—৮০ আয়ত।

অর্থাৎ যে বিশ্বপতি তদীয় রব্বীয়তের দরুণ
আমার জীবন যাত্রার সমুদয় প্রয়োজনীয় উপকরণের
সুব্যবস্থা করিয়া দিয়াছেন, যিনি আমাকে ক্ষুরিত্বের
জন্ত খাদ্য এবং পিপাসা নিবৃত্তির জন্ত পানি আর
পীড়ায় আরোগ্য দান করিয়া থাকেন, এহেন কৃপা-
নিধান রক্ষের পক্ষে আমাকে শুধু শুধু সৃষ্টি করিয়া
আমার হিদায়তের সুব্যবস্থানা করা কোন ক্রমেই
সম্ভবপর হইতে পারেনা। যদি তিনি আমার স্রষ্টা
হন, তাহাইহিলে আমার কামনা ও সাধনার পথে
তিনি যে আমার দিকদিশারী হইবেন তাহাতে সন্দে-
হের অবকাশ থাকিতে পারেনা। (ক্রমশঃ)

মুছলিম রাজ্য সমূহের প্রচলিত আইন

মূল :—আল্লাহ্ শহীদ আওদা

অনুবাদ :—আল্‌কোরাআল্লী

(পূর্বপ্রকাশিতের পর)

৫। আল্লাহ স্বীয় পবিত্র সত্বার শপথ করিয়া এই অত্রান্ত ইছলামী নীতি বিধোবিত করিয়াছেন যে, কোন ব্যক্তি যতক্ষণ পর্যন্ত তাহার সমুদয় ক্ষুদ্র বৃহৎ ব্যাপারে রছুল্লাহ (দঃ) কে মালিশ এবং বিচারক রূপে মানিয়া লইবেনা ততক্ষণ পর্যন্ত সে ব্যক্তি মু'মিনের পর্যায়ভুক্ত হইবেনা। সর্বোপরি ইহাও লক্ষ্য করা উচিত যে, রছুল্লাহর (দঃ) বিচার ও মীমাংসাকে শুধু প্রকাশ্য ভাবে মানিয়া লওয়াই ঈমানের পক্ষে যথেষ্ট নয়, বরং ঈমানের অন্তিমত্বকে প্রমাণিত করিতে হইলে রছুল্লাহর (দঃ) আদেশের সম্মুখে পরম কঠিন চিন্তেই আত্মসমর্পণ করিতে হইবে আর রছুল্লাহর (দঃ) যে আদেশের জন্ত দেহ ও মনের এই আত্মগত্যা মু'মিনের নিকট দাবী করা হইয়াছে, সে আদেশের তাৎপর্য দ্বিবিধ : হয় উহা আল্লাহর গ্রন্থ কোরআনের নির্দেশ মত হইবে অথবা আল্লাহ তদীয় রছুলকে যে প্রজ্ঞার অধিকারী করিয়াছেন তাহারই সক্রিয় বিকাশ “ছুদাহর” উপর উক্ত আদেশের ভিত্তি থাকিবে। আল্লাহ আদেশ করিয়াছেন, হে রছুল (দঃ), আপনার রব্বের **فلا وربك لا يؤمنون حتى** শপথ ! উহারা কিছু- **يحكموك فيما شجر بينهم ثم** তেই ঈমানের অধিকারী **لا يجحدوا في انفسهم حرجا** হইবেনা, যতক্ষণ উহারা **مما قضيت ويسلموا تسليما** আপনাকে তাহাদের কলহ বিবাদ ও মতানৈক্যের মীমাংসাকারী মানিয়া না লইবে। অতঃপর আপনি যাহা মীমাংসা করিয়া দিবেন তাহা মানিয়া লওয়ার জন্ত ইহাও আবশ্যক যে, আপনার মীমাংসায় তাহারা তাহাদের মনেও যেন কোনরূপ অসন্তুষ্টি বোধ না করে এবং আপনার মীমাংসার সম্মুখে মাথা পাতিয়া দেয়—আনুনিছা ৬৫ আয়ত।

৬। ইছলামে যে কার্ণ বা বস্ত্র হারাম বা নিষিদ্ধ, লৌকিক আইনে তাহা হালাল ও বৈধ করিয়া দিলেও উহা হারামই থাকিয়া যায়। ইছলামে আইন প্রণয়নের অধিকার সীমাবদ্ধ এবং বিভিন্ন শর্তের অধীন। একজন মুছলমানের

পক্ষেও এই সীমা ও শর্ত লংঘন করিয়া আইন রচনা করার উপায় নাই। যদি কোন আইন-পরিষদ বর্ণিত সীমা উল্লংঘন করিয়া ইছলাম বিরোধী কোন আইন রচনা করিতে এবং উহা প্রবর্তন করিতে প্রবৃত্ত হয়, তাহাহইলে কোন মুছলমানের পক্ষে এরূপ আইন শরীঅত্তের নির্দেশক্রমে অনুসরণীয় ও প্রতিপালন যোগ্য বিবেচিত হইবেনা। পক্ষান্তরে এই ধরনের আইনকে পরিবর্তিত করার জন্ত বিরামহীন সংগ্রাম চালাইয়া যাওয়া অবশ্যকর্তব্য হইবে। ছুরত আনুনিছারই ৫৯ আয়তে বিশ্বাসপরায়ণদিগকে সন্থাধন করিয়া আল্লাহ আদেশ দিয়াছেন—তোমরা আল্লাহর অনুগত হও **يا ايها الذين آمنوا اطيعوا** এবং রছুল্লাহর (দঃ) **الله و اطيعوا الرسول و** অনুগত হও এবং যাহারা **اولى الامر منكم ! فان** তোমাদের মুছলিম শাসন- **تنازعتم في شئ فردوه** কর্তা তাহাদেরও। যদি **الى الله والرسول، ان** কোন বিষয়ে তোমাদের **كنتم تؤمنون بالله واليوم** মধ্যে মতবিরোধ ঘটিয়া **الاخر، ذلك خيرو احسن** যায়, তাহাহইলে উক্ত **تاويل !** বিষয়কে আল্লাহ এবং তদীয় রছুলের দিকেই ফিরাইয়া লইয়া যাও। যদি আল্লাহর প্রতি এবং শেষ দিবসের প্রতি বিশ্বাসপরায়ণ হইয়া থাক তাহাহইলে ইহাই তোমাদের পক্ষে মঙ্গলজনক এবং সর্বোত্তম ব্যবস্থা !

এই আয়তে আল্লাহ স্বীয় আত্মগত্যা এবং তদীয় রছুলের (দঃ) আত্মগত্যের আদেশ দিয়াছেন। ‘আত্মগত্যা কর’—এই ক্রিয়াপদটি আল্লাহর শ্রায় রছুলের (দঃ) জন্ত স্তম্ভ ভাবে গুরুত্বপূর্ণ হইয়াছে। ইহাতে বুঝা যায় যে, রছুলের (দঃ) আত্মগত্যের ব্যাপারটি স্বতন্ত্র ও স্বাধীন। রছুল্লাহ (দঃ) যে বিষয়ের জন্ত আদেশ দান করিয়াছেন, তাহা কোরআনে উল্লিখিত থাকুক কি না থাকুক, সে আদেশের আত্মগত্যা ওয়াজিব। কারণ রছুল্লাহ (দঃ) স্বয়ং আদেশ করিয়াছেন যে,

আমাকে কোরআন এবং
তাহার সংগে তাহারই

অনুরূপ আর একটি বস্তু প্রদত্ত হইয়াছে। আবার ইহাও লক্ষ করা উচিত যে, ‘উলুল আমর’—শাসনকর্তার বেলায় আনুগত্য শব্দটির পুনরুক্তি করা হয় নাই। ইহার তাৎপৰ্য এই যে, আল্লাহ এবং তদীয় রচুল ব্যতীত অল্প কাহারো স্বতন্ত্র এবং শর্ত ও সীমাহীন আনুগত্য নাই। শাসনকর্তা-গণের আনুগত্য সর্বদা আল্লাহ এবং রচুলের (দঃ) আনুগত্যের অধীন থাকিবে। আরো লক্ষ করা আবশ্যক যে, আল্লাহ এবং রচুলের আনুগত্যের কথা প্রথমে উল্লিখিত হওয়ার পর শাসকদের আনুগত্যের কথা বলা হইয়াছে। ইহার তাৎপৰ্য এইবে, আল্লাহ এবং তদীয় রচুলের (দঃ) আনুগত্যের ব্যাপার-কেই সর্বদা অগ্রণী করিতে হইবে এবং যতক্ষণ পর্যন্ত আল্লাহ এবং রচুলের (দঃ) আনুগত্যের দাবী পুরাপুরি ভাবে পূর্ণ না করা হইবে এবং বিরোধের সকল প্রকার সম্ভাবনা তিরোহিত না হইবে, ততক্ষণ পর্যন্ত শাসকদের আনুগত্যের প্রস্তুতি উখিত হইতে পারিবে না। অতএব যে শাসনকর্তা আল্লাহ এবং তদীয় রচুলের (দঃ) নির্দেশ অনুসারে আদেশ প্রদান করিবেন কেবল তাঁহার আনুগত্যই ওয়াজিব, আল্লাহ ও রচুলের (দঃ) প্রতিকূল আদেশ প্রদানকারী শাসনকর্তা মুছলিম জনগণের নিকট আনুগত্যের কোন দাবী করিতে পারেনা।

শরীঅত বিবাক্ক আইন সমূহ প্রত্যা-
খ্যাত হইবার হাদীছী প্রমাণ

(৭) কোরআন ছাড়া চুন্নাতহেও শাসনকর্তাগণের আনুগত্যের সীমা স্পষ্টভাবে সংকুচিত করা হইয়াছে এবং আল্লাহর অবতীর্ণ নির্দেশের পরিপন্থী আদেশের অনুসরণ কার্য নিষিদ্ধ হইয়াছে। নিম্নলিখিত ছহীহ হাদীছগুলির অর্থ অনুধাবন করিলে আমাদের দাবী সন্দেহাতীত ভাবে প্রমাণিত হইবে।

(ক) রচুল্লাহ (দঃ) বলিয়াছেন, যেভাবে স্রষ্টার অবাধ্য হইতে হয়, এরূপ لا طاعة لمخلوق في معصية الخالق, ‘انما الطاعة في المعروف’ -
গত বৈধ নয়। আনু-
গত শুধু বৈধ কার্যেই সীমাবদ্ধ।

(খ) যেসকল শাসক তোমাদিগকে পাপ কার্যের আদেশ দেয় তাহাদের من امركم منهم بمعصية

আদেশ শুনিওনা এবং
তাহাদের আনুগত্য স্বীকার করিওনা।

(গ) মানুষের পক্ষে প্রীতিকর হউক অথবা অপ্ৰীতিকর, শাসনকর্তা-
গণের সর্ববিধ আদেশই
শ্রবণ করা ও সেগুলির
অনুগত হওয়া ওয়াজিব,
ولا طاعة -

অবশ্য যদি পাপ কার্যের জন্য আদেশ দেওয়া হয়, তাহাহইলে সে আদেশ শ্রবণ করা এবং প্রতিপালন করা বৈধ নয়।

(ঘ) রচুল্লাহ (দঃ) ইহাও আদেশ করিয়াছেন যে, আমার তিরোভাবের পর انه سيل امركم من بعدى رجال يطفؤون السنة و يتحدثون البدعة ويؤخرون الصلوة عن مواقيتها -
প্রাপ্ত হইবে, যাহারা
চুরতকে নিশিচি আর
বিদ্রোহকে প্রবর্তিত
করিবে আর নমায়কে
নির্দিষ্ট সময় হইতে বিল-
ম্বিত করিয়া পড়িবে।
আবুল্লাহ বিনে মুহুউদ নিবেদন করিলেন—হে আল্লাহর
রচুল (দঃ) যদি আমি তাহাদের যুগ পর্যন্ত বাঁচিয়া থাকি,
তাহাহইলে আমি কি করিব? রচুল্লাহ (দঃ) বলিলেন,
ওগো উম্মে-আব্দের পুত্র, যেব্যক্তি আল্লাহর অবাধ্য হয়,
তাহার আনুগত্য বৈধ নয়—এই কথা রচুল্লাহ (দঃ) তিনবার
উচ্চারণ করিলেন।

৮। রচুল্লাহর (দঃ) পর উম্মে-মুছলিমার এবিষয়ে ইজমা হইয়াছে যে, শাসকগণের আনুগত্য শুধু আল্লাহর আদেশের অধীনেই বৈধ হইবে। মুজতাহিদ ফকীহগণও এবিষয়ে পুরাপুরিভাবে একমত হইয়াছেন যে, প্রকৃত শাসন-কর্তা ও আদেশদাতা একমাত্র আল্লাহ! উক্তি অথবা মত-বাদের দিক দিয়া এসম্পর্কে বিধানগণের মধ্যে বৈবক্ষ্য নাই। তাঁহার এবিষয়েও ইজমা করিয়াছেন যে, যেসকল বিষয়ের হারাম হওয়া সর্ববাদীসম্মত, সেগুলিকে হালাল এবং বৈধ মনে করা কুফর ও ধর্মত্যাগের নিদর্শন। দৃষ্টান্ত স্বরূপ, যেব্যক্তি ব্যভিচার ও মগ্পানকে হালাল জানিবে অথবা আল্লাহ এবং তাঁহার রচুল (দঃ) ব্যতীত অল্প কাহাকেও আদেশ

ও নিষেধের স্বাধীন ও স্বতন্ত্র অধিকারী বিশ্বাস করিবে তাহার এই ধারণা স্পষ্ট কুফর ব্যতীত আর কিছুই নয়। এইরূপ যে শাসনকর্তা খোলাখুলি কুফর ও ধর্মভাঙের কার্যে লিপ্ত হইবে তাহার বিরুদ্ধে উত্থান করা মুছলমানগণের জন্ত ওয়াজিব। এই উত্থানের সর্বনিম্ন তাৎপর্য এই যে, তাহার যেসকল আদেশ ও নিষেধ ইছলাম বিরোধী সেগুলির বিরুদ্ধাচরণ করিতে হইবে।

৯। ইছলামের মৌলিক নীতির দিকদিয়াও ইছলামী রাষ্ট্রের অধিনায়কবর্গকে আইন প্রণয়ন করার সীমাহীন ও অবাধ অধিকার প্রদান করা হয় নাই, কেবলমাত্র বিবিধ আইন প্রণয়ন করার অধিকার তাঁহাদের জন্ত স্বীকৃত হইয়াছে : প্রথমতঃ শরীঅতের আদেশ ও বিধানগুলির প্রয়োগ ও প্রবর্তন সম্পর্কিত নিয়মকানুনগুলি তাঁহারা প্রণয়ন করিতে পারেন অর্থাৎ কি উপায়ে কোরআন ও ছুন্নাহর বিধানগুলি জনগণের মধ্যে কার্যকরী করিতে পারা যায়, তাহার নিয়মকানুন তাঁহারা রচনা করিতে পারেন। দ্বিতীয়তঃ ইছলামী সমাজব্যবস্থার সংগঠন ও সংহতির সংরক্ষণকল্পে এবং সমাজের সার্বজনীন প্রয়োজনগুলিকে মিটাইবার উদ্দেশ্যে তাঁহারা প্রয়োজনীয় আইন রচনা করিতে পারেন।

দ্বিতীয় শ্রেণীর আইন প্রণয়ন করার কার্য শুধু শরীঅত নিরপেক্ষ বিষয়গুলির মধ্যেই সীমাবদ্ধ রহিবে। কেহ সন্দেহ করিতে পারেন যে, হয়ত এই শ্রেণীর আইন রচনা করার পথে কোনরূপ বাধাধরা সীমারেখা টানিয়া দেওয়া হয় নাই, কিন্তু এরূপ ধারণা সঠিক নয়, শেষোক্ত শ্রেণীর আইন রচনা কার্যও আমাদের কাছে ব্যাপক এবং পূর্ণ অধিকার প্রদান করা হয় নাই। বরং এরূপ ক্ষেত্রেও শরীঅতের স্পিরিট এবং উহার সার্বজনীন নীতি সকল সময় লক্ষ রাখার নির্দেশ প্রদান করা হইয়াছে এবং উহারই আলোকে সংগঠনমূলক আইনগুলি বলবৎ করিতে বলা হইয়াছে। সুতরাং দেখা যাইতেছে যে, উল্লিখিত উভয়বিধ আইনের প্রণয়নের কার্যও আল্লাহর নির্দেশের মধ্যে সীমাবদ্ধ রাখিতে হইবে। আমাদের শাসকগোষ্ঠি (Ruling class) ও বাবস্থাপক সমাজ (Legislatures) একাধারে যেমন রছুল্লাহর (দঃ) খলীফা তেমনি

সঙ্গে সঙ্গে তাঁহারা মুছলিম সমাজের প্রতিনিধিও বটেন। রছুল্লাহর (দঃ) খলীফা রূপে কোরআন ও ছুন্নাহর নির্দেশ সমূহের চুলমাত্র ব্যতিক্রম করা যে রূপ তাঁহাদের পক্ষে বৈধ নয়, সেইরূপ মুছলিম জাতির প্রতিনিধি রূপে তাঁহাদের পক্ষে জাতীয় আদর্শ ও দৃষ্টিভঙ্গীর ব্যতিক্রম করাও সম্ভবপর নয়। তাঁহাদিগকে রছুল্লাহর (দঃ) গৌরবমণ্ডিত খিলাফত এবং জাতির প্রতিনিধিত্বের সম্মান এই জন্তই সমর্পণ করা হইয়াছে, যাহাতে তাঁহারা জ্বীনের প্রতিষ্ঠা করে সচেষ্ট হন, জ্বীনে-ইছলামের বিশ্বাস্তকল্পে তাঁহাদিগকে এই আসন সমর্পণ করা হয় নাই।

১০। মুছলমানগণের রাজ্যশাসন বিধানের বুনியাদ হইতেছে শরীঅত। সুতরাং যে আইন শরীঅত-ভিত্তিক হইবে, তাহা বৈধ এবং যাহা উহার প্রতিকূল তাহা বাতিল হইবে। মনছুখ (Repeal) না হওয়া পর্যন্ত শরীঅতের বিধিনিষেধ অবশ্য প্রতিপালনীয় থাকিবে, কিন্তু আল্লাহর কোন গ্রন্থকে কেবল তাঁহার অপর গ্রন্থই মনছুখ করিতে পারে এবং এক রছুলের ছুন্নতেরই অন্য রছুলের ছুন্নতকে রহিত করার অধিকার রহিয়াছে। ঐশী গ্রন্থ ও নবীগণের আগমন ও অবতরণ এখন নিরুদ্ধ হইয়া গিয়াছে। অতএব শরীঅত-আইনের পরিবর্তন, সংশোধন ও রহিত-করণের কোন প্রশ্নই এখন উঠেনা এবং ব্যবস্থাপকগণের বিরচিত সংবিধানগুলি কোনক্রমেই ইছলামী সংবিধানের স্থান অধিকার করিতে পারেনা।

মিছরের প্রচলিত আইনের অগুন

সাধারণ লৌকিক আইনের অবৈধতা প্রমাণিত হইল বটে কিন্তু মিছরের প্রচলিত আইন—সমূহের বাতিল হওয়ার অস্তিত্ব কারণও রহিয়াছে। একটি প্রধান অস্তিত্ব কারণ এই যে, এই সকল আইনের অধিকাংশই বুনিয়াদী নীতি সমূহের—(Basic Principles) বিরোধী। মিছরী আইনের বুনিয়াদী নীতির গোড়াতেই ইহা সন্নিবেশিত হইয়াছে যে, রাষ্ট্রের প্রচলিত ও دین الدوكة الرسمى সরকারী ধর্ম 'ইছলাম' هو الاسلام - হইবে—একথার অর্থ এই যে, আমাদের আইন সংক্রান্ত ব্যবস্থার ভিত্তি হইতেছে ইছলাম। ইছলামই

এরূপ একটি উৎস ও কেন্দ্র যে, উহা হইতেই সমুদয় আইন-কানুন প্রতিপাদিত হইবে এবং শরীঅতকেই আদর্শ মান্ত করিয়া উহারই নেতৃত্বে আইন রচনা করিতে হইবে। প্রকৃতপ্রস্তাবে এই দফাটি আমাদের রাজনীতি, সমাজ জীবন, স্বরাষ্ট্র নীতি ও পররাষ্ট্র নীতির সমুদয় ভগ্নী ও পলিসিকে সীমাবদ্ধ ও নিয়ন্ত্রিত করিয়া রাখিয়াছে। এই দফা অনুসারে আমরা ইচ্ছামী শরীঅতের নির্ধারিত সীমা অতিক্রম—এবং উহার স্পিরিটের সহিত প্রতিদ্বন্দ্বিতা করিয়া কোন আইন রচনা করার অধিকারী নই। অতএব একজন মিছরীর পক্ষে মিছরীয় আইনের বৃন্যাদী নীতি অনুসারে কর্তব্য হইতেছে—সমুদয় অনৈচ্ছামিক আইনকে বাতিল মনে করা। কারণ ওগুলি Constitution বিরোধী। শাসন সংক্রান্ত আইন [Administrative Law] কে সকল সময় কনস্টিটিউশনের অধীনস্থ থাকিতে হয় এবং উহাদের পরস্পরের মধ্যে বিরোধ ঘটিলে কনস্টিটিউশনের সমকক্ষতার শাসন সংক্রান্ত আইনকে বাতিল করিয়া দিতে হয়। মিছরের আদালত সমূহে এই নিয়মের অনুসরণ করা হইয়াছে। মিছরের হাইকোর্ট ইং ১৮৬৫ সালের ১ নম্বর মীমাংসায় লিপিবদ্ধ করিয়াছেন যে,—কনস্টিটিউশনের কোন বৃন্যাদী দফা যদি কোন আইনে অবহেলা করা হইয়া থাকে, তাহা হইলে উক্ত আইন [Ultra vires of the Constitutions] বলিয়া গণ্য হইবে। এই মীমাংসা সূত্রে ব্যবস্থাপক পরিষদের প্রণীত একটি আইন বাতিল করিয়া দেওয়া হইয়াছিল। কনস্টিটিউশনের সার্বভৌম ক্ষমতা এবং আইনের দৃঢ়তার জগৎ উৎকৃষ্টতম গ্যারান্টি হইতেছে—আইন রচনা কালে সর্বদা কনস্টিটিউশনের সীমানা রক্ষা করিয়া চলা। আদালতগুলিরও আইনের সঠিক ব্যাখ্যা ও প্রবর্তন করার পুরাপুরি অধিকার রহিয়াছে এবং দুইটি আইনে পরস্পর সংঘর্ষ ঘটিলে আদালতের পক্ষে ইহা মীমাংসা করা উচিত যে, এতদুভয়ের মধ্যে কোনটি কনস্টিটিউশন বিরোধী এবং যেটি কনস্টিটিউশন—বিরোধী সেটিকে বাতিল করিয়া দেওয়া এবং কনস্টিটিউশনের প্রাধান্য প্রতিষ্ঠা করা।

সাধারণ আইন সম্পর্কে এই নীতিও সর্ব স্বীকৃত হইয়াছে যে, যে আইনগুলি সর্বজনবিদিত ধ্যান-ধারণার বিপরীত, সেগুলির এরূপ ব্যাখ্যা করা উচিত যাহাতে আইনের মৌলিক তাৎপর্য ও উদ্দেশ্য অক্ষুণ্ণ থাকিয়া যায়। সুতরাং উম্মতে মুছলিমা সম্পর্কে যখন ইহা সর্বস্বীকৃত যে, তাহাদের ইচ্ছামের নীমা অতিক্রম করিয়া যাওয়ার অধিকার নাই, তখন বিজাতীয়

আইনগুলি ইচ্ছামী রাজ্য সমূহে প্রবর্তন করার প্রাক্কালে সেগুলির অনৈচ্ছামিক অংশগুলিকে পরিহার করা অবশ্য কর্তব্য।

আমরা পূর্বেই প্রদর্শন করিয়াছি যে, যে—সকল পাশ্চাত্য আইন-কানুন আমাদের দেশে প্রবর্তিত করার হইয়াছে, সেগুলির আইনের মৌলিক—উদ্দেশ্যকে সাফল্যমণ্ডিত করিতে কি ভাবে অকৃতকার্য হইয়াছে এবং আইনের সর্বজনবিদিত ধ্যান-ধারণার সহিত সেগুলির কি ভাবে সংঘর্ষ ঘটয়াছে। অতএব এ দিক দিয়াও পাশ্চাত্য আইনগুলির—অনৈচ্ছামিক অংশগুলিকে পরিহার করিয়া গ্রহণ করা উচিত এবং অসংশোধিত ও অপরিবর্তিত আকারে উল্লিখিত আইনগুলি কোন ক্রমেই ইচ্ছামী রাজ্যসমূহে প্রবর্তন করা উচিত নয়।

পাশ্চাত্য আইনের বিষময় প্রভাব

পাশ্চাত্য আইনগুলি এরূপ দেশ হইতে আহরণ করা হইয়াছে যাহার পরিবেশ আমাদের পরিবেশ হইতে বিভিন্ন, সে সকল দেশের অধিবাসীর সহিত আমাদের এক্য খুবই সামান্য, কিন্তু বৈষম্য অত্যন্ত অধিক। এই সকল আইনের কতকাংশই রূপ ভাল সেইরূপ মন্দও বটে, কতকগুলি আমাদের মতবাদের অমূলক আর কতকগুলি প্রতিকূল, কতক আমাদের নীতি নৈতিকতা ও অভ্যাসের সহিত সঙ্গমঙ্গস আর কতক অসমঙ্গস। ওগুলির কতক অংশকে আমাদের বিবেক ও অস্তর মাত্র করিয়া লয় আর কতকগুলিকে ঘৃণা করিয়া থাকে। এই সকল আইন আমাদের চিন্তাধারাকে কলুষিত, আমাদের মননশীলতাকে বিক্ষিপ্ত আর আমাদের হৃদয়কে বিকৃত করিয়া ফেলিয়াছে। আমাদের সামাদের সামাজিক জীবনে এই সকল আইনের ফলে বিশৃংখলা ঘটয়াছে, আমাদের জাতীয় সংহতির মূলে আঘাত পড়িয়াছে, দুঃখে ও ব্যাথায় আমাদের হৃদয় পূর্ণ আর আমাদের বুক তিক্ত হইয়া উঠিয়াছে। আমাদের মধ্যে ভয়াবহ ধরণের পরস্পর বিরুদ্ধ মনোভাব এবং ক্রটি বিকার টানিয়া আনিয়াছে, একই সময়ে যুগপৎভাবে আমরা একটি জিনিষকে যেমন হালাল বলিয়া থাকি তেমনি উহাকে হারাম বলিয়াও ঘোষণা করি। আমরা মুখে মুখে একটি নির্দিষ্ট মতবাদের অনুসারী বলিয়া দাবী করিলেও আমাদের আচরণ উহার সম্পূর্ণ পরিপন্থী হইয়া থাকে। চিন্তা ও কর্মের এই বিরোধ ও অসামঞ্জস্য আমাদের জাতীয় জীবনের প্রত্যেকটি বিষয়ে দৃশ্যমান হইয়া উঠিয়াছে।

হাদিছ লিখনের প্রাথমিক ইতিহাস

আবুল কাছেম মোহাম্মদ হোজাইন—বাহুদেবপুরী।

(পূর্বপ্রকাশিতের পর)

ছাহাবী যুগে হাদিছ লিখন।

হযরত নবীয়ে করিমের (দঃ) ছাহাবাগণের স্ববর্ণ যুগের ইতিহাস আলোচনা করিলে হাদিছ লিখন সম্বন্ধে বহু ঘটনা অবগত হওয়া যায়। এতদসম্বন্ধে সর্বাগ্রে হযরত আবুবকর ছিদ্দিকের (রাঃ) ঘটনা সবিশেষ উল্লেখযোগ্য। ইসলামের স্বনামখ্যাত ঐতিহাসিক হাফেয হযরী তদীয় বিখ্যাত গ্রন্থ তায্কেরা-তুল্ হোফ্ ফাযের (تذكرة الحفاظ) ৫ পৃষ্ঠায় এবং শরখ আলী মোস্তাকীর বিখ্যাত গ্রন্থ কন্যুল্ উম্মালের (كنز العمال) ৫ম খণ্ডের ২৩৭ পৃষ্ঠায় এমাম হাকেমের বরাতে দিয়া উদ্ধৃত করিয়াছেন যে, হযরত আবুবকর ছিদ্দিক (রাঃ) হযরত রসুলুল্লাহর (দঃ) হাদিছগুলি সংগ্রহ করিতে আরম্ভ করেন, যখন প্রায় পাঁচ শতাব্দিক হাদিছ লিখিত হইয়া যায় তখন এক দিবস তিনি ঐ সংগৃহীত হাদিছের দফতর খানিকে অগ্নিতে নিক্ষেপ করেন এবং বলেন যে, আমি ইহাতে এমন কতকগুলি হাদিছ লিপিবদ্ধ করিয়া-ছিলাম, বাহা আমি স্বয়ং হযরতের (দঃ) প্রমুখ্যে শ্রবণ করিবার শৌভাগ্য লাভ করিতে পারি নাই বরং অপরের মধ্যস্থতায় ও বাচনিক শুনিয়া তাহা লিখিয়া লইয়াছিলাম। ইহা অসম্ভব নয় যে, যে-ব্যক্তি আমার নিকট যেক্রমে হাদিছ বর্ণনা করি-
য়াছে, হযরত হযরত রসুলুল্লাহ (দঃ) তদনুরূপ বর্ণনা করেন নাই। অতএব অনর্থক আমি নিজ স্বন্ধে এই গুরু দায়িত্ব ভার বহন করা সমীচীন মনে করিনা।

দারেমীর ৩৮ পৃষ্ঠায় ও মুছতদরক ১ম খণ্ডের ১০৬ পৃষ্ঠায় হযরত উমর ফারুকের (রাঃ) একখানা ফরমান উদ্ধৃত হইয়াছে যে, বিজ্ঞাকে কিতাবের (লিখনীর) আয়ত্ত্বাধীন কর।

দারেমী ও মুছতদরক মধ্যে হযরত আনছ (রাঃ) হইতে বর্ণিত আছে যে,—বিজ্ঞাকে (হাদিছকে)

লিখিয়া স্বীয় আয়ত্ত্বাধীন কর। এইরূপ ছহি মুছলিম ১ম খণ্ডের ৪৬ পৃষ্ঠায় রহিয়াছে যে, হযরত আনছ (রাঃ) হযরত মাহমুদ আব্দুররবি ছাহাবার প্রমুখ্যে হযরত উত্বানের একটি দীর্ঘ হাদিছ শ্রবণ করেন এবং উহা লিখিয়া লইবার জন্ত নিজ পুত্রকে আদেশ দান করেন। তদনুযায়ী তিনি উহা লিখিয়া লন। طحاوی (২) ৩৮৪ পৃষ্ঠায় হযরত আনছ (রাঃ) কর্তৃক নিজ পুত্র দ্বারা হাদিছ লিখাইয়া লইবার বিষয় বর্ণিত হইয়াছে।

পূর্বে উল্লিখিত হইয়াছে যে, হযরত আবু-হোরাযরা (রাঃ) রসুলুল্লাহর (দঃ) যুগে প্রাথমিক অবস্থায় হাদিছ লিপিবদ্ধ করিতেননা। কিন্তু পরবর্তী কালে নিজ হস্তে বা অপরের দ্বারা লিখাইয়া লইয়া নিজ দফতরে সুরক্ষিত করিয়া রাখিতেন।

ফতহুল্ বারী ১ম খণ্ড ১৪৮ পৃষ্ঠায় হযরত হাছান এবনে আমর (রাঃ) কর্তৃক বর্ণিত আছে যে, হযরত আবু হোরাযরা (রাঃ) আমার হস্তধারণ পূর্বক নিজ গৃহে লইয়া যান এবং হযরতের (দঃ) হাদিছ সন্নিবেশিত কতিপয় কেতাব দেখাইয়া বলিলেন, দেখ, এইগুলি আমার নিকট রহিয়াছে।

হযরত বশির বিন্ নোহায়ক বর্ণনা করিতেছেন যে, আমি হযরত আবু-হোরাযরার নিকট হইতে তাহার লিখিত গ্রন্থগুলি চাহিয়া লইয়া নকল করিয়া লইতাম। অতঃপর সেগুলি তাঁহাকে শুনাইয়া বলিতাম, আপনি কি এই হাদিছগুলি হযরত রসুলুল্লাহ (দঃ) হইতে অবিকল এইরূপ শ্রবণ করিয়া-ছেন? তদুত্তরে তিনি বলিতেন, হাঁ, আমি এইরূপ শ্রবণ করিয়াছি। (তাহাবী ২য় খণ্ড ৩৮৫ পৃঃ)।

হযরত এবনে আক্বাছের (রাঃ) কতকগুলি ছহিফা ছিল, উহাতেও কতিপয় হাদিছ লিপিবদ্ধ ছিল। বর্ণিত আছে যে, তায়েফের কতিপয় লোক

হযরত এবনে আব্বাছের নিকট তাঁহার কতকগুলি চাহিয়া লইয়া উপস্থিত হন এবং বলেন, এইগুলি আপনি আমাদিগকে শুনাইয়া দিন। সেই সময় হযরত এবনে আব্বাছের দৃষ্টিশক্তি অত্যন্ত দুর্বল হইয়া পড়ায় স্বয়ং পড়িতে অক্ষমতা জ্ঞাপন করেন। তিনি বলিলেন, তোমরা ইহা শুনাইয়া দাও, তোমাদের শুনাইয়া দেওয়া ও আমার পাঠ করা রোগযাতার জন্তব্যয়ের জন্ত সমতুল্য।

(তিরমিযি (২) ২৩৮ পৃঃ; তাহাবী (২) ৩৮৪ পৃষ্ঠা)।

আবুল বখতারী বর্ণনা করিতেছেন, আমি জনৈক ছাত্র বা তাবেরীর নিকট হাদিছ শ্রবণ করি। অত্যন্ত ভাল বোধ হওয়ায় আমি তাঁহার নিকট সেগুলি লিখিয়া লইবার জন্ত দরখাস্ত করায় আমার প্রার্থনা মতে তিনি তাহা লিখিয়া আমাকে সমর্পণ করেন। (আবুদাউদ (২) ১৮ পৃঃ)।

হযরত আবান তাবেরী হযরত আনছের নিকট বসিয়া হাদিছ লিপিবদ্ধ করিতেন—عند انس رح رأيت ابنه يكتب (দারেমী ৬৯ পৃষ্ঠা)।

হযরত আবুত্বাহা বিন্ মোহাম্মদ বিন্ আকিল বর্ণনা করিতেছেন—আমরা হযরত জাবেরের খেদ্মতে উপস্থিত হইয়া আঁ হযরতের হাদিছগুলি জিজ্ঞাসা করিতাম এবং লিখিয়া লইতাম। তাহাবী (২) ৩০৪ পৃঃ)।

হযরত ইবনে উমর (রাঃ) বলিয়াছেন, বিজ্ঞকে (হাদিছকে) লিখনী দ্বারা আবৃত্ত্বাধীন কর। (দারেমী ৬৯ পৃষ্ঠা)।

হযরত ছুদ্দাদ বিন্ জোবায়র বর্ণনা করিতেছেন—আমি হযরত ইবনে উমরের নিকট হাদিছ শ্রবণ করিতাম এবং তাহা লিখিয়া লইতাম। (দারেমী)

হযরত ছুদ্দাদ বিন্ জোবায়র প্রভৃতি হযরত ইবনে আব্বাছের নিকট হাদিছগুলি লিখিতে থাকিতেন। (দারেমী ১৬৯ পৃঃ; তাহাবী (২) ৩৮৪ পৃঃ)।

দারেমীতে ইহাও রহিয়াছে যে, যখন কাগজ পূর্ণ হইয়া যাইত, তখন অপর কোন বস্তুর উপর লিখিয়া লইতেন।

হযরত ইবনে আব্বাছ (রাঃ) আনতারা কে হাদিছ লিখিবার অনুমতি দান করিয়াছিলেন। (দারেমী ৬৯ পৃঃ)।

হযরত আবুত্বাহা বিন্ খনশ্ বর্ণনা করিতেছেন, আমি হযরত বারার (রাঃ) মজলিছে অনেক ব্যক্তিকে হস্ততালুর উপর হাদিছ লিখিতে শুক্কে দর্শন করিয়াছি। (দারেমী—৬৯ পৃঃ)।

(যখন কাগজ পূর্ণ হইয়া যাইত, তখন হস্ততালুর উপর এইজন্ত লিখিতেন যে, বাড়ী পছঁচিয়া সেইগুলি কাগজে নকল করিয়া লইতে পারেন)।

হযরত হাছান বিন্ জাবের (রাঃ) হযরত আবু-উমামা বাহেলীকে হাদিছ লিখন সম্বন্ধে জিজ্ঞাসা করায় তিনি তৎক্ষণে বলিলেন, উহা কোন দোষনীর কাধা নহে।

হযরত আবু বোরদা আশ্-আরী বর্ণনা করিয়াছেন—আমি আমার পিতা হযরত মুছা আশ্-আরীর নিকট হাদিছ শ্রবণ করিতাম এবং তাহা লিপিবদ্ধ করিয়া লইলাম। এক দিবস আমার পিতা আমার লিখিত হাদিছগুলি চাহিয়া লইয়া আমাদ্বারা পড়াইলেন, পাঠ সমাপনান্তে তিনি বলিলেন হাঁ, আমি হযরতের (রাঃ) নিকট অবিকল এই প্রকার শ্রবণ করিয়াছি, তবে আমার আশংকা হয় যে, ইহাতে কোনরূপ কম বেশী না হইয়া যায়।

(المجمع الزوائد (১) ১৫১ পৃষ্ঠা)।

তাবেহীন যুগে হাদিছ লিখন

পূর্বে যে সমস্ত বিবরণ উল্লিখিত হইয়াছে, তাহাতে চাহাবায়ে কেবামগণের সম্মুখে অথবা ছাত্রাবাগণের নিকট হইতে শ্রবণ করিয়া হাদিছ লিপিবদ্ধ করিয়া লইবার বিষয় বর্ণিত হইয়াছে। এক্ষণে তাবেরীগণের সম্মুখে অথবা তাঁতাদের নিকট হইতে হাদিছ শ্রবণ করিয়া লিপিবদ্ধ করিয়া লইবার বিষয় বর্ণিত হইবে।

(১) হযরত এবরাহিম নখরী বর্ণনা করিতেছেন যে, ছালেম বিন্ আবিল জা'দ হাদিছগুলি লিখিয়া লইতেন। সন ১০১ হিঃ সালে ছালেমের মৃত্যু হয়। তিনি কোন কোন ছাত্রাবা হইতেও হাদিছ শ্রবণ

করিয়াছেন। (তিরমিযি (২) ২৬৮ পৃঃ, দারেমী ৬৬ পৃঃ)।

(২) হযরত আবু যিনাদ তাবেরী বর্ণনা করিতেছেন, আমরা যুহরীর (মুঃ সন ১২৪ হিঃ) সহিত বিদ্যানগণের নিকট হাদিছ শ্রবণ করিবার জন্ত গমন করিতাম। তিনি কাগজ ও তখতী সঙ্গে লইয়া যাইতেন এবং যতগুলি হাদিছ শ্রবণ করিতেন, সমস্তই লিখিয়া লইতেন।

(تذكرة الحفاظ) (১) ১০৩ পৃষ্ঠা।

(৩) চালেম বিন কয়ছান বর্ণনা করিতেছেন, অধ্যয়ন যুগে আমি ইমাম যুহরীর সহপাঠী ছিলাম। একদা যুহরী আমাকে বলিলেন, আটস, আঁ হযরতের (দঃ) হাদিছগুলি লিখিয়া লই।

(كنز العمال) (৫) ২৩৮ পৃষ্ঠা।

(৪) রাজা ইবনে হায়াত (মুঃ ১১২ হিঃ) বর্ণনা করিতেছেন, হেশাম বিন আবদুল মালেক তাঁহার কর্মচারীকে আমার নিকট একটি হাদিছ অবগত হইবার জন্ত পত্র লিখেন। যদি সেই হাদিছ আমার নিকট লিখিত না থাকিত, তবে উহা আমি বিস্মৃত হইয়া যাইতাম। দারেমী—৬৯ পৃঃ।

(৫) হিশাম এবদুল গায বর্ণনা করিতেছেন—আতা বিন্ আব্বি রেবাহ (মুঃ ১১৪ হিঃ) তাবেরীর নিকট লোকে হাদিছ জিজ্ঞাসা করিত এবং তাঁহারই সম্মুখে লিখিয়া লইত। (দারেমী—৬৯ পৃঃ)।

(৬) ছোলায়মান বিন মুছা বর্ণনা করিতেছেন, আমি হযরত নাফে' (মুঃ সন ১১৭ হিঃ) কে দেখিয়াছি, তিনি মৌখিক হাদিছ বর্ণনা করিয়া যাইতেন এবং লোক তাঁহারই সম্মুখে লিপিবদ্ধ করিয়া লইতেন। (দারেমী)।

(৭) এক ব্যক্তি হাছান বছরীর (মুঃ ১১০ হিঃ) নিকট উপস্থিত হইয়া বলিলেন, আমার নিকট আপনার বর্ণিত কতিপয় হাদিছ লিখিত রহিয়াছে, আমি সেই হাদিছগুলি আপনাই হইতে বেস্তায়ত করিতে পারি কি? তদুত্তরে তিনি বলিলেন, হাঁ, পাব। (তিরমিযি (২) ২৩৯ পৃঃ)।

হামিদ তাবিল হাছান বছরীর কেতাবগুলি নকল করিয়া ছিলেন।

(تذكرة الحفاظ) (৩) ৩৯ পৃষ্ঠা।

(৮) এবনে জোরাযজ বর্ণনা করিতেছেন,—আমি হিশাম বিন্ উর ওয়ার (মৃত সন ১৪৬ হিঃ) নিকট একখণ্ড কেতাব লইয়া উপস্থিত হই এবং বলি, এই কেতাবে লিখিত বেওয়ায়তগুলি কি আপনার? আমি কি ইহা বেওয়ায়ত করিতে পারি? তদুত্তরে তিনি বলিলেন, হাঁ, বর্ণনা করিতে পার। (তিরমিযি (২) ২৩৯ পৃষ্ঠা)।

(৯) হযরত আবু কলাবা (মৃত ১০৪ হিঃ) মৃত্যু কালে হযরত আইউব ছখতিয়ানীর জন্ত তাঁহার গ্রন্থগুলি সম্বন্ধে ওসিয়ত করিয়া গিয়াছিলেন; উষ্ট্র পৃষ্ঠে বোঝাই করিয়া গ্রন্থগুলি শাম হইতে আনিত হইয়াছিল। হযরত আইউব বলিতেছেন,—আমি উক্ত উষ্ট্রের ভাড়া বাবত ১২।১৪ দিরাম প্রদান করিয়াছি। (تذكرة الحفاظ) (১) ৮৮ পৃষ্ঠা।

হযরত নবীয়ে করিমের (দঃ) এশেকালের মাত্র একশত বৎসর পরবর্তী কালের তাবেরীয় যুগের—কতিপয় বিবরণপ্রদত্ত হইল এবং তাঁহাদের মৃত্যু সন উল্লেখ করিয়া দেওয়া হইল। অতঃপর তাবাতাবেয়ী যুগের বিবরণী পেশ করা যাইতেছে।

তাবা তাবেরীয় যুগে হাদিছ লিখন

মোহাম্মদ বিন্ বশর বর্ণনা করিতেছেন যে, মছব্বের (মৃত ১৫৫ হিঃ) নিকট এক সহস্র হাদিছ লিখিত ছিল। আমি দশটি ব্যতীত যাবতীয় হাদিছ লিপিবদ্ধ করিয়া লইয়া ছিলাম।

আবদুর রাযযাক্ বর্ণনা করিতেছেন,—আমি মোআম্মারের (মৃত ১৫৩ হিঃ) নিকট দশ সহস্র হাদিছ শ্রবণ করিয়া লিখিয়া লইয়াছি।

(تذكرة الحفاظ) (১) ১৭৫ পৃঃ)।

হাম্মাদ বিন্ চলামার নিকট কয়ছ বিন্ ছা'দেব একখানি লিখিত গ্রন্থ ছিল।

(تذكرة الحفاظ) (১) ১৭৫ পৃঃ)।

যে সময় ছুফ'যান ছত্তরী ইয়ামান গমন করেন, সেই সময় তাঁহার জন্ত জনৈক ক্রত লেখক মোহার-রিয়েব বিশেষ আবশ্যক হয়। হিশাম বিন্ ইউছফ

“নিজামুল-মুল্ক”

সপ্তম (এম-এ.)

(পূর্বপ্রকাশিতের পর)

যুদ্ধ জয়ের পর নিজামুল-মুল্কের পতিবিত্তি ও কার্যকলাপ

শকরখের যুদ্ধ জয়ের পর তথায় ৩৪ দিন অবস্থান করিয়া নিজামুল-মুল্ক সৈন্যদিগকে বিশ্রাম গ্রহণের সুযোগ দিলেন। যথা নিয়মে নিহত ব্যক্তিদের সমাহিত এবং আহতদের শুশ্রূষার ব্যবস্থা করা হইল। তারপর তিনি আগরদ্বারাদে প্রত্যাবর্তন করিলেন। তথায় আদিয়া সংবাদ পাইলেন যে, মুবারিজ খানের ছোটপুত্র খাজা আহমদ খান হায়দরাবাদ নগরের সন্নিকটবর্তী মাহমুদ নগরের দুর্গ অধিকার করিয়া তথায় মুবারিজ খানের ধন সম্পত্তি স্থানান্তরিত করিয়াছেন এবং ঐ দুর্গের রক্ষা-নৈমিত্ত্যের সংখ্যা বৃদ্ধি করিয়া উহাকে দুর্ভেদ্য করিয়া তুলিয়াছেন। মুবারিজ খান যুদ্ধ যাত্রাকালে আহমদ খানকে হায়দরাবাদের রক্ষণাবেক্ষণের জন্ত রাখিয়া গিয়াছিলেন।

আগরদ্বারাদ রক্ষার যথাবিধি ব্যবস্থা শেষ করিয়া নিজামুল-মুল্ক পুনরায় বহির্গত হইলেন। ২৭০ মাইল

অগ্রসর হইয়া তিনি হায়দরাবাদের উপকণ্ঠে উপনীত হইলেন। হায়দরাবাদ নগর ও উহার চতুঃপার্শ্ব জনপদগুলি তিনি অধিকার করিয়া লইলেন। হায়দরাবাদ সুবারভার হীরজুলাহ খান নামক জনৈক ব্যক্তির উপর অর্পণ করিয়া তিনি মছলিবন্দর ও কর্ণাটে চলিয়া যান। মাহমুদনগরের দুর্গে অবস্থিত আহমদ খানের বিকল্পে কিছুদিন তিনি কোন ব্যবস্থাই অবলম্বন করিলেন না। এর ফলে ঐ অঞ্চলে শান্তি ও শৃংখলা প্রতিষ্ঠিত হইতে বিলম্ব হইল। খাজা আহমদ খান ঘোষণা করিতে লাগিলেন যে, তিনি শীঘ্রই সম্রাট কর্তৃক হায়দরাবাদ সুবা ও মাহমুদনগর দুর্গের দুর্গাধক্ষ নিযুক্ত হইবেন। তাহা ছাড়া তিনি চতুর্দিকে চিঠি পত্র প্রেরণ করিয়া নিজামুল-মুল্কের নিযুক্ত কর্মচারীদিগকে রাজস্ব প্রদান করিতে নিবেদন করিয়া পাঠাইলেন। তাহা ছাড়া ক্ষুদ্র ক্ষুদ্র সৈন্যদল পাঠাইয়া নিজামুল-মুল্কের কর্মচারীদিগের রাজস্ব আদায়ের পথ কটকিত করিয়া দিলেন। কিন্তু নিজামুল-মুল্ক স্বীয় দৈর্ঘ্য ও তীক্ষ্ণতা এবং সদাচরণ ও সালে শোয়াযব এন্তেকাল করেন। (الملك في سنة ١٢١٠ ٢١: ١)।

(৩৩৭ পৃষ্ঠার পর)

বর্ণনা করিতেছেন, লোকে আমাকে তাহার নিকট উপস্থিত করেন। আমি তাহার জন্ত হাদিছ লিপিবদ্ধ করিতে থাকিতাম।

(الملك في سنة ١٢١٠ ١: ١)

আবু নঈম বর্ণনা করিতেছেন, আমি আট শত মশায়েখের নিকট হইতে হাদিছ লিপিবদ্ধ করিয়াছি।

(الملك في سنة ١٢١٠ ١: ١)

শোয়াযব বিন্ হাম্মা অনেক বেশী হাদিছ লিখিয়া ছিলেন। এমাম সুহরী বলিয়া যাইতেন এবং শোয়াযব তাহা লিখিয়া লইতেন।

ইমাম আহমদ শোয়াযব লিখিত গ্রন্থখানি— দেখিয়াছিলেন। তিনি বর্ণনা করিতেছেন শোয়াযবের গ্রন্থখানি বিখ্যাত গ্রন্থ বটে। সন ১৬৩ হিজরী

আবু আওয়ানা (মৃত ১৬৩ হি:) পড়িতে জানিতেন বটে, কিন্তু লিখিতে জানিতেননা। এই হেতু তিনি হাদিছ শ্রবণ করিবার জন্ত যখন গমন করিতেন, তখন অপরের নিকট হইতে লিখাইয়া লইতেন। (الملك في سنة ١٢١٠ ١: ١)।

এবনে লাহিয়ায নিকট হাদিছের কতিপয় গ্রন্থ ছিল, এবনে চালাত বর্ণনা করিতেছেন, আমি ওমরা বিন্ গহবার হাদিছগুলি এবনে লাহিয়ায মূল গ্রন্থ হইতে নকল করিয়া লইয়াছি। সন ১৭৪ হিজরী সালে এবনে লাহিয়া পরলোক গমন করেন।

(الملك في سنة ١٢١٠ ١: ١)

সম্ভাবহার দ্বারা ক্রমশঃ খাজা আহমদকে শত্রুতা পরিহার করিয়া তাঁহার দলভুক্ত করিয়া লইতে সমর্থ হইলেন। আহমদ খান মাহমুদনগরের দুর্গ নিজামুল-মুল্কের হস্তে সমর্পণ করিলেন। প্রতিদানে নিজামুল-মুল্ক তাঁহাকে হায়দরাবাদে প্রচুর জায়গীর, অশেষ ধনরত্ন ও উপহার সামগ্রী প্রদান করিলেন। তাহা-ছাড়া খাজা আহমদ খাঁর উপাধি হইল শাহামত খান এবং খাজা মাহমুদ খানের উপাধি হইল মুবারিজ খান।

বাদশাহ কর্তৃক নিজামুল-মুল্কের অপরাধ মার্জনা

কয়েক মাস পরে যখন দেখা গেল যে, নিজামুল-মুল্ককে নিশ্চেষ্ট করা দূরে থাক, তিনি পূর্বাপেক্ষা আরও বেশী শক্তিশালী ও প্রতিপত্তির অধিকারী হইয়াছেন, তখন দরবারী চক্রান্তের বার্থতা ঢাকিবার জন্ত বাধ্য হইয়া অল্প পন্থা অবলম্বিত হইল। লোক দেখান ভাবে নিজামুল-মুল্কের উপর অল্পগ্রহ বর্ষণ করা হইল। তদন্তদ্বারা ১৭২৫ খৃষ্টাব্দের ২০শে জুন তারিখে বিশেষ ভাবে অচ্যুত এক দরবারে নিজামুল-মুল্কের পূর্বপ্রদত্ত সমস্ত জায়গীর তাঁহাকে প্রত্যাপন করা হইল, এবং দাক্ষিণাত্যের সুবাগুলির শাসনভার তাঁহার উপর হস্ত করিয়া এক বিশেষ ফরমান প্রেরিত হইল। গুজরাট ও মালওয়া সুবা ২টি অন্তের হস্তে অর্পিত হইল। মালওয়ার সুবাদার নিযুক্ত হইলেন রাজা গীরধর বাহাদুর, নাগর এবং গুজরাটের শাসনভার পাইলেন সরবুলন্দ খান।

মোহাম্মদ শাহ সমীপে নিজামুল-মুল্কের পত্র প্রেরণ

স্বীয় কার্যকলাপের সমর্থনে নিজামুল-মুল্ক তৎকালে মোহাম্মদ শাহ সমীপে একখানা দীর্ঘপত্র প্রেরণ করেন। উহাতে তৈমুরের সময় হইতে তুরানীরা কি প্রকার বিখ্যাত, প্রভুভক্তি ও নিমকহালালীর পরিচয় প্রদান করিতেছে তাহার সবিস্তার বিবরণ প্রদান করিয়া এবং তিনি ও তাঁহার পিতা সম্রাট আলমগীরের কি কি খেদমত করিয়াছেন তাহার উল্লেখ করেন। তিনি যে ক্ষমতালাভের জন্ত

মোটাই লালারিত নন তাহা প্রমাণের জন্ত বলেন যে, তিনি যদি বাস্তবিক উজিরপদের প্রার্থী হইতেন তাহাহইলে মোহাম্মদ আমীন খান চীন উহা—কখনই দাবী করিতেননা। দাক্ষিণাত্যের উপরও যে তাঁহার লোভ নাই, এতখা প্রমাণের জন্ত তিনি বলেন যে, তাঁহার পুনঃ পুনঃ দিল্লী আগমন উহা মিথ্যা প্রমাণিত করিতেছে। দাক্ষিণাত্যে চলিয়া যাওয়ার কারণ স্বরূপ তিনি বর্ণনা করেন যে, দুইবৃদ্ধি ওমরাহদের দরভিসন্ধি হইতে আত্মরক্ষার জন্তই তিনি উহা করিতে বাধ্য হইয়াছেন। এই সব চক্রান্তকারী ওমরাহদের জন্তই যে মুবারিজ খানের নিকট শাহী ফরমান জারী করা হইয়াছিল তাহারও উল্লেখ করেন। এতৎসংক্রান্ত পত্রাদি তাঁহার হস্তে নিপতিত হওয়ার তিনি ঐগুলি ফেরত পাঠাইয়া তাঁহার উপর এইরূপ বীতরাগ ও ক্রোধ কেন বর্ষিত হইতেছে শুধু তাহাই জানার আকাঙ্ক্ষা পোষণ করিতেছিলেন। এর পর তিনি বিজাপুর ও হায়দ্রাবাদ রাজ্যের নানা ঘটনার উল্লেখ করিয়া দেখান যে, সত্যিকার জ্ঞানী ও শুণী পরামর্শদাতা নিযুক্ত করার মধ্যেই বাদশাহের স্বার্থ কল্যাণ ও উৎকর্ষতা নিহিত রহিয়াছে। এবিষয়ে অবহেলার ফলে ঈরাণ কি প্রকারে আফগানদের হস্তগত হইয়াছে, তিনি তাহারও উল্লেখ করেন। তৎপর সম্রাটের দায়িত্ব ও কর্তব্য কর্ত্ত্বের ফেহরিস্ত প্রদান করিয়া মোহাম্মদ শাহের বিলাস ও ব্যাভিচার সম্বন্ধেও উহাতে কটাক্ষ করা হয়। তাঁহার সুপরামর্শ, অত্যাচার, উপরোধ উপেক্ষা করিয়া মুবারিজ খান কিভাবে চঠকারিতার সহিত যুদ্ধ করিয়া অগণিত সৈন্যসহ নিজের ধ্বংস ডাকিয়া আনিয়াছেন তাহারও সবিস্তার বর্ণনা উহাতে করা হয়।

এই প্রসঙ্গে একথা উল্লেখ করা অপ্ৰাসঙ্গিক হইবেনা যে, এই সময় হইতেই নিজামুল-মুল্ক প্রকারান্তরে স্বাধীন নরপতির স্তায় দাক্ষিণাত্য শাসন আরম্ভ করেন। দেশ শাসনের জন্ত তিনিই কর্ণাটকী নিযুক্ত করিতে থাকেন। জায়গীরপ্রদান ও উপাধি বিতরণও তাঁহার ইচ্ছামতই নির্বাহ হইতে থাকে। কিন্তু স্বাধীন নরপতির চিহ্নস্বরূপ রাজহুত্র ধারণ, জুমার

খোতবায় তাঁর নামোলেথ বা তদীয় নামে মুদ্রা নির্মাণ হইতে তিনি বিরত থাকেন। অনেক জ্যোতিষী তাঁহাকে বলেন যে, তাঁহার ভাগ্যলিপি এত সুপ্রসন্ন যে তিনি ইচ্ছা করিলে সিংহাসনে আরোহণ করিতে পারেন। কিন্তু উহার উত্তরে তিনি শুধু এই কথাই বলেন—“যাহারা রাজত্ব ও রাজসিংহাসনের অধিকারী, তাঁহাদের ভাগ্য বৃন্দ হউক! আমার কাজ হইতেছে আমার আত্মসম্মান বজায় রাখা, রাজসিংহাসনে আমার প্রয়োজন কি?”

গুজরাট, বৃন্দেলখণ্ড ও মালওয়ার বিশৃঙ্খলা ও উহাদের পতন

এর পর নিজামুল-মুক কিছুকাল সেরূপ উল্লেখযোগ্য কোন যুদ্ধবিগ্রহে লিপ্ত হন নাই কিংবা সেরূপ গুরুত্বপূর্ণ কোন রাজনৈতিক কার্যেও ত্রুটি হন নাই। কিন্তু ভারতে মোগল সাম্রাজ্যের সঙ্কোচন ও পতন এই সময়েই খুব দ্রুতগতিতে আগাইয়া আসে। উহার চমকপ্রদ কাহিনী বর্ণনা করিতে গেলে, প্রবন্ধের পরিমাণ অহেতুকরূপে বৃদ্ধি পাইবে। অথচ এই সম্বন্ধে কিছু আলোচনা না করিলে, নিজামুল-মুকের জীবনের শেষ অধ্যায় আলোচনা অনেকটা অপরিস্ফুট ও ধোঁয়াটে হইয়া থাকিবে। তজ্জন্তু খুব সংক্ষেপে এ সম্বন্ধে কিছু বর্ণনা করা হইল।

মারাঠাদের লুটপাট ও অত্যাচার মূলতঃ দাক্ষিণাত্যের পশ্চিম অংশেই বহুদিন সীমাবদ্ধ ছিল। কচিং কখনও হয়ত সুরাটবন্দর বা সৌরাষ্ট্রের কোন নগরী বা অঞ্চল তাহারা লুটপাট করিয়াছে; কিন্তু তথায় স্থায়ীভাবে উৎপাত করার সাহস বা যোগ্যতা তাহাদের তখনও জন্মে নাই। কিন্তু ১৭২০ খৃষ্টাব্দ হইতে এই অবস্থার পরিবর্তন হুঁচত হয়। ঐ বৎসর ১ম পেশোয়া বালাজী বিশ্বনাথের মৃত্যুর পর তদীয় পুত্র বাজীরাও পেশোয়া পদে অধিষ্ঠিত হন। ভারত হইতে মুসলমান রাজত্বের উৎখাতের জন্ত তিনি একটি সূনিদ্বিষ্ট ও সুকল্পিত পরিকল্পনা করেন এবং তাব ফল স্বরূপ মারাঠারানন্দাদ অতিক্রম করিয়া ক্রমশঃ হিন্দুস্তানের কেন্দ্রের দিকে শটনঃ শটনঃ আগাইতে থাকে। এই বাজীরাও রাজা শাহকে বলিয়াছিলেন—

“এই শীর্ণ ও শুকপ্রায় বৃকের কাণ্ডে এক্ষণে আঘাত দেওয়া থাক, শাখাগুলি আপনি আপনি ঝরিয়া পড়িবে এবং এইরূপে মারাঠা পতাকা কৃষ্ণা হইতে সিদ্ধনন্দ পর্য্যন্ত উড্ডীয়মান হইবে।” এই কথা শুনিয়া রাজা শাহও খুব উৎসাহভরেই বলিয়াছিলেন “আপনি হিমালয়ের চূড়াতেই এই পতাকাদণ্ড প্রোথিত করিবেন।”

আমরা পূর্বে দেখিয়াছি যে, ১৭২৫ খৃষ্টাব্দে শকরখোরর যুদ্ধের পর আত্মরক্ষাভাব দাক্ষিণাত্যের ৬টি সুবার শাসনভার নিজামুল-মুকের উপর নতুন করিয়া হস্ত করা হয়। কিন্তু একই সময়ে গুজরাট ও মালওয়ার শাসনভার তাঁহার নিকট হইতে খসাইয়া লইয়া অন্ধের উপর অর্পণ করা হয়। ঐ সময় নিজামুল-মুকের ঘনিষ্ঠ আত্মীয় হামীদ খান নিজামুল মুকের ডেপুটী স্বরূপ গুজরাট শাসন করিতেছিলেন। হামীদ খানকে দরবারে ফিরিয়া বাইবার জন্ত নির্দেশ দেওয়া হয় এবং সুবারিজুল মুক সরবুলন্দ খানকে গুজরাটের সুবাদার নিযুক্ত করা হয়। সরবুলন্দ খান স্বয়ং তথায় না গিয়া শুজাআত খান নামক ব্যক্তিকে তাঁহার ডেপুটী নিযুক্ত করিয়া উক্ত সুবা শাসনের বন্দোবস্ত করেন।

কিন্তু হামীদ খান গুজরাটের শাসনভার শুজাআত খানের হস্তে সমর্পণ না করিয়া বাহুবলে উহা নিজের কুক্ষিগত করিয়া রাখিতে প্রয়াস পাইতে লাগিলেন, কিন্তু একাকী ইহা তাঁহার পক্ষে সম্ভবপর ছিলনা। তাই তিনি মারাঠাদের সাহায্য প্রার্থী হইলেন। ফলে মারাঠাদের অগ্রতম প্রধান দলপতি কন্বজী কদম বন্দের অধিনায়কত্বে ১৫০০০ হইতে ২০০০০ মারাঠা অস্বারোহী সৈন্য নর্মদা অতিক্রম করিয়া হামীদ খানের সহিত মিলিত হইল। এরপর শুজাআত খানের সহিত যে যুদ্ধ আরম্ভ হইল, তাহাতে শুজাআত খান পরাজিত ও নিহত হইলেন। তাঁহার মৃত্যুর পর তদীয় ভ্রাতৃত্বঘ ইবরাহীম কুলী খান ও রোস্তম আলী খান একে একে পরাজয় বরণ করিয়া নির্মমভাবে নিহত হইলেন। এর পর মারাঠারা গুজরাটের সর্বত্র লুণ্ঠন করিয়া বেড়াইতে লাগিল।

উচ্চ শ্রেণীর মুসলমানেরা বিশেষ করিয়া সর্বমতী নদী তীরস্থ গ্রাম সমূহের আফগান অধিবাসীরা তাহাদের রমণীদের বেইজ্জতীর ভয়ে স্বহস্তে তাহা-দিগকে বধ করেন। বহু সম্ভ্রান্ত রমণী তাহাদের সম্মুখস্থার্থে নিজেরাই কুপে পড়িয়া আত্মবিসর্জন দেন। তাহাকারে দেশ ভরিয়া গেল।

প্রতিকারের অত্যাধিক উপায় না দেখিয়া বাদশাহ কর্তৃক নিযুক্ত গুজরাটের সুবাদার সরবুলন্দ খান নিজে দিল্লী হইতে গুজরাটে অভিযান করিলেন। যোধপুরাধিপতি মহারাজা অভয় সিংহ, নারওয়ারের রাজা ছত্তর সিংহ এবং উদয়পুরের মহারাজার উপর আদেশ দেওয়া হইল, যেন তাহারা এই কাহ্যে সরবুলন্দ খানকে যথাবিধি সাহায্য করেন। বহু যুদ্ধের পর হামীদ খান মারীন্দী অতিক্রম করিয়া দক্ষিণাত্য পলায়ন করিলেন। কিন্তু মারাঠাদের দমন বা উৎখাত করা সহজ সাধ্য ছিল না। কহজীর সহিত আসিয়া যোগ দিলেন পিলাজী। তাহাদের মিলিত সৈন্যদলকে দমন করার জন্ত যখন সুবাদারেরা ব্যস্ত, তখন আস্তাজী ও ভাঙ্করের অধিনায়কত্বে অত্র একটি মারাঠা বর্গীরদল অত্র দিক দিয়া গুজরাট প্রবেশ করিয়া লুটপাট আরম্ভ করিয়া দিল।

বর্ষা সমাগমে মারাঠারা তাহাদের নিজেদের আবাস ভূমি কর্ছনে প্রত্যাবর্তন করিত, কিন্তু বর্ষার শেষে আবার নতুন করিয়া লুটপাট আরম্ভ করিত। মারাঠাদিগকে দমন করিতে অসমর্থ হইয়া অবশেষে সরবুলন্দ খান মারাঠাদের সহিত আপোষ করিয়া চৌধ ও সরদেশমুখী প্রদান করিতে স্বীকৃত হইলেন। কিন্তু তবুও দেশে শান্তি প্রতিষ্ঠিত হইলনা। মারাঠাদের যে দলপতির সহিত সরবুলন্দ খান আপোষ নিষ্পত্তি করিয়াছিলেন, উহার প্রতিদ্বন্দীদল এক্ষণে গুজরাটে হানা দিয়া লুটপাট করিতে লাগিল। দেশে অনবরত যুদ্ধ বিগ্রহ ও লুটপাটের ফলে গুজাকুলের সর্বনাশ হইতে লাগিল। ফলে ভূমিরাজস্ব আদায় ক্রমশঃ হ্রাস পাইতে লাগিল। এদিকে যুদ্ধবিগ্রহ চালাইবার জন্ত সামরিক খাতে ব্যয়ের পরিমাণ ক্রমশঃ বাড়িয়াই চলিল। ব্যয় সঙ্কলানার্থে সরবুলন্দ খানকে তাই অত্র উপায় অবলম্বন করিতে হইল। প্রথমে দেশের বড় বড় ভূম্যধিকারী ও ব্যবসায়ীদের নিকট হইতে জরিমানা স্বরূপ বহু অর্থ আদায় হইল। কিন্তু

তাহাতেও আয়-ব্যয়ের সমতা হয়না, তাই ঐ প্রদেশে বত জাগীর ছিল, তাহা তিনি একে একে বাজেয়াফ্ত করিতে লাগিলেন।

এই শেষোক্ত কর্ণের ফলে বহু আমীর ওমরারের স্বার্থহানি ঘটিল। তাই তাহারা বাদশাহের নিকট সরবুলন্দ খানের খেচ্চাচারিতার জন্ত ক্রমাগত অভিযোগ করিতে লাগিলেন। তাহা ছাড়া দিল্লীদরবারে খান দওয়ানই সরবুলন্দ খানের প্রধান প্রধান মিত্র ও পৃষ্ঠপোষক ছিলেন। কোন অজ্ঞাত কারণে তিনি ও এক্ষণে খান দওয়ানের উপর বিরক্ত হইলেন। সরবুলন্দ খানকে গুজরাটের সুবাদার নিযুক্ত করিয়া বাদশাহ মোহাম্মদ শাহ আশা করিয়াছিলেন যে, তাহার দ্বারা নিজামুল-মুক্তের ক্রমবর্ধমান শক্তি ও প্রতিপত্তির হ্রাস হইবে। কিন্তু তাহার সেই আশা ফলবতী হওয়ার কোন সম্ভাবনাই রহিলনা। এই সমস্ত কারণে তাহার স্থলে যোধপুরাধিপতি মহারাজা অভয় সিংহকে গুজরাটের সুবাদার নিযুক্ত করা হইল।

কিন্তু অভয় সিংহ বিনাবাধায় সুবাদারীতে প্রতিষ্ঠিত হইতে পারিলেননা। এরজন্ত তাহাকে সরবুলন্দ খানের সহিত একাধিক প্রবল সংগ্রামে লিপ্ত হইতে হইয়াছিল। কিন্তু অবশেষে ভগ্নমনোরথ হইয়া সরবুলন্দ খান একটি আপোষ রফা করিয়া গুজরাটের শাসনভার অভয় সিংহের হস্তে অর্পণ করিয়া দিল্লী ফিরিয়া আসেন। এরপর মারাঠা-দিগকে দমন করার সরূপ কোন প্রচেষ্টাই হইলনা। ফলে ক্রমশঃ তাহারা সমগ্র গুজরাট তাহাদের কক্ষিগত করিয়া লইল।

বুন্দেলখণ্ড হস্তচ্যুত হওয়ার সেই একই কাহিনীর পুনরাবৃত্তি। বুন্দেলখণ্ড তৎকালীন ইলাহবাদ সুবার অন্তর্গত এক বিস্তীর্ণ অঞ্চল, সেই সময় ইলাহবাদের সুবাদার ছিলেন মোহাম্মদ খান বন্দশ নামক জনৈক রোহিলা প্রধান। বুন্দেলারা তাহাদের দলপতি রাজা ছত্তর সালের অধিনায়কত্বে বহুদিন হইতে ঐ অঞ্চলে খুব উৎপাত করিতেছিল। তাহাদের এই বিদ্রোহে পেশোয়া বাজীরও প্রধান উৎসাহ-দাতা ছিলেন। ক্রমাগত যুদ্ধ চালাইয়া মোহাম্মদ খান বন্দশ ছত্তরশালকে বশতা স্বীকারে বাধ্য করিলেন।

ছত্তরসালের রাজধানী জৈতপুর নগরীর পতনের পর তিনি ও তাহার পুত্রেরা আত্মসমর্পণ করেন। তাহারা

রাজার কোথায় কোথায় বাদশাহী কর্তৃত্বকারী ও সৈন্যদল থাকিবে এই প্রসঙ্গে কথাবার্তা ও আলাপ আলোচনা চলিতে থাকে। অবশেষে উহা প্রস্তাবাকারে দিল্লী দরবারে মঞ্জুরীর জন্য প্রেরণ করা হয় কিন্তু ৩ মাস ধরিয়া দরবার হইতে কোন নির্দেশ আসেনা। এই দীর্ঘ সময় ছত্তরসাল ও তাঁহার পুত্রেরা মুসলমান শিবিরেই অবস্থান করিতে থাকেন। এদিকে দিল্লীর দরবারে এই ধারণা জন্মিয়া যায় যে মোহাম্মদ খান ও ছত্তরসাল কোন গোপন চুক্তিতে আবদ্ধ হইয়াছেন এবং তাঁহাদের আসল উদ্দেশ্য হইতেছে দিল্লীর সিংহাসন হইতে মোগল রাজবংশের উৎখাত করিয়া তথায় কোন পার্শ্বান রাজবংশের প্রতিষ্ঠা। কিন্তু এই গুজব যে সর্বত্র প্রমাণিত হয়। মোহাম্মদ খান বন্দশের প্রতিদ্বন্দ্বী বরহানুল-মুকের নিকট পত্রদ্বারা তাঁহার নিজের অভাব অভিযোগ জ্ঞাপন করেন। তাঁহার নিকট হইতে উৎসাহ-ভরিত পত্র পাওয়া যায়। অত্যাচার বহু আমীর ও মরহা ও মোহাম্মদ খান বন্দশের বিরুদ্ধে পত্র কত প্রবল, তাহার প্রমাণ এই ভাবে প্রাপ্ত হইয়া ছত্তরসাল আবার উৎসাহিত হইয়া উঠেন এবং পুনরায় যুদ্ধ-বিগ্রহ চালাইবার জন্ত মনস্থ করেন। হোলি উৎসবের অজুহাত দেখাইয়া তিনি মুসলমান শিবির হইতে ৬।৭ মাইল দূরে প্রস্থান করেন। এদিকে মোহাম্মদ খান বন্দশও দেশের অবস্থা শান্ত দেখিয়া অধিকাংশ সৈন্য-সামন্তকে-ছুটি উপভোগ করার অনুমতি দিয়াছিলেন।

এদিকে গোপনচুক্তির সত্যানুযায়ী পেশোয়া বাজীরাও স্বয়ং বহু মারাঠা সৈন্য লইয়া হঠাৎ বুদ্ধেলখণ্ডে প্রবেশ করিয়া মোহাম্মদ খান বন্দশের শিবিরের সম্মুখীন উপনীত হইলেন। মারাঠারা চারিদিকের চলাচল বন্ধ করিয়া দিল। অচিরে বন্দশের শিবিরে দারুণ খাণ্ডাভাব ঘটিল। তাঁহার নিকট যে অল্পসংখ্যক সৈন্য ছিল তাহা লইয়া মারাঠাদের সহিত সম্মুখযুদ্ধে প্রবৃত্ত হওয়া চলেনা, কিংবা তাহাদের ব্যাহত করিয়া অত্যাচার চলিয়া যাওয়াও অসম্ভব। ইতিমধ্যে যে সব বুদ্ধেল-সৈন্য পর্বতে জঙ্গলে আশ্রয়গোপন করিয়া রহিয়াছিল, তাহারা দলে দলে ফিরিয়া আসিয়া মারাঠাদের সহিত যোগ দিল। মোহাম্মদ খান বন্দশ এই ভাবে অসম্মত হইয়া সঙ্কটজনক অবস্থার কাল কাটাইতে লাগিলেন।

তাঁহাকে সাহায্য করার জন্ত তিনি পুনঃ পুনঃ কাতর আবেদন দিল্লীর দরবারে প্রেরণ করিতে লাগিলেন, কিন্তু দরবার যে তাঁহার উপর কিরূপ বিরূপ মনোভাব পোষণ করে তাহার আভাস পূর্বেই দেওয়া হইয়াছে। স্মরণীয় দরবার হইতে কোন সাহায্যই আসিলনা। উপরন্তু খান দওরাণ ছত্তরসালের নিকট সংবাদ পাঠাইলেন যে তিনি যদি বন্দশের খণ্ডিত শির দিল্লীতে প্রেরণ করিতে পারেন, তাহা হইলে বাদশাহ অতীব সন্তুষ্ট হইবেন এবং ছত্তরসালকে বিশেষভাবে পুরস্কৃত করিবেন।

মোহাম্মদ খান বন্দশ উপর্যুপার না দেখিয়া ছত্তরসালের সহিত সন্ধি করিয়া বুদ্ধেলখণ্ড হইতে প্রত্যাবর্তন করিতে বাধ্য হইলেন। তিনি যে আর দ্বিতীয়বার ছত্তরসালের অধিকৃত অঞ্চল আক্রমণ করিবেন না, এই প্রতিজ্ঞাও তাঁহার নিকট হইতে আদায় করিয়া লওয়া হইয়াছিল।

মারাঠারা তাহাদের সাহায্যের পুরস্কার স্বরূপ ছত্তরসালের নিকট হইতে তাঁহার অধিকৃত অঞ্চলের এক ভূতী-রাংশ পাইল। এই ভাবে যে সমস্ত পরগণা মারাঠাদের অধিকারভুক্ত হইল, সেগুলি বুদ্ধেলখণ্ডের দক্ষিণ ও পশ্চিম-দিকে অবস্থিত এবং তৎকালে ঐগুলি হইতে ৩০৭৬৮৫৩ টাকা রাজস্ব আদায় হইত।

১৭২২ খৃষ্টাব্দে বুদ্ধেলখণ্ড হইতে এই ভাবে পরাস্ত হইয়া মোহাম্মদ খান বন্দশ দিল্লী আসেন। মালওয়ার সুবাদার গিরিধর বাহাদুর মারাঠাদের সহিত যুদ্ধে নিহত হওয়ায় ঐ পদটী তখনও খালি পড়িয়াছিল। মারাঠাদের অত্যাচারে ঐ সুবার যে অসহনীয় অবস্থা হইয়াছিল তাহাতে ঐ পদের বিশেষ কেহ প্রার্থী ছিলেননা। ইলাহবাদ সুবার আশা পরিত্যাগ করিতে বাধ্য হইয়া অবশেষে মোহাম্মদ খান বন্দশ এই মহা বিপজ্জনক মালওয়া সুবার সুবাদারী প্রার্থনা করিলেন। দরবারের অগ্রতম প্রধান প্রভাবশালী আমীর জাফর খান রওশন উদ্দৌলাহ পানিপতি ও বাদশাহের দুঃখভগ্নি বলিয়া পরিচিতা রহিমুল্লাহ বর্দলুয়ে মোহাম্মদ খান বন্দশ মালওয়ার সুবাদারী প্রাপ্ত হইলেন। (১৭৩০ খৃষ্টাব্দ)।

খান বন্দশ গভর্ণর নিযুক্ত হওয়ার পর মালওয়ার শাসন ও শৃঙ্খলা স্থাপনের জন্ত বহুপরিশ্রম করিয়াছিলেন। ১ম বৎসরেই একের পর এক যুদ্ধে তিনি মারাঠাদিগকে পরাস্ত

করিয়া উজ্জয়িনী, মণ্ডলেশ্বর, ধর ও দিপালপুর অঞ্চল হইতে তাহাদিগকে বিতাড়িত করিতে সমর্থ হইলেন। নর্মদার তীরে মারাঠারা যে সব বাঁটি নিৰ্ম্মাণ করিয়াছিল, সেগুলিও উৎখাত করা হইল।

উক্ত বৎসরেই নর্মদাতীরে আকবরপুর দেবীঘাটে তিনি নিজামুলমুল্কের সহিত মিলিত হইলেন। মারাঠাদের দুই প্রধান দলপতি পিলাজী গাইকোয়াড় ও উদাজী পুরার তৎকালে পোশোয়া বাজীরাও এর সহিত বিবাদে প্রবৃত্ত হইয়া পোশোয়াকে দমনের উপলক্ষে মুসলমান পক্ষের সহিত একটি গোপন সন্ধিতে আবদ্ধ হইবার ইচ্ছা প্রকাশ করিয়াছিলেন। এই মিত্রতায় খান বঙ্গশকে গুঢ় আবদ্ধ করার উদ্দেশ্যেই নিজামুল-মুল্ক তাঁহার সহিত সাক্ষাৎকারের ব্যবস্থা করিয়াছিলেন। ইহার ফলে উভয়ে একযোগে কার্য্য করিতে স্বীকৃত হইয়াছিলেন।

কিন্তু নিজামুল-মুল্কের এই পরিকল্পনা ব্যর্থতায়— পর্য্যবসিত হইল। তাঁহার বিরুদ্ধে গোপন চক্রান্ত হইতেছে এইরূপ আভাস পাইয়াই পোশোয়া বাজীরাও ক্ষিপ্ৰগতিতে অগ্রসর হইয়া পিলাজী গাইকোয়াড় ও উদাজী পুরারকে আক্রমণ করেন। পিলাজী প্রতৃতি আহত হইয়া পলায়ন করেন, কিন্তু শীঘ্রই উভয়পক্ষে সন্ধি স্থাপিত হয়।

কিন্তু নিজামুল-মুল্কের সহিত সাক্ষাৎকারের জন্ত খান বঙ্গশের ভাগ্যে আবার শীঘ্রই বিপর্য্যয় নাগিয়া আসিল। এইরূপ জনরবই শুনা যায় যে মোহাম্মদ খান বঙ্গশকে মালওয়ার গভর্ণর পদে নিযুক্ত করার অত্যন্ত শৰ্ত্তই ছিল যে, তিনি যেন নিজামুল-মুল্কের দমনের জন্ত তাঁহার বিরুদ্ধে যুদ্ধবিগ্রহে লিপ্ত হন, কিন্তু যুদ্ধবিগ্রহে লিপ্ত হওয়া দূরে থাক, তাঁহারা উভয়ে পরস্পর মিলিত হইয়া মতের আদান প্রদান করিলেন। সুতরাং খান বঙ্গশের এত বড় অপরাধ কি করিয়া উপেক্ষা করা যায়?

শীঘ্রই মারাঠারা পুনরায় নবোত্তমের দলে দলে মালওয়া আক্রমণ করিল। উহাদিগকে দমনের জন্ত খান বঙ্গশ প্রাণপণ চেষ্টা করিতে লাগিলেন, কিন্তু ক্রমাগত যুদ্ধবিগ্রহে তাঁহার অর্থ নিঃশেষিত হইয়া গিয়াছিল। যুদ্ধবিগ্রহের জন্ত সুবা হইতে বিশেষ রাজস্বও আদায় হয় নাই। বিশৃঙ্খলার সুযোগ লইয়া দেশের প্রধান প্রধান ভূম্যধিকারীরা রাজস্ব প্রদান

বন্ধ করিয়া দেয়। বিনা যুদ্ধবিগ্রহে তাহাদের নিকট হইতে রাজস্ব আদায়ের কোন সম্ভাবনা ছিলনা। তাই তিনি অবিলম্বে সাহায্য প্রেরণের কাতর আবেদন জানাইয়া পুনঃ পুনঃ দিল্লীতে সংবাদ পাঠাইতে লাগিলেন। তিনি বলিয়া পাঠাইলেন যে, নেতৃস্থের জন্ত নূতন লোক প্রেরণ করিলেও তিনি সম্মত আছেন। তিনি ঐ নবনৈতার অধীনে থাকিয়াই মারাঠাদের আক্রমণ প্রতিরোধ করিবেন। কবি সাদীর বাণী উদ্ধৃত করিয়া তিনি জানাইলেন যে, ঐ সময় যদি মারাঠাদের আক্রমণ প্রতিহত করা না হয় তাহাহইলে অচিরে উহা প্রবলাকার ধারণ করিয়া সমগ্র উত্তরভারত গ্রাস করিবে।

কিন্তু দরবার হইতে কোন সাহায্যই আসিলনা। উপরন্তু গুজব রটিয়া গেল যে, ঐ প্রদেশের জন্ত শীঘ্রই নূতন সুবাদার আসিতেছেন। শীঘ্রই বাদশাহের স্বহস্তলিখিত ফরমান খান বঙ্গশের নিকট হাজির হইল। উহাতে লিখিত ছিল যে, অম্বরের রাজা জয়সিংহকে ঐ প্রদেশের সুবাদার নিযুক্ত করা হইয়াছে। খান বঙ্গশ যেন অবিলম্বে উক্ত রাজার হস্তে শাসনভার সমর্পণ করিয়া আগ্রায় আসিয়া সম্রাটের সহিত সাক্ষাৎ করেন। উক্ত ফরমানের নির্দেশ অনুযায়ী ১৭৩২ খৃষ্টাব্দের ১৫ই ডিসেম্বর খান বঙ্গশ মহারাজাকে শাসনভার বুঝাইয়া দিয়া আগ্রা যাত্রা করিলেন।

জয়সিংহের হস্তে সুবাদারী তত্ত্ব হওয়ার পরেই মারাঠাদের মহাহুযোগ উপস্থিত হইল। তিনি লোক দেখান ভাবে কিছুকাল মারাঠাদের সহিত ক্ষুদ্র ক্ষুদ্র যুদ্ধ করিলেন। জয়সিংহ প্রকাশ করিলেন যে, মারাঠাদের সহিত বুঝা যুদ্ধবিগ্রহে লিপ্ত হইয়া রক্ত-পাতের প্রয়োজন কি? তারচোরে তাহাদিগকে অর্থ দিয়া বশীভূত করাই বুদ্ধিমত্তার কার্য্য। তাঁহার পরম মিত্র সামসামউদৌলাহ যিনি তৎকালে দিল্লী দরবারের সর্ব্বাপেক্ষা প্রভাবশালী আমীর ছিলেন, তাঁহার অভিমতকে সর্ব্বান্তঃকরণে সমর্থন জানাইলেন। তদনুযায়ী রাণুজী সিদ্ধিয়া, মালহার হোল্কার, যশোবন্ত রাও পুয়ার ও অন্যান্য মারাঠা প্রধানদের সমিতি-

বাহারে বাজীরাও ঢোলপুরে রাজা জয়সিংহের সহিত সাক্ষাৎ করিলেন। তথায় এই মর্মে এই চুক্তি সম্পাদিত হইল যে, মারাঠারা আর মোগল-সাম্রাজ্যের অভ্যন্তরে লুটপাট করিবেনা। ইহার প্রতিদানে বাজীরাওকে মালওয়ার ডেপুটি গভর্নর নিযুক্ত করা হইল। এই ভাবে শাহীপক্ষের ম্খরক্ষা হইল। কিন্তু শুধু উহাই সার। ইহার ফলে মালওয়ার কর্তৃত্ব হস্তগত করিয়া তাহারা অবিলম্বে উত্তরভারতের অগ্রাঙ্গ দিকে অগ্রসর হইতে লাগিল। আপোষ নিষ্পত্তিতে কোন দিনই তাহারা আস্থা স্থাপন বা উহাকে গুরুত্ব প্রদান করে নাই বরং উহাকে বাদশাহপক্ষের দুর্বলতা বলিয়া ধরিয়া লইয়া নূতন নূতন দাবী উপস্থাপিত করার সুযোগরূপে ব্যবহার করিত। সেই সব কথাই আমরা এর পর আলোচনা করিব।

রাজা জয়সিংহকে মালওয়ার সুবাদার নিযুক্ত করা হইতে প্রমাণিত হয় যে, দিল্লীর দরবারে তৎকালে যে শ্রেণীর লোক আধিপত্য করিতেছিল, নিজেদের ক্ষুদ্র স্বার্থসিদ্ধির জন্ত তাহারা অত্যন্ত সাধারণ

জ্ঞানের বিষয়ও বিসর্জন দিয়াছিল। খান বঙ্গশের পূর্ববর্তী সুবাদার গিরিধর বাহাদুর মারাঠাদের সহিত যুদ্ধে নিহত হইলে তদীয় ভ্রাতুষ্পুত্র দয়া বাহাদুর মারাঠাদিগের সহিত যুদ্ধে লিপ্ত হইলেন। সেই সময় রাওসাহেব নন্দলাল মণ্ডলর নামক জনৈক প্রতিপত্তিশালী মালবী চৌধুরী বিশ্বাসঘাতকতা করিয়া মারাঠাদিগকে সাহায্য করেন। তারফলে দয়া বাহাদুর নিহত হইলেন, এবং অগ্রাঙ্গভাবে শাহীপক্ষ বিপর্যস্ত হইল। এহেন সংবাদ শ্রবণ করিয়া রাজা জয়সিংহ নন্দলালকে সাদর অভিনন্দন জানাইয়া লিখিয়া পাঠাইয়াছিলেন—“তুমি এইভাবে মুসলমানদিগকে পরাস্ত করিয়া মালওয়াতে আমাদের পবিত্র ধর্মকে শুধু ঘেরক্ষা করিয়াছ তাহা নয়, উহাকে তদায় দৃঢ় প্রতিষ্ঠিত করিয়াছ। তুমি আমার গোপন ইচ্ছাকেই পূরণ করিয়াছ।” রাজা জয়সিংহের এবিধ মনোভাবের কথা জাত থাকা সত্ত্বেও সেখানে তাঁহাকেই সুবাদার পদে নিযুক্ত করা হইল এবং তাহার ফল যে কিরূপ বিষময় হইবে তাহা অনুমান করা কিছুমাত্র কঠিন নয়।

ক্রমশঃ

নব্বা সমাজ

—আতাউল হক

ঈমান ও আখলাক মানুষের অমূল্য সম্পদ। এই সম্পদ ব্যতিরেকে মানুষ কখনই আপনাকে “আশু'রাফুল মখলুকাৎ” বা সৃষ্টির মুকুট-মণি রূপে বিকশিত করে তুলতে পারেনা। এই স্বর্গীয় সম্পদই মানুষকে শ্রেষ্ঠ ও অভিনবত্ব দান করেছে। এই সম্পদ সহজলভ্য নয়, সাধনা করে একে আয়ত্ত্ব করতে হয়। সাধনায় জয়ী হলে এই সম্পদ মানুষকে সৃষ্টি-জগতের সম্রাট করে তোলে। এরই সাধক ‘মোমেন’ আর এই ‘মোমেন’ই আল্লাহুতা’লার ঈঙ্গিত মানুষ। মোমেনের জীবন চির-পবিত্র। পৃথিবীর প্রতিটি মানুষ যদি ‘মোমেন’ হ’ত তবে এই মোমেনের স্পর্শে ধুলার ধরণী বেহেশতে পরিণত হ’ত।

কিন্তু আজকাল আমরা যে সমস্ত মানুষ দেখতে পাচ্ছি, তাদের ক’জনকে “মোমেন” বা “আশু'রাফুল মখলুকাৎ” বলা যেতে পারে? বিশ্ব-মানবের নিখুঁত আদর্শরূপে বিশ্বপতি আল্লাহুতা’লা বিশ্ব-নবী হজরত মোহাম্মদ মুছতফা

(দঃ) কে বিশ্বের বুকে সৃষ্টি করেছিলেন; তাঁর ভেতর আমরা যে স্বর্গীয় ঈমান ও আখলাকের সন্ধান পাই, সেই স্বর্গীয় সম্পদ আজ কোথায়? ক’জন মানুষ আজ সেই বিশ্বগুরু স্বর্গীয় গুণাবলীর অনুকরণে যত্নবান? অগ্র জাতীয় লোকদের ত ক’দাই নেই, তাঁর উন্নতগণ পর্যন্ত আজ তাঁর প্রতি বেদনাদায়কভাবে উদাসীন। বিশ্বমণী এবং ভ্রাতৃদের সংস্পর্শে এসে এরা আজ পথভ্রষ্ট হয়ে পড়েছে। এর বিষময় ফল স্বরূপ আজ আমরা দেখতে পাচ্ছি, আমরা ধ্বংসপ্রাপ্ত হয়েছি; সর্বগ্রাসী দোজখের লেলিহান বহ্নি-শিখা আজ লক্ লক্ করে উঠছে আমাদের ঘরে-বাইরে! আমরা আজ নামমাত্র ‘মানুষ’! প্রকৃত মানুষের সৌন্দর্য্য আমাদের অন্তর থেকে বিদায় নিয়েছে।

খুবই আশ্চর্যের কথা এই যে, মানুষ স্বীয় চেষ্টায় এই পৃথিবীতে অসম্ভবকে সম্ভবে পরিণত করেছে; কিন্তু ঈমান ও আখলাকের অধিকারী হ’তে কাউকেও সংকল্পবদ্ধ

হতে দেখিনা। মানবজীবনে এই বেহেশতী পারিজাতের কোন প্রয়োজন আছে ব'লেও আমরা মনে করিনা। অশিক্ষিত ও অসভ্য লোকেরা এসম্বন্ধে সম্পূর্ণ উদাসীন, কিন্তু বহু শিক্ষিত লোকের ঈমান ও আত্মলাক দেখলেও বিষয়ে হতবাক হ'তে হয়। অত্ৰ দেশের কথা বলতে চাইনে, আমাদের দেশের শিক্ষিত লোকজনের অধিকাংশই যে এই স্বর্গীয় সম্পদ থেকে বঞ্চিত, তা কোন যুক্তি প্রমাণের অবতারণা না ক'রেও বলা যেতে পারে। তাদের আচরণকে কখনই “আশ্চর্য্যাকুল মথলুকাতে”র আচরণের পর্যায়ভুক্ত করা চলেনা।

আজ সর্বপ্রকার দুর্নীতিতে আমাদের দেশ সমাচ্ছন্ন। আশ্চর্য্যের বিষয়, আমাদের শিক্ষিত লোকেরাও দুর্নীতি-প্রায়ণ হ'তে লজ্জা বোধ করেননা—তাদের পরিপক্ক হস্তেই বরং আজ দুর্নীতি সুশৃঙ্খলভাবে পরিচালিত হচ্ছে। ঘৃণ-ধোরের অত্যাচারে আজ অসহায় দেশবাসী জর্জরিত। উৎকোচ না হ'লে আজ কোন কাজ করাই সম্ভবপর হচ্ছেনা। চৌধুরী, ভাণ্ডারী, লাম্পট্য, স্বার্থপরতা, মানসিক সঙ্কীর্ণতা, ছুরভিসন্ধি প্রভৃতিতে পাকিস্তান আজ বিবর্ণ হয়ে উঠেছে। সামান্য স্বার্থের জন্ত শিক্ষিত ব্যক্তি আজ তৎকৃত চিত্তে শিক্ষার মহৎকে পদতলে নিষ্পেষিত ক'রে চলছেন। শিক্ষার একী বীভৎস পরিণাম।

এটা খুবই পরিতাপের কথা। শিক্ষিত লোকের ঈমান ও আত্মলাক যদি মানবোচিত না হয়, তবে ঈমান ও আত্মলাক আশা করব আমরা ক'র নিকট থেকে? আজ আমাদের শিক্ষিত জনসাধারণের চারিত্রিক অবনতি দেখে আমরা নিরাশ হয়েছি এবং আমাদের ভবিষ্যৎ সম্বন্ধে উদ্বিগ্ন হ'য়ে পড়েছি। শিক্ষিত লোকের চারিত্রিক অবনতি যে আজ মহামারীরূপে আমাদের দেশে দ্রুতগতিতে সংক্রামিত হ'য়ে পড়েছে, একথা অনস্বীকার্য্য। এই সর্বনাশা সংক্রামক ব্যাধি কোন্ বীজাণুর সাহায্যে বিস্তৃত হচ্ছে এবং কোন্ নর্দমার দূষিত জলে বা জাঁতাঁকুড়ে এরা জন্মলাভ করেছে তার নিদান এবং সূচিকিংসার ব্যবস্থা অতি শীঘ্র আবিস্কৃত না হ'লে আমাদের ভবিষ্যৎ যে অন্ধকারাচ্ছন্ন, তা বলাই বাহুল্য।

অনুসন্ধান প্রবৃত্ত হলে সর্বপ্রথম এর যে দুটি কারণ আমাদের নজরে পড়ে তা এই : ১। কোরআনের মহান শিক্ষা ও ছুন্নাই থেকে দূরে অবস্থিতি এবং ২। (ক)

বর্তমান শিক্ষা-প্রণালীর অপূর্ণতা, (খ) শিক্ষকগণের অযোগ্যতা ও (গ) শিক্ষার্থীর শৈথিল্য। পারিবারিক ও পারিপার্শ্বিক পরিবেশও একটি প্রধান কারণ, সন্তান-সন্ততির চরিত্র গঠনে পিতামাতার অযোগ্যতা ও নিষ্ক্রিয়তা চিরকালই আমাদের সর্বনাশ সাধন করছে। নেতৃত্বান্বিত ব্যক্তিগণের অনেকেই আদর্শস্থানীয় ন'ন। ভাল-মন্দ বিচার না ক'রে আমরা প্রায়ই অত্ৰ জাতির অনুকরণ ক'রে থাকি; এই ধরণের অনুচিকীর্ষাবৃত্তি আমাদেরকে অধঃপতনের চরম সীমায় এনেছে। এগুলো ছাড়াও বহু অপরিহার্য্য কারণ বিদ্যমান আছে। অনুসন্ধানমুখ মন নিয়ে শীঘ্রই সেই কারণ-গুলোর সন্ধানে অগ্রসর হওয়া দরকার।

দেশের অশিক্ষিত জনসাধারণের কথা সকলেরই জানা আছে। এরা ঈমান ও আত্মলাক থেকে বঞ্চিত হয়ে মানুষ নামে অভিহিত হওয়ার যোগ্যতা হারিয়ে ফেলেছে। গ্রামের গোয়েন্দারা নিত্যন্ত নিম্ন শ্রেণীর ঘৃণ্য জানোয়ারে পর্যাবসিত। এদের অমানুষিকতায় সোনার পল্লী আজ কবরস্থানে পরিণত।

যে-দেশের অধিবাসীর চারিত্রিক পরিণতি এরূপ বেদনাদায়ক ও নৈরাশ্রব্যাজক, সেই অভিশপ্ত দেশে পাকিস্তানের মত বিশ্ব-বেহেশতের প্রতিষ্ঠা করা যে কত বড় কঠিন, তা সহজেই অনুমেয়। যে-আদর্শের পরিপ্রেক্ষিতে পাকিস্তান রাষ্ট্র গঠিত হয়েছে, এদের আলাময়ী নিঃশ্বাসে তা দাক্ষিণ্য হ'বে কিনা, কে জানে? রাষ্ট্রের কর্ণধারগণ যদি সজাগ না হ'ন, দেশের আবালবৃদ্ধবনিতার চারিত্রিক সূচতা, পূর্ণতা ও বলিষ্ঠতা সম্পাদনে যদি তাঁরা ত্রুতী না হ'ন এবং তাঁহারা নিজেরাও যদি সত্যিকার ঈমান ও আত্মলাকের অধিকারী হতে না পারেন, তবে এ-রাষ্ট্র আর যা-ই হোক, আমাদের ঈপ্সিত রাষ্ট্ররূপে যে কখনই গ'ড়ে উঠ'বেনা, এ কথা জোর ক'রেই বলা যেতে পারে।

এখন সকলেরই সজাগ হওয়ার সময় এসেছে। অব্যর্থ ওষুধ আমাদের সামনে প্রতীক্ষমান; অনুগ্রহ ক'রে গ্রহণ করলেই সকল ব্যাধির অবমান হ'য়ে যাবে—সঙ্গে সঙ্গে গ'ড়ে উঠ'বে সুস্থ ও সবল দেহ, যার চোখ জুড়ান লাভ্যে পাকিস্তান ত দূরের কথা, পৃথিবীরই মুখে হাসি ফুটে উঠ'বে।

বলা বাহুল্য, কোরআন ও হাদীছের দিকেই আমি ইংগিত করছি।

المبشرة المنطقية বিতর্ক ও বিচার

দুঃখের অবিশ্রমক

(পূর্বপ্রকাশিতের পর)

কোরআনের যেসকল আয়াতে দুঃখীদের দুঃখ-
বাস ও বেহেশতীগণের বেহেশতবাসের মৃদতের
মধ্যে সুস্পষ্ট পার্থক্য দেখিতে পাওয়া যায়, সেই সকল
আয়াতের মধ্য হইতে কয়েকটি আমি নিম্নে উদ্ধৃত
করিতেছি :

ছুরত আলবাইয়েনার কথিত হইয়াছে যে,
গ্রন্থকারী ও মুশরিক-
দলের মধ্যে যাহারা
কুফর করিয়াছে, তা-
হারা নিশ্চিতরূপে নর-
কের আগুনে 'খালিদ'
হইবে। তাহারা নিকট-
তম জীব (আর) যাহা-
রা ঈমান স্থাপন করি-
য়াছে এবং সদাচরণের
অমুঠান করিয়াছে,
ان الذين كفروا من اهل
الكتاب والمشركين في
نار جهنم 'খালিদ' فيها
اولئك هم شر البرية -
ان الذين آمنوا وعملوا
الصالحات اولئك هم
خير البرية 'جزاءهم عند
ربهم جنات عدن تجري
من تحتها الانهار خالدون
فيها ابدًا -

তাহারা সর্বোত্তম জীব। তাহাদের পুরস্কার হইবে
তাহাদের প্রভুর নিকট হইতে বাসস্থানের উদ্যান,
যাহার নিম্নদেশ দিয়া স্রোতস্বিনী সমূহ প্রবাহিতা,
তাহারা উহাতে অনন্তকালের জন্ত চিরবাস করিবে—
৬, ৭ ও ৮ আয়াত।

এই আয়াতের লক্ষণীয় বিষয় এই যে, দুঃখীদের
দুঃখবাসের সমকক্ষতার বেহেশতীদের বেহেশতবাসকে
ত্রিবিধ শব্দ দ্বারা যোরদার করা হইয়াছে। সর্বপ্রথম
বলা হইয়াছে 'আদন' অর্থাৎ অবস্থান ও বাস, তারপর
বলা হইয়াছে 'খালেদীন' অর্থাৎ চিরবাস, সর্বশেষে
এই চিরবাসকে 'অনন্তে'র বিশেষণ দ্বারা বিশেষিত করা
হইয়াছে। অথচ আয়াতের সূচনার দুঃখীদের বেলায়

শুধু দুঃখে চিরবাসের উল্লেখ যথেষ্ট বিবেচিত হই-
য়াছে। ছুরত-আত-তাগাবুনে অমুরূপ ভাবে বলা
হইয়াছে যে, তাহাকে একরূপ বাগীচায় প্রবেশ
করান হইবে যাহার
و يدخله جنات تجري من
تحتها الانهار خالدون فيها
নিম্নদেশে নহর সমূহ
প্রবাহিত থাকিবে,
ابدًا ذلك الفوز العظيم
উহাতে তাহারা অনন্ত-
والذين كفروا وكذبوا
কাল ধরিয়া চিরবাস
باياتنا اولئك اصحاب
করিবে এবং ইহা
النار خالدون فيها -
বিরাট সার্থকতা আর যাহারা অস্বীকার করিয়াছে
এবং আমাদের উল্লিখিত মিথ্যা বলিয়া উড়াইয়া
দিয়াছে তাহারা নারকী, তাহারা উহাতে চিরবাস
করিবে—৯ ও ১০ আয়াত।

এখানে লক্ষ করা উচিত যে, এই দুই আয়াতে
বেহেশতীদের জন্ত 'খলুদ' ও 'আবাদীয়েত'র প্রতি-
শ্রুতির সমকক্ষতার দুঃখীদের জন্ত শুধু 'খলুদ' উল্লিখিত
হইয়াছে। অর্থাৎ দুঃখীদের শাস্তির সীমাহীন
হওয়া উল্লিখিত হয় নাই কিন্তু বেহেশতীদের 'খলুদ'-
কে অনন্তকাল স্থায়ী বলিয়া অভিহিত করা হইয়াছে।
একই আয়াতে পুরস্কার ও দণ্ডের বর্ণনা পদ্ধতিতে যে
তারতম্য দেখিতে পাওয়া যায়, তাহা কি একেবারেই
অর্থহীন ?

ছুরত আল-ইমরাণে বেহেশতীদের বেহেশতে
চিরবাস স্পষ্টাক্ষরে উচ্চারিত হইলেও দুঃখীদের
শাস্তির মৃদত স্বত্ব সন্দেহ সন্দেহভাবে মৌনাবলম্বন করা
হইয়াছে। বলা হই-
يوم تبيض وجوه وتسود
وجوه 'فاما الذين اسودت
وجوههم' اكفرتم بعد
জন্ম আর কতক কুফর

হইবে, সেদিন বাহাদের ایمانکم، فذوقوا العذاب
 মুখ কালো, তাহাদের بما كنتم تكفرون، و
 সম্বোধন করিয়া বলা اما الذين ابيضت وجوههم
 হইবে, তোমরা কি ففى رحمة الله، هم فيها
 ঈমান স্থাপন করার خالدون -

পর পুনরায় কাফির হইয়া গিয়াছিলে? তাহাহইলে
 কৃষ্ণের বিনিময়ে দণ্ডের আশ্বাদ গ্রহণ কর আর
 বাহাদের বদন শুভ্র, তাহারা আল্লাহর রহমতে প্রবেশ
 এবং উহাতে চিরবাস করিবে—১০৬ ও ১০৭ আয়ত।

এই আয়তে শাস্তির সীমা সম্বন্ধে যৌনাবলম্বন
 করা হইয়াছে কিন্তু রহমতকে 'খলুদে'র সহিত—
 বিশেষিত করিয়া উহাকে অব্যাহত ও সীমাহীন
 রাখা হইয়াছে।

চুরত আনুনিহার ৫৬ আয়তে কথিত হইয়াছে,
 বস্তুতঃ বাহারা আমার ان الذين كفروا باياتنا
 নির্দোষসমূহকে অস্বী- سوف نصليهم نارا، كلما
 কার করিয়াছে, অচিরে نفصحت جلودهم بدلناهم
 আমরা তাহাদিগকে جلوداً غيرها ليذوقوا
 অগ্নিতে প্রবেশ করা- العذاب ان الله كان عزيزا
 ইব। যখন তাহাদের حكيما - والذين آمنوا
 দেহের স্বক বিগলিত وعملوا الصالحات سندخلهم
 হইবে তখন আমরা جنة تجرى من تحتها
 স্বক তাহাদের জন্ত الانهار خالدين فيها ابدًا -
 পরিবর্তন করিয়া দিব বাহাতে তাহারা দণ্ডের আশ্বাদ
 গ্রহণ করে, নিশ্চয় আল্লাহ শক্তিমান ও প্রজ্ঞাশীল।
 আর বাহারা ঈমান আনিয়াছে এবং সদাচারের
 অনুষ্ঠান করিয়াছে নিশ্চয় আমি তাহাদিগকে এমন
 বাগীচাসমূহে প্রবেশ করাইব যেগুলির নিয়ন্ত্রণ দিয়া
 স্রোতস্বতী প্রবাহিত রহিয়াছে, তাহারা উহাতে
 অনন্তকাল ধরিয়া চিরবাস করিব।

এই আয়তেও কাফিরদের দুঃখ বাস এবং
 মু'মিনগণের বেহেশত-বাসের কথা যুগপৎভাবে আলো-
 চিত হইয়াছে। অথচ দুঃখের চিরবাস অথবা অনন্ত-
 স্থায়ী শাস্তির কোন উল্লেখ এই আয়তে নাই, পক্ষান্তরে
 উহার সমকক্ষতার বেহেশতীদের জন্ত বেহেশতে অনন্ত
 চিরবাসের প্রতিশ্রুতি রহিয়াছে। দুঃখের শাস্তি ও

বেহেশতের পুরস্কারের একইস্থানে বর্ণনা পদ্ধতির যে
 তারতম্য দেখিতে পাওয়া যাইতেছে, তাহা একদম
 উড়াইরা দেওয়া কি সম্ভবপর?

উক্ত চুরতেরই ১২১ আয়তে কাফির ও মুশরিক-
 গণের কমাহীন শিবিরের অপরাধের কথা আলোচনা
 করার পর তাহাদের দুঃখবাস সম্বন্ধে শুধু এইটুকু
 বলা হইয়াছে যে, তাহাদের বাসস্থান হইবে দুঃখ
 এবং উক্ত দুঃখ হইতে اولئك مأواهم جهنم ولا
 তাহারা পলায়ন করার يجدون عنها محيصا -

কোন সুযোগই প্রাপ্ত হইবেন। অথচ বেহেশতী-
 দের সম্বন্ধে বলা হইয়াছে এবং বাহারা ঈমান
 আনিয়াছে এবং সদা- والذين آمنوا وعملوا
 চরণের অনুষ্ঠান করি- الصالحات سندخلهم جنات
 রাহে আমরা অবশ্যই تجرى من تحتها الانهار
 তাহাদিগকে বেহেশতে خالدين فيها ابدًا، وعد الله
 প্রবেশ করাইব, বাহার حقا، ومن اصدق من الله
 নিয়ন্ত্রণ দিয়া নহর- قيلًا؟

সমূহ প্রবাহমান। তাহারা উহাতে অনন্তকালের
 জন্ত চিরবাস করিবে। আল্লাহর প্রতিশ্রুতি ক্রবসত্য
 এবং আল্লাহর অপেক্ষা কাহার কথা অধিকতর সত্য
 হইতে পারে?—আনুনিহার, ১২২ আয়ত।

উল্লিখিত আয়তের বর্ণনা পদ্ধতি সাবধানতার
 সহিত লক্ষ করিলে বুঝিতে পারা যায় যে, দুঃখীরা
 দুঃখ হইতে পলায়ন করিতে পারিবেনা কিন্তু বেহেশ-
 তীরা বেহেশতে অনন্তকাল ধরিয়া চিরবাস করিবে।
 এই স্থানেও বেহেশতের মত দুঃখকেও অনন্ত ও চির-
 বাসের স্থানরূপে অভিহিত করা হয়নাই।

চুরত আত্‌তালাকে আল্লাহর এবং তদীয়
 রচুলগণের বিরোধীদল সম্পর্কে যেস্থলে বলা হইয়াছে,
 আমরা তাহাদের وكن من قرية عنت عن
 নিকট হইতে কঠোর امر ربها ورسله فحاسبناها
 হিসাব গ্রহণ করিব حسابا شديدا وعذبناها
 এবং অজ্ঞাতপূর্ব শাস্তি عذابا نكرا - وكان عاقبة
 তাহাদিগকে দান করিব, امرها خسرًا، اعد الله لهم
 অতএব তাহারা তাহা- عذابا شديدا -
 দের কৃতকর্মের প্রতিকল আশ্বাদ করিবেই এবং তাহাদের

কর্মের পরিণতি সর্বনাশকর হইবে। আল্লাহ প্রস্তুত রাখিয়াছেন তাহাদের জন্য কঠোর দণ্ড—৮, ৯ ও ১০ আয়ত।

ইহার পরে পরেই বেহেশতীদের সম্বন্ধে বলা হইতেছে, وَمَن يُؤْمِن بِاللَّهِ وَيَعْمَلْ صَالِحًا يُدْخِلْهُ جَنَّاتٍ تَجْرَى مِنْ تَحْتِهَا الْأَنْهَارُ خَالِدِينَ فِيهَا أَبَدًا—বলা করিয়াছে, আল্লাহ তাহাদিগকে একরূপ উত্তানমালায় প্রবেশ করাইবেন, বাহার নিম্নভাগে নহর সমূহ প্রবাহিত রহিয়াছে, তাহারা উহাতে অনন্তকাল চিরবাস করিবে—এ ১১ আয়ত।

এ স্থানেও বেহেশতীদের সীমাহীন ও অনন্ত স্বর্গবাসের সমকক্ষতার দৃষতীদের অনন্ত নরকে স্থায়ী হইবার কথা আদিষ্ট হয়নাই। শুধু তাহাদের দণ্ডের কঠোরতার কথাই উল্লিখিত হইয়াছে। এই তারতম্য প্রাধান্য যোগ্য নয় কি?

একথা বিশেষ ভাবে স্মরণ রাখা উচিত যে, কোরআনে দৃষতবাসের জন্য “খালেদীনা ফিহা আবাদা” বাক্যটি ছুরত আল আহযাবের ৬৪ আয়তে, ছুরত আলজিন্নের ২৪ আয়তে ও ছুরত আনুশ্চির ১৬২ আয়তে মোট তিন স্থানে উল্লিখিত হইয়াছে কিন্তু কোন স্থানেই বেহেশতবাসের সমকক্ষতার এই আয়তগুলি উল্লিখিত হয় নাই এবং ইহার তাৎপর্য সম্বন্ধে পূর্বেই নিবেদন করা হইয়াছে যে, এক দল বিদ্বান এই “সীমাহীন চিরবাস”কে আল্লাহর আদেশক্রমে দৃষতের বিশ্বস্তিকাল পর্যন্ত চিরস্থায়ী বলিয়া নির্দেশিত করিয়াছেন। পক্ষান্তরে বেহেশতবাসের জন্য “খালেদীনা ফিহা আবাদা” বাক্যটি আলবাইয়েনাহ, আততাগাবুন, আনুশ্চির দুই স্থানে আল-মায়দা, আততাগাবুন দুই স্থানে এবং ছুরত আত-তালাকে সন্নিবেশিত রহিয়াছে। সংখ্যার এই তারতম্যও বিদ্বানগণের দৃষ্টি আকর্ষণ করার পক্ষে যথেষ্ট।

কয়েকটি আয়তে দৃষতবাসকে শুধু ‘খলুদ’ দ্বারা বিশেষিত করা হইয়াছে, কিন্তু শুধু ‘খলুদ’ দ্বারা

সাহায্যে অনন্ত স্থায়ী প্রমাণিত না হওয়া উক্ত - শহীদুল্লাহ চাহেব অবশেষে অল্পগ্রহপূর্বক মানিয়া লইয়াছেন। অধিকন্তু উহার সমকক্ষতার কোরআনের অন্ততঃ কুড়িটি আয়তে বেহেশতীদের—জন্ম ও ‘খলুদ’ শব্দ প্রযোজ্য হইয়াছে। এই সংখ্যার তারতম্য কি সম্পূর্ণ অর্থহীন? আর মু’মিন মুছলমানদের জন্যও দৃষতের শাস্তি সম্বন্ধে ‘খলুদ’ শব্দ ব্যবহৃত হইয়াছে। ছুরত আনুশ্চির ৯৩ আয়তে কথিত হইয়াছে যে, وَمَن يَقْتُلْ مُؤْمِنًا مُّتَعَمِدًا فَجَزَاءُ جَهَنَّمَ خَالِدًا فِيهَا !—যে ব্যক্তি ইচ্ছাকৃত ভাবে কোন মু’মিনকে হত্যা করিবে, তাহার শাস্তি হইতেছে দৃষত, উহাতে সে ‘খালেদান’ বাস করিবে।

অতএব দেখা যাইতেছে যে, আত্মসংগিক ইংগিত না পাওয়া পর্যন্ত ‘খলুদ’ শব্দের চিরস্থায়ী হওয়ার অর্থ গৃহীত হইবেনা। কোরআনের অন্ততঃ কুড়িটি আয়তে বেহেশতীদের ‘খলুদ’ সম্পর্কে আত্মসংগিক ইংগিত বিদ্যমান রহিয়াছে যে, তাহাদের বেহেশতবাস নিরবচ্ছিন্ন ও অনন্ত হইবে। সুতরাং এই কুড়িটি আয়তের সাহায্যে বেহেশতীগণের বেহেশতে চিরস্থায়ী হইয়া অনন্তকাল বাস করা সাব্যস্ত হইতেছে।

দৃষতের শাস্তি সম্পর্কে ছুরত আল-ইনফিতারে বলা হইয়াছে, “দৃষতীরা দৃষত হইতে লুকাইয়া বাঁচিতে পারিবে না।” ছুরত-আল বাকারায় কথিত হইয়াছে, দৃষতীরা সংকার্ষের অমুষ্ঠানের জন্য পৃথিবীতে পুনরায় ফিরিয়া আসার কামনা করিবে কিন্তু “তাহারা দৃষত হইতে বহির্গত হইতে পারিবে না।” ছুরত-আল-মায়দা, ছুরত-আলহজ ও ছুরত-আছজ্জাদার উক্ত হইয়াছে যে, দৃষতীরা বারংবার দৃষত হইতে বহির্গত হওয়ার চেষ্টা করিবে কিন্তু ঘুরিয়া ফিরিয়া আবার দৃষতই প্রত্যাবর্তন করিবে।

এই সকল আয়তকে দৃষতের অবিনশ্বরত্বের—প্রমাণরূপে উপস্থিত করা আমি সংগত মনে করিনা। কারণ এই সকল আয়তের কোন একটিতেও দৃষতের অবিনশ্বরতার উল্লেখ নাই। দৃষতীরা শাস্তির যন্ত্রণা সহ্য করিতে না পারিয়া কোন স্থানে লুকাইয়া থাকিয়া উহার কষ্ট হইতে বাঁচিতে চেষ্টা করিবে কিন্তু ইহা

তাহাদের পক্ষে সম্ভবপর হইবেনা—প্রথম আয়তে শুধু এই কথাই প্রমাণিত হয়, কিন্তু ইহা দ্বারা দুঃখের চিরস্থায়ী হওয়া প্রমাণিত হয় কি?

দ্বিতীয় আয়তের তাৎপর্য এই যে, যে সকল পাখিব আচরণের দণ্ড স্বরূপ কাফির ও মুশরিকের দল নিরসগামী হইবে তাহারা সদাচরণের সাহায্যে সে-গুলির প্রায়শ্চিত্ত করার জন্ত দুনিয়ায় ফিরিয়া আসার আকাংখা করিবে কিন্তু তাহাদের এই আকাংখা কিছুতেই পূরণ হইবেনা, ইহা পুনর্জন্মবাদের বলিষ্ঠ প্রতিবাদ হইলেও এই আয়তের সাহায্যে আল্লাহ যে দুঃখকে বিধ্বস্ত করিতে পারেননা তাহা প্রমাণিত হয় কি?

অবশিষ্ট আয়তগুলির অর্থ হইতেছে, দুঃখীরা দুঃখের দণ্ড ভোগ করিতে করিতে যখন অতিষ্ঠ হইয়া উঠিবে তখন দল বাঁধিয়া দুঃখ হইতে বাহিরে চলিয়া যাইবার সংকল্প করিবে কিন্তু সকল সময়েই তাহারা ব্যর্থমনোরথ হইবে।

দুঃখের বিত্তমানতা পর্যন্ত দুঃখীদের দুঃখ হইতে নিষ্ক্রমণের চেষ্টা ব্যর্থ হইলেও আল্লাহ যদি দুঃখকে লক্ষ কোটি বৎসর প্রজ্জ্বলিত রাখার পর উহাকে নিশ্চিহ্ন করার পবিত্র ইচ্ছা পোষণ করেন, তাহাহইলে তিনি কি সফলকাম হইতে পারিবেননা?

ছুরত হুদের যে বহুবিধ আয়তটি বারংবার উল্লেখ করা হইয়াছে অর্থাৎ 'ইল্লা মাশায়া রাব্বোকা'—আপনার প্রভু যাহা ইচ্ছা করেন তাহা ব্যতীত। এই নির্দেশ অনুসারে আল্লাহ তাঁহার পবিত্র ইচ্ছা অবশ্যই পূরণ করিতে সমর্থ। ডক্টর শহীদুল্লাহ চাহেব বলিয়াছেন আল্লাহর এই ইচ্ছার উপর আস্থাশীল হওয়া আমার সঠিক হয় নাই। আমি বলিব, এই অর্থই সঠিক, কোরআনের স্পষ্ট নির্দেশ এই যে, আল্লাহ যাহাকে ইচ্ছা ক্ষমা يَغْفِرُ لِمَن يَشَاءُ وَيُعَذِّبُ مَن يَشَاءُ وَهُوَ اللَّهُ مَلِكُ الْمَسْمُورَاتِ وَالْأَرْضِ وَمَا بَيْنَهُمَا وَاللَّهُ الْمَصِيرُ—গগনসমুহ এবং বস্তুজগৎ এবং এসমস্তের মধ্যবর্তী সমুদয় বস্তুর সর্বাভৌম প্রভু-ত্বের একমাত্র অধিকারী তিনিই এবং তাঁহারই দিকে

সকলের প্রত্যাবর্তন—আল্ মায়েদা ১৮ আয়ত।

ছুরত আল্ মায়েদার যে আয়তে কথিত হইয়াছে। যে, আল্লাহ শিরকের অপরাধ কিছুতেই ক্ষমা করিবেননা এবং শিরক ব্যতীত অত্যাচার সমুদয় অপরাধ, যাহার জন্ত ইচ্ছা করিবেন, তিনি ক্ষমা করিবেন—তাহার তাৎপর্যের কোন স্থানেই এ কথার উল্লেখ নাই যে, আল্লাহ দুঃখকে বিনষ্ট করিতে সক্ষম হইবেননা।

“আর আল্লাহর আয়ত সমূহকে যাহারা মিথ্যা বলিয়া উড়াইয়া দেয় এবং গর্ব ভরে তাহা মান্য করিতে অস্বীকৃত হয়, হুচের ছিত্র দিয়া উষ্ট্র অতিক্রম না করা পর্যন্ত তাহাদের জন্ত যে ঊর্ধ্ব জগতের দ্বার উদঘাটিত হইবেনা” ছুরত আল্ আ'রাফের এই উক্তি সত্যই অত্যন্ত ভয়াবহ, কিন্তু কোন কোন বিদ্বান বলিয়াছেন যে, শেষ পর্যন্ত উহাদিগকে গলাধঃকরণ করার জন্ত দুঃখকেই আদেশ দেওয়া হইবে। কিন্তু যুগযুগান্তর এবং অগণিত ছকবার পর এই সকল হতভাগ্যকে আল্লাহ যদি দয়া প্রদর্শন করেন এবং শেষ পর্যন্ত দুঃখের আশ্রয় নিভিয়া যায়, তাহাতে ডক্টর চাহেবের উদ্বেগ হইবার কারণ কি? ডক্টর চাহেব আমাকে জিজ্ঞাসা করিয়াছেন, দুঃখীরা যদি পৃথিবীতে ঘুরিয়া না মাইতে পারে আর বেহেশতের দ্বারও যদি তাহাদের জন্ত রুদ্ধ থাকে, তাহাহইলে দুঃখের বিধ্বস্তির পর তাহাদের কি গতি হইবে? আমি তাহাকে সম্মানে আশ্বস্ত করিতে চাই যে, দুঃখীদের পরিণামে কি হইবে তজ্জন্ত তাঁহার হৃদয়তার কোন কারণ নাই?

“আলমে-গায়েবে”র যে সকল ব্যাপারকে আল্লাহ খীর ইচ্ছার সহিত যুক্ত রাখিয়াছেন, সেগুলির জন্ত ব্যক্তিব্যক্ত হওয়ার কোনই স্বাধিকতা নাই। আমার বক্তব্য শুধু ইহাই যে, দুঃখের অবিনশ্বরতার কোন অকাটা প্রমাণ কোরআন ও ছুরতে ছহীহান—আমি প্রাপ্ত হইনাই আর আল্লাহর রহমতে আশ্রয়িত থাকার জন্ত বহুভাষাবিদ জনাব ডক্টর শহীদুল্লাহ এম-এ, ডি-লিট আমাকে যে ভৎসনা করিয়াছেন তদন্তরে আমি আরম্ভ করিতে চাই যে, একপ্রকার আশা পোষণ করার দরুণ আমি কি ইবলীছেরও অধম হইয়া গিয়াছি? ডক্টর চাহেব কি শেইখ ছা'দীর

কথা ভুলিয়া গিয়াছেন?

وكر در دهن يك ملائ كرم

عزائيل كويد نصيبه برم !

আল্লাহ যদি কুশা বিতরণ করিবেন বলিয়া একবার বিধোষিত করেন, তাহাইহলে আবাখীলও বলিবে আমিও উহার ভাগ প্রাপ্ত হইব।

প্রভু স্বীয় দাসগণের প্রতি অমুগ্রহ বর্ষণ করার যে প্রতিশ্রুতি দেন, তাহা ভংগ করা তাঁহার গৌরবের পক্ষে হানিকর কিন্তু অপরাধী দাসের জন্ত যে শাস্তির বিধান তিনি নির্ধারিত করেন, যদি দয়া পরবশ হইয়া তিনি দাসের জন্ত তাঁহার উক্ত দণ্ডদেশকে রহিত করিয়া দেন তৎক্ষণাৎ তাঁহার গৌরব এবং স্তার-পরায়ণতা কোনক্রমেই ক্ষুণ্ণ হয়না। আল্লাহর সীমাহীন ও অনন্ত অমুকম্পা এবং ক্রোধ অপেক্ষা তাঁহার রহমতের আতিশয্যের যে সকল প্রমাণ আমি কোরআন ও ছুন্নাহ হইতে উদ্ধৃত করিয়াছিলাম, ডক্টর ছাহেব সেগুলিকে আমার ‘কিয়াছ’ বলিয়া উপেক্ষা করিতে চাহিয়াছেন, অথচ তিনি পুত্রের ধৃষ্টতা ও পানের জন্ত পিতামাতার ক্রোধ আর মানুষের দোষক্রটির জন্ত অপর মানুষের প্রতিশোধ স্পৃহার যেদল ঔপমানিক প্রমাণ (Analogy) সমুপস্থিত করিয়াছেন, সেগুলিকে কোরআনী দলীল মনে করিয়া আত্মপ্রসাদ লাভ করিতে চাহিয়াছেন। ডক্টর ছাহেব আমার মরহুম অগ্রজের সাহিত্যিক জীবনের সহযোগী না হইলে এবং তাঁহার বয়সের প্রতি আমার লক্ষ না থাকিলে আমি তাঁহাকে ‘কিয়াছ’ এবং উহার বিভিন্ন প্রকরণ সম্পর্কে অবহিত হইবার পরামর্শ দিতাম।

এইরূপ ‘আবাদান’ শব্দের তাৎপর্ষ—‘বহু দীর্ঘ-কাল স্বামী’ হওয়ার আমি আভিধানিক ও সাহিত্যিক-গণের যেসকল অভিমত এবং এ সম্পর্কে কোরআনের প্রয়োগ উদ্ধৃত করিয়াছিলাম, সেগুলিকেও তিনি ‘কিয়াছ’ বলিয়া উড়াইয়া দিতে চাহিয়াছেন, কিন্তু মবার কথা এই যে, নিজের অভিমতের পোষকতার তিনি মুন্না আলী কারী ও শাহ অনওয়ার কান্দহারীর যেসকল উক্তি উদ্ধৃত করিয়াছেন, সেগুলিকে ‘কোরআন অমু-স্বামী’ ব্যাখ্যা বলিয়া আখ্যাত করিয়া খুশী হইয়াছেন। অভিন্ন যাত্রার একরূপ ভিন্ন ফলের নবীর যে অত্যন্ত বিরল, তাহাতে সন্দেহ নাই।

কোরআনের বহুস্থানে ‘আবাদান’ শব্দের একরূপ প্রয়োগ রহিয়াছে, বাহার অর্থ কোনক্রমেই ‘সীমাহীন ও অনন্তকাল’ করা সম্ভবপর নয়। হযরত মুছা আল্লাহর নির্দেশক্রমে ইছরাঈলের বংশধরদিগকে বধন পবিত্র ভূমিতে প্রবেশ করার আদেশ দিয়াছিলেন, তখন তাহারা বলিয়া—
قالوا يا موسى انا لن ندخلها ابداً —
ছিল, হে মুছা—আমরা
কিছুতেই পবিত্র ভূমিতে প্রবেশ করিবনা ‘আবাদান’
—আলমারেরদা, ২৩ আয়ত।

এই আয়তে ‘আবাদানে’র তাৎপর্ষ ‘সীমাহীন ও অনন্তকাল’ স্বীকার করা কি সম্ভবপর?

ছুরত-আল ফতহে মদীনার মুনাফিকদিগকে সম্বোধন করিয়া বলা
بل ظننكم ان لن ينقلب
الرسول والمؤمنون الى
اهليهم ابداً —
হইয়াছিল, পক্ষান্তরে
তোমরা ধারণা করিয়া-
ছিল যে, রহুল্লাহ (স:) এবং মুমিনগণ তাঁহাদের পরিবারবর্গের নিকট ‘আবাদান’ প্রত্যাবর্তন করিবেননা—১২ আয়ত।

ছুরত আততুবার মুনাফিকদিগকে জানাইয়া দিবার জন্ত রহুল্লাহ (স:) কে আদেশ করা হইয়াছিল যে, আপনি বলুন—
فقل لن تخرجوا معي
ابداً —
তোমরা জিহাদের জন্ত
আমাদের সংগে ‘আবাদান’ বহির্গত হইতে পারিবেনা—১৩ আয়ত।

এইরূপ ছুরত আল জুমুআর ইয়াহুদীদের সম্বন্ধে কথিত হইয়াছে যে,
ولا يتمرنه ابداً —
তাহারা ‘আবাদান’ মৃত্যু কামনা করিবেনা—৭ আয়ত।

উল্লিখিত আয়ত সমূহে কথিত ‘আবাদান’ শব্দের সহিত সীমাহীন ও অবিনশ্বর অর্থের কোনরূপ সুসংগতি নাই। ‘আবাদানে’র যে অর্থ ডক্টর ছাহেব গ্রহণ করিয়াছেন, উহাকে একমাত্র অর্থরূপে গ্রহণ করিলে বেহেশত ও দুখ ছাড়া নিদান পক্ষে পবিত্রভূমি ফেলেন্তিন, রহুল্লাহ (স:), তাঁহার যুগের মুমিন ও মুনাফিক দল এবং ইয়াহুদী সমাজের অবিনশ্বর মানিয়া লইতে হইবে।

* مالكم كيف تعملون ? (অসমাপ্ত)

* আপনাদের এক অবস্থা? এ কিরূপ বিচার পদ্ধতি?

ওয়াহাবী বিদ্রোহের কাহিনী

প্রতিপক্ষের যবানী

অনুবাদ—আহমদ আলী

মেছাঘোনা, খুলনা।

[উনবিংশ শতকের প্রথমার্ধে ভারত উপমহাদেশে ইছলামী রাজ্যশাসন বিধানের পুনঃপ্রতিষ্ঠা কল্পে হযরত ছৈয়দ আহমদ ব্রেলাভী শহীদ ও আল্লামা শায়খ মোহাম্মদ ইছমাঈল দেহলভী শহীদেয় যুগল নেতৃত্বে এবং তাঁহাদের শাহাদতের পর তলীয় হুলাভিযুক্তগণ কর্তৃক যে রক্তাক্ত জিহাদ পরিচালিত হইয়াছিল, বিপক্ষদের ক্ষুরধার লেখনীর প্রভাবে ইতিহাসের পৃষ্ঠায় উহা ‘ওয়াহাবী বিদ্রোহ’ নামে চিরস্মরণীয় হইয়া রহিয়াছে। এই অগ্নি আন্দোলন শতাব্দীকাল ধরিয়া সমগ্র উত্তর-ভারত এবং বাংলা ও আসামের মুছলমানগণের মধ্যে যে প্রাণ চাঞ্চল্য সৃষ্টি করিয়াছিল এবং বাহার কলে ভারতের তদানীন্তন শাসকগোষ্ঠি ইস্ট ইণ্ডিয়া কোম্পানীকে যেভাবে নাজেহাল হইতে হইয়াছিল, উক্ত কোম্পানীরই জনৈক বিশিষ্ট ও উচ্চকর্মচারী স্ত্রীর উইলিয়ম হার্টার তাঁহার ‘Our Indian Musalman’ অর্থাৎ ‘আমাদের ভারতীয় মুছলিম প্রজা’ নামক বিশ্ববিস্তৃত গ্রন্থে সত্য ও মিথ্যার মিশ্রণ সহকারে তাহার আংশিক বিবরণ প্রদান করিয়াছেন। এই অমূল্য পুস্তকের অনুবাদ কার্য বহুপূর্বেই উর্দু ভাষায় সম্পাদিত হইয়াছে। সুধের বিষয় বাংলা ভাষায় ইহার অনুবাদের বহু প্রতীক্ষিত কার্যে সম্প্রতি খুলনার মেছাঘোনা নিবাসী প্রবীণ সাংবাদিক এবং অধ্যাপক ‘নবযুগ’ বৈনিকের সম্পাদক জ্ঞানব মওলানা আহমদ আলী ছাহেব মনোনিবেশ করিয়াছেন। বক্ষমান প্রবন্ধটি উক্ত গ্রন্থের তৃতীয় পরিচ্ছেদের অনুবাদ। দ্বিতীয় পরিচ্ছেদটি কুলিকাতার একটি মাসিকপত্রে ধারাবাহিকরূপে প্রকাশলাভ করিতেছে। অনুবাদক তজ্জুমান সম্পাদককে যে ব্যক্তিগত পত্র লিখিয়াছেন তাহাতে তিনি আশা করিয়াছেন যে, “আজ বাহারী ইছলাম ও ইছলামী শরীঅতের বিবন্ধাচরণে মতিগাছে, ইহাদের কুন্তিনা এই পরিচ্ছেদে পাওয়া যাইবে”— তজ্জুমান সম্পাদক—

উল্লেখ্যমুহম্মদের ফতোয়া

বিদ্রোহী ওহাবী প্রচারকগণ বাংলায় তাঁহাদের স্বদেশবাসী প্রতিবেশী সম্প্রদায়ের বিরোধিতা ব্যতীত বিদ্রোহ তৎপরতা চালাইতে পারেনাই। মুসলমান-দিগের মধ্যেও দ্বিমতের অবকাশ ছিল। খৃষ্টানগণ যেমন নানা বিভিন্ন মতে বিভক্ত হওয়ার দরুণ তাহাদের মধ্যে তীব্র মতৈধতা বিদ্যমান রহিয়াছে, তেমনি মুসলমানদিগের মধ্যেও উহার অস্তিত্ব পরিলক্ষিত হয় এবং সেজন্য তাহাদের পরস্পরের মধ্যে ধর্ম সঙ্ঘর্ষের তীব্র কলহ বিবাদেয় অস্তিত্ব বিদ্যমান রহিয়াছে। একেই তো হিন্দু মুসলমান জমিদার ও পুণ্ড্রিপতি কায়সারী শ্রেণী সংস্কার পন্থী ওহাবী প্রচারকদের তাহাদের এলাকায় উপস্থিত হওয়ারকে বিপক্ষজনক বলিয়া মনে করে, তার উপর মুসলমান সমাজের একটি অংশের মধ্যে ক্রমে ক্রমে ওহাবী বিদ্রোহ দানা বাঁধিয়া উঠায় এবং হিন্দুগণ সাধারণতঃ রাজভক্ত হওয়ার বর্তমানে পল্লী অঞ্চলের সর্বত্র ওহাবী প্রচারকদিগের উপস্থিতি সকলে সন্দেহ চিন্তে গ্রহণ করিতে পারিতেছেন। ওহাবীগণ ধর্ম ও রাজনীতি উভয় ক্ষেত্রেই বিপ্লবপন্থী। পক্ষান্তরে তাহাদের কাজ

মার্টিন লুথার এবং অলিভার ক্রমওয়েলের ক্রায় গঠন-মূলক নহে বরং রোদাস ও ট্যানেহলিনের [Tanehlin] ক্রায় ধ্বংসমূলক এবং যেমন আট্রাট [Utrecht] এর পাদ্রী সমাজ ট্যানেহলিনের সংস্কারের নামে ভীত হইয়া চীৎকার করিয়া উঠিয়াছিলেন তাঁহার ধারণা ছিল যে, তিনি যে মত গ্রহণ করিয়াছেন উহাই প্রকৃত খৃষ্টান ধর্ম, তিনি সর্বদা তিন সহস্র সশস্ত্র অশুর দ্বারা পরিবেষ্টিত থাকিতেন এবং তাহারা তাঁহাকে খৃষ্টের ক্রায় প্রত্যাখ্যান করিত। পাদ্রীর অজ্ঞাধীন পানিকে তাহারা পবিত্র জ্ঞানে সেন্ন করিত। তেমনি যে সমস্ত মুসলমান মোল্লার এক্সিয়াবে মসজিদ, খানকা এবং সেই সংশ্লিষ্ট কয়েক একর করিয়া নিষ্কর জমি আছে, তাহারা ওহাবী সংস্কারের নামে ভীত জ্ঞাত হইয়া রহিয়াছে। তথ্যাদি অনুসন্ধান করিলে জানা যাইবে যে, এই জ্ঞাত বিগত ৫০ বৎসর কাল ধরিয়া ওহাবী-দিগের নামে সর্বত্র ত্রাস সৃষ্টি হইয়া রহিয়াছে। ১৮১৩ হইতে ১৮৩০ খৃষ্টাব্দ পর্যন্ত কোন ওহাবীর পক্ষে নিরাপদে মক্কা ভ্রমিতে উপস্থিত হওয়া সম্ভবপর হয় নাই।

পৃথিবীর অন্যান্য দেশের ক্রায় ভারতেও জমিদার

ও ধর্মীয় নেতাগণ একযোগে সর্বপ্রকার বিপ্লব ও সংস্কারকে ভীতির দৃষ্টিতে দেখিতে অভ্যস্ত। ইংরেজ জমিদারগণ যে ভাবে গীর্জার তত্ত্বাবধান করিয়া থাকেন, মুসলমান জমিদারগণও ঠিক সেই ভাবে মসজিদ প্রতিষ্ঠিত করিয়া উহার তত্ত্বাবধানে প্রবৃত্ত হইলেন এবং তাহাদের উভয়েই সমমনোবৃত্তির দ্বারা চালিত হইয়া ধর্ম ও রাজনীতিতে বিপ্লব সাধনের বিরোধিতা করিয়া থাকেন। ভারতের ওচরাবীগণ ধর্ম ও রাজনীতি উভয় ক্ষেত্রেই কঠোর বিপ্লবপন্থী রূপে আবির্ভূত হইয়াছে। তাহাদিগকে এনাবিটিস এবং স্বদেশের মঙ্গল কামনায় বাহারা সন্ত্রাসবাদী রূপে আবির্ভূত হইয়াছিল, তাহাদের সহিত তুলনা করা যাইতে পারে। রাজনীতি ক্ষেত্রে সংস্কারপন্থী ওচরাবীগণ কঠোর ভাবে ইসলামের মূলনীতি অমু-
 য়াযী সমাজতান্ত্রিক গণতন্ত্রপন্থী হওয়ায় তাহারা মুসলমান সামন্ত ও জমিদার এবং পুঁজিপতিদিগকে ক্ষণেকের তরেও বরদাশত করিতে প্রস্তুত নহে। এই জন্ত এই দলের এমাম সৈয়দ আহমদ সাহেবকে ১৮২৮ সালে স্বগণতন্ত্র ভাবে পেশোয়ারের প্রতিক্রিয়া-
 পন্থী মুসলমান শাসনকর্ত্তা (ইয়ার মোহাম্মদ খানের) ও পাক্ষিকের শিখ শক্তির বিরুদ্ধে ভয়াবহ অভিযান চালাইতে দেখা গিয়াছে। ১৮৩১ সালে কলিকাতার নিকটবর্ত্তী স্থানে যে বিজোহ মাথা চাড়া দিয়া উঠিয়া-
 ছিল, উহাও হিন্দু মুসলমান নির্বিশেষে জমিদার মাত্রেরই বিরুদ্ধে অভিযান চালাইয়া দিয়াছিল, বরং সত্য কথা এই যে, হিন্দুর তুলনায় মুসলমান জমিদার-
 দিগকেই তাহাদের দ্বারা অধিক পরিমাণে নিপীড়ন ভোগ করিতে হইয়াছে। তাহারা তাহাদের সংস্কার মোতাবেক স্বধর্মী বেদনাত পন্থীদিগের উদ্ধারার্থ তাহাদের স্ববৃত্তি বিধবা কন্যাদিগকে জোরপূর্ব্বক দলের নেতৃস্থানীয় ব্যক্তিদিগের সহিত বিবাহ দিত। সমা-
 জের সাধারণ স্তরের লোক দ্বারা এই দল গঠিত হইয়াছিল, সুতরাং অভিজাত শ্রেণীর মুসলমান জমিদারগণ আপনাদের কন্যাদিগকে এই দলের লোকের সহিত বিবাহ দেওয়ারূপে বংশ মর্যাদার পক্ষে হানিজনক বলিয়া মনে করিত। উহার পক্ষ-

দশ বৎসর পরের সরকারী রিপোর্ট হইতে জানা যাইতেছে যে, এই দলের লোক সংখ্যা আশি হাজার, পঞ্চাশ পৌছিয়াছিল, (বাংলার পুলিশ কমিশনার মিঃ ডাম্পারের রিপোর্ট) এবং তাহাদের মধ্যে নির্মল ভ্রাতৃত্বভাব পূর্ণ মাত্রায় বিद्यমান ছিল। বলা-
 বাজল্য তাহাদের শতকরা নিরানব্বই জনই সমাজের সাধারণ স্তর হইতে সংগৃহীত হইয়াছিল।

এই প্রকার সংস্কার পন্থী ধর্মীয় লোকেরা কোন ক্রমেই আত্মস্বার্থ সর্ব্বদা আরাম প্রিয় পুঁজিপতিদের নিকট সহায়ত্বের আশা করিতে না পারিলেও বাংলার এক শ্রেণীর প্রভাবশালী ধনী ব্যবসায়ী মুসলমান কিন্তু পূর্বাগত তাহাদিগকে সাহায্য যোগাইয়াছে। ইহারা হইতেছে চর্ম্ম ব্যবসায়ী। হিন্দুগণ গরুকে পবিত্র জ্ঞানে পূজা করিয়া থাকে, এজন্ত যাহারা মৃত গরুর দেহ হইতে চর্ম্মখালন করে তাহাদিগকে তাহারা ঘৃণার দৃষ্টিতে দেখিতে অভ্যস্ত। বিশেষতঃ চর্ম্ম-
 খালনকারী চামারগণ টাকার লোভে কেবল যে মৃত গরুর চর্ম্মখালন করিয়া থাকে তাহা নহে, অনেক সময় মৃত গরুর অভাবে তাহারা তীব্র বিষ ভক্ষণ করাইয়া জ্যাস্ত গরু হত্যা করিয়াও থাকে। সুতরাং যে জীবকে হিন্দুগণ পবিত্র জ্ঞানে পূজা করিয়া থাকে সেই জীবের জীবন লইয়া যে সমস্ত নীচ লোক এই প্রকার নিকৃষ্ট আচরণের পরিচয় দেয়, তাহাদিগকে এবং উহার ব্যবসায়ী মাত্রকেই হিন্দুগণ অত্যন্ত ঘৃণার দৃষ্টিতে দেখিয়া থাকে। কিন্তু মুসলমানদিগের মধ্যে গরু সন্মুখে এই প্রকার কোন কুসংস্কারের আশঙ্কা মাত্রও বিদ্যমান নাই। এই জন্ত বিপুল লাভজনক চর্ম্ম ব্যবসায়ী মুসলমানগণ এক চেটিয়া ভাবে দখল করিয়া রাখিয়াছে। এই চর্ম্ম ব্যবসায়ী মুসলমানগণ ধর্ম্মনৈষে ভারতের ব্যবসায়ী শ্রেণীর মধ্যে একটা উল্লেখযোগ্য স্থান অধিকার করিয়া রহিয়াছে। কিন্তু তৎসঙ্গেও উচ্চ শ্রেণীর হিন্দুগণ চর্ম্ম ব্যবসায়ী মুসলমানদিগের বিপুল ধন সম্পত্তি থাকা সত্ত্বেও তাহাদিগকে অত্যন্ত ঘৃণার দৃষ্টিতে দেখিয়া থাকে এবং সে জন্ত অগ্ৰভাবে উহার উপযুক্ত মূল্যও তাহাদিগকে আদায় করিতে হইয়াছে। কারণ মুসলমান চর্ম্মব্যবসায়ীগণ একথা

নিশ্চিতরূপে ব্যাখ্যা রাখিয়াছেন যে, ভারতে যদি সাময়িক ভাবেও কিছু দিনের জঙ্গ ব্রাহ্মণ সম্প্রদায়ের প্রভুত্ব প্রতিষ্ঠিত হয়, তাহাহইলে সর্বোপরি তাহা-দিগকেই তাহাদের অত্যাচারের সম্মুখীন হইয়া নিশ্চিত হইতে হইবে। সুতরাং ইংরেজ ও হিন্দু সর্বশ্রেণীর কাকেরের বিরুদ্ধাচারী ওহাবীদিগের শক্তিবৃদ্ধির জঙ্গ তাহারা মুক্ত হইতে অর্থ যোগাইয়াছে।

ইহা হইতেছে চর্ম্ম ব্যবসায়ীদিগের পক্ষের কথা। কিন্তু প্রকৃতপ্রস্তাবে ওহাবীদিগের অবস্থা ভিন্ন রকমের। কারণ এই শ্রেণীর সংস্কারপন্থী ধর্ম্মীয় দল যেমন কোন প্রকার গণ্ডীর মধ্যে সীমাবদ্ধ থাকিতে অভ্যস্ত নহে, তেমনি তাহারা কোন এক বিশেষ শ্রেণীর মুখাপেক্ষী হইতেও চাহেনা। সুতরাং কোন ব্যক্তি বা দল তাহাদিগকে আর্থিক সাহায্য করিতেছে কিনা, সে বিষয়ে তাহারা সম্পূর্ণ বেপরোয়া ও ভ্রম্পনহীন। এই জঙ্গ ওহাবী প্রচারকগণ কোন বিশেষ ধর্ম্মশ্রেণীর মুখাপেক্ষীতাকে সঞ্চল না করিয়া আম জনতার সম্মুখে গিয়া তাহাদের আদর্শ প্রচার করিয়াছে। কারণ এই জনসাধারণকেই তাহারা তাহাদের শক্তির কেন্দ্র বলিয়া মনে করিয়া থাকে। এই আম জনতাই যে ধর্ম্ম ও রাজনীতি ক্ষেত্রে সংস্কার গ্রহণের পক্ষে উপযুক্ত পাত্র, ইহা একটি ঐতিহাসিক সত্য, আর যে একটি দৃঢ় শক্তির ভিত্তির উপর ওহাবী বিপ্লবীগণ দাঁড়াইয়াছিল, সত্যের খাতিরে একান্ত সন্তুষ্ট চিত্তে তাহাও আমাদের স্বীকার করিতে বাধ্য হইতে হইতেছে। তাহাদের মধ্যে একরূপ বিশুদ্ধ জীবনের উন্নত ধরণের সহস্র সহস্র কর্ম্মী বিজ্ঞান, বাহার দৃষ্টান্ত অজ্ঞ কোথাও পরিলক্ষিত হয়না। বলা বাহুল্য তাহারা মাত্র চরিত্র ও আদর্শ নিষ্ঠাতেই নহে, দৈনন্দিন ধর্ম্মীয় ক্রিয়াকর্ম্ম পালন এবং সেবা ও ত্যাগের দ্বারাও তাহারা অস্ত্রের আদর্শ স্থানীয় হইয়া রহিয়াছে। কর্ম্মক্ষেত্রে প্রবেশের প্রথমে তাহারা কঠোর ভাবে জীবনশুদ্ধির ব্রত গ্রহণ করিয়াছিলেন বলিয়া তাহারা এই প্রকার অপূর্ণ পবিত্র জীবন লাভ করিতে সমর্থ হইয়াছেন। এই শ্রেণীর পবিত্র স্বভাব লোকেরাই যে এই দলের

শক্তির মূল উৎস, সে বিষয়ে সন্দেহের অবকাশ নাই। বলা বাহুল্য এই জঙ্গই সর্বশ্রেণীর লোকেরা তাহা-দিগকে ভক্তি প্রদার দৃষ্টিতে দেখিয়া থাকে। তাহা-কেই লোকে উৎকৃষ্ট ওহাবী বলিয়া মনে করিয়া থাকে, যিনি জ্বারের জঙ্গ কাহারও ভয়ে ভীত নহেন এবং কাহারও অসুগ্রহেরও মুখাপেক্ষী নহেন। তাহারা এই প্রকার লোভহীন বিশুদ্ধ জীবন লইয়া কর্ম্মক্ষেত্রে বিচরণ করেন বলিয়া কোন প্রকার ভয় ভীতি অথবা প্রলোভন দ্বারা তাহাদিগকে পথ-ভ্রষ্ট করা সম্ভবপর হয় নাই। বর্ত্তমানেও বাংলার কোন এক জেলখানায় একরূপ একজন পবিত্র স্বভাব খেত শ্রমক বিশিষ্ট বর্ষীয়ান পুরুষ বন্দী-জীবন যাপন করিতেছেন যাহার কথা শ্রবণে আসিবা মাত্র আমার অন্তরে ভক্তির ভাব উজ্জ্বল না হইয়া পারেনা। কিন্তু তাহার জীবন সর্বপ্রকার কলুষ মুক্ত হইলেও তিনি একজন প্রথম শ্রেণীর বিদ্রোহী এবং সেই বিদ্রোহ তৎপরতার পথে কোন প্রকার বাধা বিঘ্নকেই তিনি আমল দিতে চাহেননাই! গবর্ণমেন্ট তিরিশ—বৎসর কাল তাহার বিদ্রোহাত্মক কর্ম্মপ্রণালীর খবর রাখিয়া আসিয়াছেন এবং গবর্ণমেন্ট যে তাহার আচরণ জানিতেছেন তাহা তিনিও বিলক্ষণ অবগত ছিলেন, কিন্তু তিনি নিরস্ত হন নাই। ১৮৪৯ সালে তাহাকে একবার নিয়মিত ভাবে সাবধান করিয়া দেওয়া হয়। অতঃপর ১৮৫৩ ও ১৮৫৭ সালে দুইবার তাহাকে দৃঢ়তা সহকারে সতর্ক করা হয়। কিন্তু কোন সাবধান বাক্যই কার্য্যকরী না হওয়ায় অবশেষে ১৮৬৪ সালে তাহাকে জটনক ম্যাজিষ্ট্রেটের সম্মুখে উপস্থিত করিয়া ভালরূপে সাবধান করিয়া দিয়া ধারণা করা গিয়াছিল যে, অতঃপর তিনি নিরস্ত হইবেনই। কিন্তু সমস্ত চেষ্টা বার্থ্য্য প্রতিপন্ন হইয়া যাওয়ার ১৮৬৯ সালে তাহাকে গ্রেফতার করিয়া নজরবন্দী করিয়া রাখা হইয়াছে। এই শ্রেণীর আদর্শ-নিষ্ঠ পবিত্র স্বভাব লোকদিগকে কোন প্রকার দণ্ড দিবার খেলায় গবর্ণমেন্টকে একান্ত ভাষে মুশকিলের সম্মুখীন হইতে হইয়া থাকে। কারণ এই শ্রেণীর সাধু স্বভাব লোকেরা কোন প্রকার অভিসন্ধি দ্বারা

চালিত নহেন, তাঁহারা তাঁহাদের অন্তরের সরল বিশ্বাস দ্বারা চালিত হইয়া যে নীতি ও কার্য্যকে করণীয় বলিয়া মনে করেন, মনের সরল আবেগের সহিত সেই কার্য্যে বাঁপাইয়া পড়েন এবং সে জন্ত সর্বপ্রকার ভয় ভীতি এবং নির্যাতনকে তাঁহারা সন্তুষ্ট চিত্তে গ্রহণ করিয়া থাকেন। তবে এই শ্রেণীর লোককে পীড়নের উদ্দেশ্যে গবর্ণমেন্ট বন্দী করেননা। প্রথমতঃ তাঁহাদের অনিষ্টকর প্রচারণার হাত এড়াইবার জন্ত, দ্বিতীয়তঃ তাঁহাদের বন্দী জীবন অঙ্কুর পক্ষে শিক্ষণীয় হইতে পারে মনে করিয়াই এই শ্রেণীর লোককে নজর বন্দী করা হইয়া থাকে।

প্রকৃতপ্রস্তাবে কোন লোকের পক্ষে ওহাবী মতাবলম্বী হওয়া সহজ ব্যাপার নহে। ইসলামের মূলনীতি অতুষ্ণায়ী জীবনশুদ্ধি এবং সামাজিক সামোয় ভিত্তির উপর এই মতবাদ প্রতিষ্ঠিত। তাৎপর্য্য যিনি পীরের (নেতার) নিকট মুরিদ হইবেন, মুরিদ হওয়ার সঙ্গে সঙ্গে নিজের আয়ের একটি প্রধান অংশ জেহাদ ফাওর জন্য নির্দিষ্ট করা তাহার পক্ষে অপরিহার্য্য হইয়া রহিয়াছে। অর্থদানের উপরে রহিয়াছে জেহাদের জন্য জীবনদানের প্রথা। বিগত-কালের রাজনৈতিক মোকদ্দমা সমূহে যে সমস্ত রংকট সাক্ষাৎকার করিয়াছে, উহাপেক্ষা বেদনাকর কথা আমার চিন্তায় স্থান পায় না। ওহাবী প্রচারকগণ পূর্ববাংলার প্রায় প্রতি জেলায় পল্লী অঞ্চলে প্রচার চালাইয়া শত সহস্র কৃষক যুবকদিগকে গৃহছাড়া করিয়া সীমান্তের মুজাহিদ ক্যাম্পে প্রেরণ করিয়াছে এবং সেখানে পৌঁছার পর তাহাদের অধিকাংশকেই যুদ্ধক্ষেত্রে প্রাণ বিসর্জন দিতে হইয়াছে। পল্লী অঞ্চল হইতে সংগৃহীত এই সকল যুবকের বয়স বিশ বৎসরের অধিক হইবেনা। এজন্য বাংলার পল্লী অঞ্চলস্থিত সহস্র সহস্র মুসলমান কৃষকের গৃহে শোকের ক্রুচ্ছায়া নামিয়া আসিয়াছে। মোট কথা, ওহাবী প্রচারকবৃন্দ জেহাদী প্রচারণার দ্বারা বাংলার মুসলমান যুবকদিগের অন্তরে যে রূপ উন্মাদনা সৃষ্টি করিতে সমর্থ হইয়াছে তাহাতে বাংলার ধর্মভীক মুসলমানগণের মধ্যে কেহ তাহার স্বাভাবিক, ধর্মভীক, সরলচিত্ত ও

কর্মঠ যুবক গুণ কতক্ষণ গৃহে থাকিয়া সাংসারিক কার্য্যে নিযুক্ত থাকিবে, সে বিষয়ে কোন নিশ্চিত ভরসা পোষণ করিতে পারিতেছেন। এইভাবে যে সমস্ত যুবক গৃহত্যাগ করিয়া থাকে তাহাদিগকে হৃদয় পথের পথকষ্ট, অনাহার রোগ ও ব্যাধিদ্বারা তো নির্যাতিত হইতে হয়ই অধিকন্তু অবশেষে মুজাহিদ বাহিনীর সঙ্গে যুদ্ধক্ষেত্রে গিয়া অধিকাংশকে প্রাণহানি দিতে হইয়া থাকে। এই শ্রেণীর রংকটদিগের মধ্যে যাহারা গৃহে প্রত্যাবর্তন করিতে সমর্থ হয়, তাহারা আসিয়া যে প্রকার বর্ণনা উপস্থিত করিয়া থাকে নমুনাধরূপ একটি যুবকের উক্তি এখানে উদ্ধৃত করিতেছি :

“আমি পাটনার খলিফা সাহেবের মুরিদ। আমার বয়স যখন দশ বারো বৎসর, সেই সময় আমি আমার গ্রামের সন্নিকটে অবস্থিত রামপুর্ব বোয়ালিয়া গ্রামে গিয়া তাঁহার নিকট শিক্ষা আরম্ভ করি। আমার শুভাদ জেহাদের নক্সা প্রস্তুত করিতেন এবং জেহাদের জন্ত লোক ও অর্থ প্রেরণের চিন্তায় মগ্ন থাকিতেন। আমার বয়স যখন পঞ্চদশ বৎসর সেই সময় তিনি আমাকেও জেহাদে যোগদানের জন্ত আমার বাড়ী হইতে প্রায় দুই হাজার মাইল দূরে ছাতিয়ানা ক্যাম্পে আমাকে প্রেরণ করিলেন। পাটনা ও দিল্লী হইয়া আমি গমন করি। পাটনার মাত্র আমি এক রাত্রি অবস্থিতি করিয়া সঙ্গীদের সহিত দিল্লী গমন করি। দিল্লী হইতে আমার সঙ্গীগণ ছাতিয়ানা গমন করিল। আমি আরও শিক্ষালাভের জন্ত দিল্লীতে জটনৈক আলেমের নিকট থাকিয়া গেলাম। উহার দেড় বৎসর পরে যখন একটি মুজাহিদ দল সীমান্ত অভিমুখে গমন করিতেছিল। আমি তাহাদের সহগামী হইয়া গুজরাট পর্য্যন্ত গিয়া আমি সেখানে রহিয়া গেলাম, সঙ্গীরা চলিয়া গেল। কিছু দিন পর আবার একটি অভিযাত্রী দল পাইয়া তাহাদের সঙ্গে গিয়া পার্বত্য অঞ্চলে উপস্থিত হইলাম। সেখানে পৌঁছার পর আমাদেরকে নিশ্চিত রূপে বলা হইল যে, এখান সৈয়দ আহমদ সাহেবের (৩৫৫ পৃষ্ঠায় দ্রষ্টব্য)

সংগীত চর্চা

(বিচার ও আলোচনা)

(৮)

(৬) এই হাদীছের যে অংশটিকে গীতবাগের মুফতী-গণ বেমানুম্ হুম করিয়া তাঁহাদের সততার পরিচয় দিয়া থাকেন এবং অজ্ঞ জন-সমাজের নিকট হইতে বাহবা-প্রাপ্ত হন, তাহার স্বরূপ সম্যকরূপে উপলব্ধি করিতে হইলে তিরমিযী কর্তৃক রেওয়াজের মতনটি আর একবার পাঠক-বৃন্দের মনোযোগ সহকারে পড়িয়া যাওয়া উচিত। এই হাদীছের সাহায্যে প্রমাণিত হয় যে, দাসীটিকে তাহার কার্যে বাধা প্রদান না করিলেও তাহার আচরণে রছুল্লাহ (দঃ) আদৌ সন্তুষ্ট ছিলেননা এবং তাহার এই কার্যকে তিনি শয়তানী কার্যের পর্যায়ভুক্ত করিয়াছিলেন এবং হযরত উমরের আগমনে যখন উল্লিখিত ক্রীতদাসী হুম বাজাইবার কার্য হইতে নিরস্ত হয়, তখন রছুল্লাহ (দঃ) সন্তুষ্ট প্রকাশ করিয়াছিলেন। এই কারণেই ইমাম তিরমিযী স্বীয় জামে' গ্রন্থে এবং শাহ ওলীউল্লাহ মুহাম্মদ তাহার 'ইযালাতুল খফা' নামক পুস্তকে এই হাদীছটিকে মনাকিব বা প্রশংসার অধ্যায়ে সন্নিবেশিত করিয়াছেন।

হাদীছে কথিত হইয়াছে যে, ক্রীতদাসী হুম বাজাইতে আরম্ভ করিল, ইতিমধ্যে আবুবকর গৃহে প্রবেশ করিলেন

কিন্তু নারীটি ক্রক্ষেপ না করিয়া বাজাইতেই থাকিল, অতঃপর আলী মুর্তযা আগমন করিলেন তথাপি সে ক্ষান্ত হইলনা, হযরত উছমান যখন ইহার পর আগমন করিলেন তখনও সে বাজাইতেই থাকিল কিন্তু যেমনই হযরত উমর প্রবেশ করিলেন, তাঁহাকে দর্শন করা মাত্র ক্রীতদাসী তাহার হুম ফেলিয়া দিয়া তত্পরি বসিয়া পড়িল। রছুল্লাহ (দঃ) হযরত উমরকে সম্বোধন করিয়া বলিলেন, হে উমর, তোমাকে দর্শন করিলে শয়তানও ভয় পায়! দেখ, এই নারীটি আমার সম্মুখে আর আবুবকর, আলী ও উছমানের সম্মুখে হুম বাজাইবার কার্য হইতে নিরস্ত হইলনা, কিন্তু যেমনই তুমি গৃহে প্রবেশ করিলে অমনি সে হুম ফেলিয়া দিয়াছে"। *

ইমাম আহমদের রেওয়াজতে উল্লিখিত হইয়াছে যে, রছুল্লাহ (দঃ) বলিলেন, হে উমর, শয়তান তোমার নিকট হইতে পলায়ন করে। قتال رسول الله صلى الله عليه وسلم : ان الشيطان ليفرق منك يا عمر' انا سلك ههنا ودخل هؤلاء

(৩৫৪ পৃষ্ঠার অবশিষ্টাংশ)

পুনরাবির্ভাব হইয়াছে। সেই স্থানে আমি আট, নয় হাজার মুজাহিদকে সমস্ত অবস্থায় সংঘবদ্ধ দেখিতে পাইয়াছিলাম। আমি দশ বারো বৎসর বয়সে যে উস্তাদের নিকট শিক্ষালাভ করিয়াছি, তিনিই মুজাহিদ বাহিনীর নেতৃত্ব করিতেছিলেন। তিনি বর্তমানে পাটনার খলিফা পদে অভিষিক্ত রহিয়াছেন। কিছু দিন অবস্থান করিয়া যখন বুঝিলাম যে, এমাম সাহেবের পুনরাবির্ভাবের কথা ধোকাবাজী ছাড়া কিছুই নহে, তখন আমি ও আরও কতিপয় ব্যক্তি অসন্তুষ্ট হইয়া দিল্লীতে চলিয়া আসিলাম। কিছুদিন পরে এখানে জনৈক আরব উপস্থিত হইয়া আমাকে

দৃঢ়তা সহকারে বলিলেন যে, প্রকৃতই এমাম মৈয়দ আহমদ ছাতিয়ানায় (হানা?) আবির্ভূত হইয়াছেন। তাঁহার এই কথার আস্থা স্থাপন পূর্বক জেহাদে যোগদানের সংকল্প করিয়া আমি পুনরায় ছাতিয়ানায় গমন করিলাম। "কিন্তু সেখানে উপস্থিত হইয়া খোজ খবর লইয়া যাহা বুঝিলাম তাহা হইতেছে এই যে, আমাকে দ্বিতীয় বারও প্রথম বারের স্থায় প্রতারণিত হইতে হইয়াছে। অতঃপর বৃটিশ বাহিনী মুজাহিদ ক্যাম্পের বিরুদ্ধে অভিযান চালাইবার আয়োজন করিতেছে শুনিয়া আমি পলায়ন পূর্বক দিল্লীতে চলিয়া আসিলাম এবং সেখান হইতে আমার গ্রামের বাড়ীতে চলিয়া আসিয়াছি।" (ক্রমশঃ)

* তিরমিযী, মরমু'বাদ (৪) ৩৬ পৃঃ।

আলী ও উছমান এই فلما دخلت انت فعلت ما
স্থানে প্রবেশ করিয়া- فعلت -
ছিলেন কিন্তু জীলোকটি কিছুতেই নিরস্ত হয় নাই অথচ
যেমনই তুমি আগমন করিলে জীলোকটি বাহা করিল, তাহা
তুমি দেখিতে পাইতেছ। †

ফলকথা, কৃষ্ণাঙ্গী ক্রীতদাসীর হুফ, বাজাইবার ঘটনা-
টিকে সংগীত চর্চার ব্যাপক বৈধতার প্রমাণ রূপে উপস্থিত
করা কোনক্রমেই সমীচীন নয়। কারণ পূর্বেই উল্লিখিত
হইয়াছে যে, বৈধ আমোদ প্রমোদ উপলক্ষে নারীদের জন্ত
চালুন, থালা অথবা হুফ বাজান নিষিদ্ধ নয়, এই আদেশ
শুধু নারীদের জন্তই সীমাবদ্ধ এবং কেবল বৈধ উৎসবেই এই
কার্যের অনুমতি প্রদান করা হইয়াছে। রছুল্লাহ (দঃ) কোন-
ক্রমেই কৃষ্ণাঙ্গীর এই কার্যে সন্তুষ্ট ছিলেননা কিন্তু যেহেতু
নারীদের জন্ত যেকাঞ্চি অবৈধ নয় জীলোকটি তাহারই নয়র
মাগ্ন করিয়াছিল আর পাপাচরণ না হওয়া পর্যন্ত নিরর্থক
কার্যের নয়রও প্রতিপালন করা দোষাবহ নয় বলিয়া রছুল্লাহ
(দঃ) ক্রীতদাসীর মনস্তস্তি সাধনকল্পে উহাকে হুফ বাজাইবার
অনুমতি দিয়াছিলেন, গান করার অনুমতি দেন নাই এবং
জীলোকটির গান করার হাদীছ প্রমাণিত নয়। পক্ষান্তরে
হযরত উমরের আগমন দ্বারা এই কাণ্ডটি রহিত হওয়ায়
রছুল্লাহ (দঃ) সন্তুষ্ট প্রকাশ করিয়াছিলেন এবং হযরত
উমরের তিনি যে ভাষায় প্রশংসা করিয়াছিলেন, তাহাতে
দাসীর উক্ত কাণ্ডটি প্রশংসনীয় না হওয়ার সুস্পষ্ট ইংগিত
রহিয়াছে।

পঞ্চম হাদীছ

রছুল্লাহর (দঃ) গীতবাত্ত শ্রবণ ও উহার আদেশ
প্রদান করার প্রমাণ রূপে সংগীত চর্চার মুক্‌তীগণ এই মর্মের
একটি হাদীছও উপস্থিত করিয়া থাকেন যে, হযরতের
(দঃ) একজন ‘হুদী’ গায়ক ছিলেন, তাঁর নাম ছিল—
আন্‌জাশ।

আমাদের বক্তব্য

রছুল্লাহর (দঃ) গীতবাত্ত শ্রবণ করা অথবা তাহার
জন্ত অনুমতি দেওয়া এমন কি ব্যাপক ভাবে সংগীত চর্চা
জায়েয হইবার পক্ষে এই হাদীছটি কোনক্রমেই যথেষ্ট
নয়। কারণ,—

(ক) গীতবাত্ত ও হুদীর মধ্যে আকাশ পাতাল প্রভেদ
রহিয়াছে।

ডক্টর লেন তাঁহার আরাবী-ইংলিশ শব্দকোষে লিখি-
য়াছেন,

حدا, The Arabs in driving
their Camels used commonly to
sing verses of the kind termed رجز
Originated from the fact of a De-
sert Arab's beating his young man,
or boy & biting his fingers;
where upon he went along saying
دى دى. Oh my two hands! and
the camels went on at his cry.
Therefore his master bade him
keep to it.

অর্থাৎ জনৈক মরুবাসী আরব তাহার বালক ক্রীত-
দাসকে প্রহার করিতেছিল এবং তাহার আঙুল কামড়াইয়া
দিয়াছিল, ইহাতে বালকটি ‘দাইয়ুন’ ‘দাইয়ুন’ অর্থাৎ আমার
হাত গেল! হাত গেল! বলিয়া চীৎকার করিতে থাকে তাহার
এই চীৎকার ধ্বনির তালে তালে উটগুলি চলিতে থাকে।
ডক্টর মালিক তাহার বালক ক্রীতদাসকে ঐভাবে চীৎকার
করিতে থাকার জন্ত বাধ্য করে। ইহাই হইতেছে ‘হুদা’
নামক সংগীতের উদ্ভব কাহিনী। § ডক্টর লেন তাজুল-
অরুছের বরাতে দিয়া লিখিয়াছেন, আরবরা তাহাদের উট-
চালনার সময় সাধারণতঃ যে ‘রাজায’ শ্রেণীর সংগীত
গাহিয়া থাকে তাহাকে ‘হুদা’ বলা হয়। ¶

এক্ষণে ‘রাজায’র সংগীত শ্রেণীভুক্ত হওয়া সম্বন্ধে
যথেষ্ট নতভেদ দেখিতে পাওয়া যায়। ছিহাহ, কামুছ ও
আছাছের বরাতে তাজুলঅরুছে লিখিত হইয়াছে—

It is a name of a certain species
of verse or poetry.

অর্থাৎ কবিতা অথবা পত্রের একটি বিশেষ শ্রেণীকে
‘রাজায’ বলা হয়। আখ্‌ফাশ বলিয়াছেন, ত্রিপদী ছন্দের
কবিতাকে ‘রাজায’ বলা হয়। Some say that
it is not verse or poetry, but a

§ ফিরোযাবাদীর কামুছ (৩) ৩৩০ পৃঃ।

¶ Lexicon ৩৩৩ পৃঃ।

† মুহুন (৫) ৩৫৩ পৃঃ; ইব্বালাতুল ধক্ক ৯১ পৃঃ।

kind of rhyming prose. অর্থাৎ কেহ কেহ বলেন,—‘রাজ্য’ কবিতা বা পদ্য নয়, উহা কাব্য ছন্দের গণ্য মাত্র। * ফিরোযাবাদীর কামুছ ও আবু হারীর তাহযীবে লিখিত হইয়াছে, আয়েনের গ্রন্থকার খলীলের অভিমত এই যে, উহা কবিতা নয়, উহা অর্থ অথবা তৃতীয়াংশ কবিতা। §

ছুরাহ নামক ফার্সী অভিধানে ‘হুদা’র তাপর্থে লিখিত হইয়াছে,

راندن شتر بسرود و آواز

সুর ও শব্দ দ্বারা উদ্ভূত পরিচালিত করা। গজের মধ্যেও যে সুর ও আওয়াজের স্থান রহিয়াছে, কোরআনের প্রত্যেক কায়ীর তাহা অবদিত নাই কিন্তু তাই বলিয়া কোরআনকে গানের পুস্তক মনে করা মূর্থতার পরিচায়ক।

(খ) হুদীকে বিশেষ শ্রেণীর সংগীত, বলিয়া ধরিয়া লষ্টলেও উচা কি ধরণের সংগীত পাঠকবর্গ তাহার নমুনা গ্রহণ করুন :

بشرها دليلها و قالا :

تزين الطلح والجبالا !

“উদ্ভূতঃ তাহার পথপ্রদর্শক স্বসংবাদ প্রদান করিল যে, তুমি মরুভূমি ও পর্বতের সৌন্দর্য!”

রহুল্লাহর (দঃ) পবিত্র যুগে যে ধরণের হুদী আবৃত্তি করা হইত, এইবারে তাহার স্বরূপ অবগত হইয়া প্রিয় পাঠক পাঠিকা ধন্য হউন,

ইমাম আহমদ হান্বাদের অনুখাৎ এবং তিনি ইয়াযীদেব বাচনিক চলমার উক্তি বর্ণনা করিয়াছেন যে, আমির বিহুল
عن سلمة قال : كان عامر
رجلا شاعرا فنزل
يحد ويقول : اللهم لولاما
اهتدينا ولا تصدقنا ولا
صلينا - والقين سكينه
علينا وثبت الاقدام ان
لا قينا ! فقال رسل الله
صلى الله عليه وسلم : من
هذا الجادى ؟ قالوا :
ابن الاكوع ! قال :

প্রভু, যদি আপনি
আমাদিগকে সঠিক পথের সন্ধান না দিতেন, তাহা-
হইলে আমরা সংপথে দান এবং আপনার উপা-
সনা করিতামনা। অতএব হে প্রভু, আপনি আমা-
দের উপর আপনার শাস্তি অবতীর্ণ করুন আর
আমরা শত্রু-সম্মুখীন হইলে আমাদিগকে স্তুত
রাখুন।” ইহা শ্রবণ করিয়া রহুল্লাহ (দঃ) জিজ্ঞাসা
করিলেন, কে এই ‘হুদা’ গায়ক? লোকেরা জওয়াব
দিলেন, আমির বিহুল আকওয়া, তখন রহুল্লাহ
(দঃ) বলিলেন, আল্লাহ তাহার উপর রহম করুন। +

এই শ্রেণীর ‘হুদীকে’ই বিখ্যাত আলিমগণ জায়েয বলিয়াছেন। শবখুল ইছলাম ইবনে-তয়মিয়ারও ইহাই ফতওয়া। §

কিন্তু বাগযন্ত্র-বিহীন এই সরল আরাবী ত্রিপদী ছন্দের কবিতা সুর করিয়া আবৃত্তি করা জায়েয হইলেই কি বাগযন্ত্র-সম্বিত ব্যাপক সংগীত চর্চার বৈধতা প্রমাণিত হইয়া যাইবে?

রহুল্লাহর (দঃ) গীতবাক্য শ্রবণ করা এবং উহার অনুমতি ও আদেশ দেওয়া সম্বন্ধে সংগীত চর্চার মুকতীগণ সচরাচর যে সকল হাদীছের অব-তারণা করিয়া থাকেন, সেগুলির বিচার ও আলোচনা এষ্ট স্থানে শেষ হইল। কিন্তু এই প্রসঙ্গ সমাপ্ত করার পূর্বে আর একটি কথা বিশদ রূপে জানিয়া রাখা উচিত যে, মতগণের নিষিদ্ধতা, সূদের হুমত এবং হিজাবের নির্দেশ প্রভৃতি ইছলামী বিধিনিষেধ গুলি ক্রামশিক ভাবে ইছলামী বিধানের পূর্ণতা-লাভের সংগে সংগে রহুল্লাহর (দঃ) পরলোক-প্রাপ্তির পূর্ববর্তী বৎসর গুলিতে অবতীর্ণ হইয়াছিল। অতএব ইছলামী বিধিনিষেধের পূর্ণতা প্রাপ্তির—অন্তর্বর্তীকালীন কোন ঘটনাকে শব্দী দলীলের চূড়ান্ত মীমাংসা রূপে সমুপস্থিত করা রীতি-বিগর্হিত ও অজ্ঞায়। এই ধরণের কোন ঘটনার বিচার ও আলোচনার প্রবৃত্ত হওয়ার কার্যকে আমরা স্বেচ্ছায় সময়ের অপচয় বলিয়া বিশ্বাস করি।

+ মুহনদে আহমদ (৪) ৪৭ পৃঃ।

§ মক্তূবাতুররাছায়েল ২৯৯ পৃঃ।

* Lexicon ১০৩৭ পৃঃ। § কামুছ (২) ১৭৬ পৃঃ।

* * *

বহুল্লাহর (দ:) পবিত্র যুগে যে ভাবের সংগীত, যতটুকু, যে আকারে এবং বাহাদের জন্ত জায়েয রাখা হইয়াছিল, আজ সেই প্রকারের ততটুকু সংগীত তাহাদের জন্ত আবৃত্তি করার কার্যকে পৃথিবীর কোন আলেমই নিষেধ করেননা। মাদ্‌বাছা ও মজুব সমূহে আবহমান কাল হইতে কাব্য গ্রন্থের পঠন ও পাঠন প্রচলিত রহিয়াছে, বাঙলার অতীত যুগের ধর্ম প্রচারকগণ যতগুলি বহি পুস্তক রচনা করিয়া গিয়াছেন, সেগুলির অধিকাংশই পণ্ড ছন্দে লিখিত হইয়াছে। সুতরাং আলিম সমাজ যে ধবণের সংগীত চর্চার আপত্তি জানাইয়া থাকেন তাহা সূধী সমাজের অপরিজ্ঞাত নয়। অথচ আলিম সমাজ কর্তৃক নিষিদ্ধ গীত বাগ্‌তের বৈধতা সাব্যস্ত করার জন্তই সংগীত চর্চাকারী দলের মুফতীগণ দলীল পত্রের অবতারণা করিয়া থাকেন। কিন্তু এ যাবত তাহাদের উপস্থাপিত প্রমাণ সমূহের মধ্যে এমন একটি দলীলও তাহারা সমুপস্থিত করিতে সমর্থ হন নাই, যাহার সাহায্যে আলিম সমাজের অনভিপ্রেত ও আপাতিকর গীত-বাগ্‌তের বৈধতা সাব্যস্ত হইতে পারে। পক্ষান্তরে যে সমাজের প্রশংসাভাজন হইবার জন্ত গীতবাগ্‌তের মুফতীগণ উলামায়ে ছীনের পরহেযগারীর অতি-আগ্রহকে কটাক্ষ করিয়াছেন, সে সমাজের বাহবা লাভের জন্ত এত আয়াস স্বীকার করার কোনই প্রয়োজন ছিলনা!

نشود نصيب دشمن كه شود هلاك تيغت
سردستان سلامت كه تو خنجر آزمائی !

(৮)

গীতবাগ্‌তের সমর্থকদল তাঁহাদের উদ্দেশ্য সার্থক করার জন্ত আরো কতকগুলি দাবী সমুপস্থিত করিয়া থাকেন। তাঁহাদের এই দাবীগুলি আমি অতঃপর সংকলিত করিব।

(ক) তাঁহারা নছরীর ছুননের বরাত দিয়া বলিয়া থাকেন যে, হুইজন ছাহাবী সংগীত শ্রবণ করিয়াছিলেন।

(খ) ইমাম নববী বলিয়াছেন, ছাহাবীগণ সংগীতচর্চার অল্পমতি প্রদান করিতেন।

(গ) আবু তালিব মক্কী তাঁহার গ্রন্থে উল্লেখ করিয়া-

ছেন যে, ছাহাবীগণ সাধারণ ভাবে সকল প্রকার সংগীত শ্রবণ করা জায়েয মনে করিতেন।

(ঘ) আবুল ফজ্জ ইছফিহানী তাঁহার আগানী নামক গ্রন্থে বহু ছাহাবী ও তাবেরীর সংগীত চর্চা করার ও সংগীতকে উৎসাহ দানের কথা উল্লেখ করিয়াছেন।

গীতবাগ্‌তের মুফতীগণ বলিয়া থাকেন, আগানীর পুস্তক-খানা এরূপ প্রামাণ্য যে, হাফিয ইবনে হজর উহার উদ্ধৃতি ফতুল্লাবারী গ্রন্থে প্রমাণ স্বরূপ সমুপস্থিত করিয়াছেন।

(ঙ) উক্ত আগানী গ্রন্থে নিম্নলিখিত ব্যক্তিবর্গের সংগীতের প্রতি আসক্তি ও সংগীত চর্চার কথা আছে : ১। আবদুল্লাহ বিনে জা'ফর। ২। আবদুল্লাহ বিনে যুযয়র। ৩। হু'মান বিনুল বশীর। ৪। খলীফা উমর বিনে আবদুল আযীয। ৫। আমীর মুআবিয়া। ৬। ছুকায়ালা বিন্তে হুছায়েন। ৭। আয়েশা বিন্তে তল্হা।

(চ) ইকদুলফরীদ গ্রন্থে বরা'বিনে মালিক নামক ছাহাবীর গান গাওয়া ও দ্বিতীয় খলীফা হযরত উমরের নাবেগার নিকট গান শুনিতে চাওয়া এবং হযরত উমরের নাবেগার গান শ্রবণ করার কথা রহিয়াছে।

(ছ) ইমাম ইবনে হযম ও ইমাম মাওয়ারী তাঁহার 'আলহাভী' নামক পুস্তকে বহু ছাহাবা ও তাবেরীর সংগীত-চর্চার কথা বিস্তারিত ভাবে বর্ণনা করিয়াছেন।

গীতবাগ্‌তের মুফতীগণের উপরিউক্ত দাবী সমূহের প্রত্যেকটি অতঃপর আমি পরীক্ষা করিয়া দেখিতে সচেষ্ট হইব।

والله ولي التوفيق ويده ازمة التحقيق -

(ক) আবু মছ'উদ ও ইবনে কঅব নামক ছাহাবীদ্বয়ের জারীয়াগণের সংগীত শ্রবণ করার কথা নছরীর ছুননে সত্যই মণ্ডুদ রহিয়াছে, কিন্তু উক্ত হাদীছে একথাও উল্লিখিত আছে যে, উহা বিবাহের মজলিছ ছিল। হাদীছের মতনে সুস্পষ্টভাবে কথিত হই-
عن عامر بن سعد قال دخلت على قرظة ابن كعب وابي مسعود الانصاري في عرس، واذا جوارى يغنين -
আমির বিনে
ছঅদ বলিতেছেন, আমি
কুরবা বিনে কঅব ও
আবু মছ'উদ আনছারীর

নিকট এক বিবাহ সভায় উপস্থিত হইয়াছিলাম, সেখানে বালিকারা গান করিতেছিল। বিবাহ সভার কথা সংগীত

জায়েযকারীগণ কি উদ্দেশ্যে যে হযম করিয়া থাকেন, তাহা অনুমান করা কষ্টসাধ্য নয়, কারণ আমরা বিনে ছাদ ছাহাবীষয়ের আচরণে যখন বিস্ময় প্রকাশ করিয়াছিলেন, তখন তাঁহারা এই কথা বলিয়া তাঁহার বিস্ময়ের অপনোদন করিয়াছিলেন যে, قد رخص لنا في اللهو عند العرس - শুধু বিবাহ উপলক্ষেই আমাদের অর্থাৎ আনছারীগণের জন্ত সংগীতের অনুমতি প্রদান করিয়াছেন। †

এই হাদীছের সাহায্যে শুধু এইটুকুই প্রমাণিত হয় যে, বিবাহ মজলিছে বালিকাদের সংগীত গাওয়া এবং পুরুষদের পক্ষে উহা শ্রবণ করার অনুমতি রহিয়াছে। হযরত আয়েশার হাদীছ প্রসঙ্গে ইতিপূর্বেই ইহার বিস্তৃত আলোচনা হইয়া গিয়াছে। এক্ষণে গীতবাগের বৈধতাকে নরনারী নির্বিশেষে সকল সময়ের জন্ত মুক্ত ও অব্যাহত রাখিতে হইলে উদ্দেশ্যের পরিপন্থী হাদীছের টুকরাটিকে হযম না করিয়া উপায় কি? এই জারীয়াদের সংগীতের অর্থ থেমটা, সিনেমা, যাত্রা ও দেহজীবিনীদের বাজযন্ত্র সমন্বিত বেহায়া সংগীত নয়। বুখারীর হাদীছের আলোচনায় প্রমাণিত হইয়াছে, জারীয়াগণ সরল আরাবী কবিতা স্মর করিয়া আবৃত্তি করিত মাত্র।

গীতবাগের মুফতীর সকল ক্ষেত্রে জারীয়া শব্দটির একুপ ব্যাখ্যা করিতে অভ্যস্ত যে, অনভিজ্ঞ পাঠকবর্গের পক্ষে ধাঁধায় পড়া কিছুমাত্র বিচিত্র নয়। অথচ প্রকৃতপ্রস্তাবে অভিধান গ্রন্থে এই শব্দের যে তাৎপৰ্য উল্লিখিত আছে, তাহা মুছলিম নারীগণের বিভ্রান্তকারী গীতবাগের মুফতী দলের উদ্দেশ্যের কোন দিক দিয়াই সহায়ক নয়। আল্লামা তাহির পট্টনী তাঁহার ‘মজমুউল বিহার’ নামক হাদীছ-অভিধানে লিখিয়াছেন যে, যে নারী বয়ঃপ্রাপ্ত হইয়াই (অর্থাৎ স্বপ্নে যৌন সন্তোগ الجارية من النساء من لم تبلغ الحلم - তাহাকে জারীয়া বলা হয়। ‡

ডক্টর লেন তাঁহার লেক্সিকনে জারীয়ার অর্থ লিখিয়াছেন, জাহায, সূর্য, নক্ষত্র ও বায়ু প্রভৃতি। অতঃপর ছিহাচ, মিছবাহ ও কামুছের বরাতে লিখি-

যাছেন, A girl, young woman অর্থাৎ বালিকা, ছোট মেয়ে; A female of which male is termed غلام অর্থাৎ পুংলিঙ্গে গোলাম বা বালক যে অর্থে ব্যবহৃত হয় তাহার জ্রীলিজ। So called of her activity and runniq—বালিকাদের ক্ষিপ্ৰগতি, চপলতা ও দৌড়াদৌড়ির স্বভাবের জন্ত তাহাদিগকে জারীয়া এবং বহু বচনে জওয়ারী বলা হয়। ক্রীতদাসী অর্থেও ইহার প্রয়োগ রহিয়াছে কিন্তু জারীয়া শব্দের বহুবিশ অর্থের মধ্যে কোন স্থানেই উহার অর্থ গায়িকা বা গায়িকা দাসী উল্লিখিত হয় নাই। ¶

অতএব জানা যাইতেছে যে, ইবনে কসব ও আবু মছউদ ছাহাবীষর গায়িকা দাসীর সংগীত শ্রবণ করেন নাই। সাধারণ ভক্ত গৃহস্থের অল্প বয়স্কা বালিকারা স্মর করিয়া যে সবল আরাবী কবিতা আবৃত্তি করিতেছিল, তাঁহারা কেবল তাহাই শ্রবণ করিয়াছিলেন। গীতবাগের বৈধতার জন্ত একুপ নবীর উপস্থিতি করা বিদ্বানগণের পক্ষে লজ্জাকর হওয়া উচিত।

(খ) ইমাম নববীর সাক্ষা দ্বারা শুধু স্মর করিয়া আরাবী কবিতা আবৃত্তি করা এবং উহা শ্রবণ করার বৈধতা প্রমাণিত হয় মাত্র। ব্যাপক ভাবে ছাহাবাগণের সংগীত চর্চার অনুমতি প্রদান করার কথা ইমাম নববীর উক্তি নাই, এমন কি বাজযন্ত্রেরও তিনি কোন উল্লেখ করেন নাই। অতএব সর্বশ্রেণীর সর্বকালীন সংগীত চর্চার বৈধতাকে এই উক্তির সাহায্যে প্রমাণিত করার চেষ্টা বিদ্বানগণের পক্ষে শোভনীয় নয়।

(গ) আবু তালিব মক্কী তাঁহার কুতুল কুসুব নামক গ্রন্থে ছাহাবাগণের সর্বপ্রকার সংগীত জায়েয রাখার যে কথা বলিয়াছেন তাহা নির্ভরযোগ্য নয়। ফিকহী মহআলার গবেষণায় প্রবৃত্ত হইয়া একুপ পুস্তক ও গ্রন্থকারের নাম উচ্চারণ করা বাস্তবিকই অতিশয় বিস্ময়কর। বর্তমান যুগে একশ্রেণীর

† ছুননে নছয়ী ২২৯ পৃঃ।

‡ মজমুউল বিহার (১) ১৯১ পৃঃ নলকিশোর।

¶ Lane's Lexicon ৪১৬ পৃঃ।

শিক্ষাভিমানীরা কথায় কথায় বখারী ও মুহলিম প্রভৃতি প্রামাণ্য গ্রন্থের হাদীছ গুলির বিক্রম করিয়া থাকেন এবং এই সকল গ্রন্থে যে সমুদয় হাদীছ সন্নিবেশিত রহিয়াছে সেগুলির লম্বা চওড়া আলোচনায় প্রবৃত্ত হইয়া নিজেদের প্রতিভা ও গবেষণা-শক্তির অপূর্ব পরিচয় প্রদান করেন। কিন্তু এই শ্রেণীর তথাকথিত মুক্ত-বুদ্ধির দল যখন ‘কুতুল কুলুব’ প্রভৃতি বিদ্বানগণের প্রত্যাখ্যাত পুস্তক সমূহের উদ্ধৃতি উপস্থিত করিয়া স্বীয় মতলব সিদ্ধ করিতে চান, তখন বাস্তবিকই হাস্য সংবরণ করা কঠিন হয়।

ঐতিহাসিক ইবনেখলকান আবু তালিব মকী সম্বন্ধে বলিয়াছেন, তিনি বাগদাদে আসিয়া বক্তৃতা প্রদান করিলেন, তাহার ‘قدم ابو طالب بغداد’ ভাষণে তিনি গোল-فوعظ الناس فسخط في ماله করিয়া ফেলিলেন, قال محمد بن طاهر المقدسي: ‘فتركوه وهجروه’। বিদ্বানগণ তাঁহাকে ‘بدعه الناس وهجروه’ পরিত্যাগ করিলেন। ‘امتنع من الكلام’ - মোহাম্মদ বিনে তাহির মকদ্দহী বলিয়াছেন, বিদ্বানগণ আবু তালিবকে বিদ-আতী সাব্যস্ত করিয়া তাঁহার সংশ্রব বর্জন করিলেন, তাঁহার বক্তৃতা বন্ধ করিয়া দেওয়া হইল। ৭

ইমাম ইবনেজরী বলেন, আবু তালিব মকী ছুফীদের জন্ত কুতুল-صنف للصوفياء ابو طالب কুলুব রচনা করেন-المكي قوت القلوب’ فذكر فيه الاحاديث الباطلة وما لا يستند فيه الى اصل و غير ذلك من الموضوع - এবং ভিত্তিহীন—قال الخطيب البغدادي: صنف ابو طالب المكي كتابا سماه قوت القلوب বাগদাদী সাক্ষ্য দিয়া-على لسان الصوفية وذكر فيه اشياء منكورة - ছেন, আবু তালিব মকী ছুফীদের ভাষার কুতুল কুলুব পুস্তক রচনা করেন এবং তাহাতে নানা-রূপ নিন্দনীয় উক্তির অবতারণা করেন। ‡ শবখুল-

ইছলাম ইমাম ইবনে তয়মিয়া বলেন, কুতুল কুলুব পুস্তকে বহু দুর্বল ও মজবু-ان في قوت القلوب احاديث ضعيفة وموضوعة অনেক প্রত্যাখ্যাত-واشياء مردودة كثيرة - কথার উহাতে অবতারণা করা হইয়াছে। ৭

শাহ ওলীউল্লাহ মুহাদ্দিছ বলেন, হাদীছ শাস্ত্রে আবুতালিব মকীর شيخ ابوطالب در علم حديث تساهلات بيار অবহেলার পরিমাণ প্রচুর। ‡

ফলকথা—আবু তালিব মকী একজন উচ্চশ্রেণীর ছুফী ছিলেন। ইবনে খলকানের সাক্ষ্য অনুসারে তিনি বহু দিন উপবৃপরি অনাহারে থাকিয়া ও পত্র-পল্লব চিবাইয়া সাধন ভজন করিয়াছিলেন, তাহার কচ্ছ সাধনা ও ইবাদতের আগ্রহাতিশয়ের জন্ত তাঁহাকে শ্রদ্ধা করা সম্ভবপর, কিন্তু তাঁহার রেওয়াজত সম্পর্কে হাদীছতত্ত্ব বিশারদগণ যেসকল আপত্তি উত্থাপিত করিয়াছেন তদনুসারে তাঁহার বর্ণনার প্রাতি বিশ্বাস স্থাপন করা সত্যাস্থেষ্টীগণের পক্ষে সমীচীন হইতে পারেনা। পক্ষান্তরে সংগীত চর্চা সম্পর্কে তাঁহার যে ফতওয়া শয়খ শিহাবুদ্দীন—ছুহরাওয়ারী তাঁহার ভ্রূমণ বিখ্যাত ‘আওয়ারিকুল ম’আরিক’ গ্রন্থে উদ্ধৃত করিয়াছেন, তাহা পাঠ করিলে জানা যায় যে, আবু তালিব মকী সর্বপ্রকার সংগীতের বৈধতাকে স্বীকার করেন নাই। তিনি বলিয়াছেন,—

وفي السماع حرام وحلال وشبهة، فمن سمعه بنفسه مشاهدة شهوة وهوى، فهو حرام، ومن سمعه بمعقوله على صفة مباح من جارية او زوجة كان شبهة لدخول اللهو فيه، ومن سمعه بقلب شاهد معاني تدله على الدليل و يشهده طرقات الجليل فهو مباح -

অর্থাৎ সংগীত শ্রবণ করা ত্রিবিধ বধা, হারাম, হালাল ও সন্দেহমূলক। স্বীয় প্রযুক্তিকে চরিতার্থ

৭ তারীখ ইবনে খলকান (১) ৪২১ পৃঃ।

‡ নকুল ইলম ২৫৩ পৃঃ।

৭ কতাব (২) ১২৪ পৃঃ।

‡ কুতুল আহিন ৩৫৪ পৃঃ।

মহাপ্রলয় বিজ্ঞানের দৃষ্টিতে

(সংকলন)

কপারনিকাস নিকোলাস (Copernicus Nicolas, 1473—1543) এবং গ্যালিলিও (Galileo, 1564—1642) প্রভৃতির অব্যবহিত কাল পূর্ব পর্যন্ত বৈজ্ঞানিকরা মনে করতেন, পৃথিবীটাই সৃষ্টির জীবনকেন্দ্র আর উর্ধ্ব ও নিম্নলোকের সব কিছুই ভুলোকের আর তার বাসিন্দাদের উপলক্ষেই বিদ্যমান রয়েছে। কিন্তু এ দৃষ্টিভঙ্গীর বিলক্ষণ পরিবর্তন ঘটে গেছে। এখন একথা প্রায় স্বতঃসিদ্ধ রূপেই মেনে নেওয়া হয়েছে যে, সৃষ্টির চতুর্দিকে যেসব অজস্র গ্রহ, উপগ্রহ ও নক্ষত্র অবিরত ঘুরে বেড়াচ্ছে, আমাদের পৃথিবীটা সেই সূর্যবংশের কোটি কোটি পরিবারের একটি ক্ষুদ্র সত্য মাত্র। সুতরাং পৃথিবীটা যদি একেবারেই ধ্বংস প্রাপ্ত হয় তাতে এই বিরাট পরিবারের দৈনন্দিন ব্যবস্থার ব্যতিক্রম ঘটায় কোন আশংকাই নেই আর পৃথিবীর জীবনীশক্তি হারিয়ে ফেলার ব্যাপারটাতো উল্লেখযোগ্য নয়। এরূপ দুর্ঘটনা বহুবার সৌরমণ্ডলে ঘটেছে আর নিত্যই নাকি ঘটে থাকে অথচ এর ফলে সৌরমণ্ডলের গতিবিধি ও দৈনন্দিন কার্যকলাপের কোন পরিবর্তনই পরিলক্ষিত হয়না।

মাহুষ সৃষ্টির মৌলিকশক্তির রহস্য ভেদ করে ফেলেছে, অণু পরমাণুর বৃক চিরে তার ভেতর মাহুষ অবতরণ করেছে আর এনার্জির মূল উৎস সে খুঁজে আবিষ্কার করতে সমর্থ হয়েছে। আণবিক শক্তির চাবিকাঠি হস্তগত করার পর মাহুষ ক্ষুদ্রবেগে এমন দিকে ধাবিত হচ্ছে যে, চোখের নিমিষে সে

অহস্তে এখন তার পূর্ব বিশ্বস্তির ব্যবস্থা করতে সক্ষম। অল্প ভাষার বলা যেতে পারে, বিজ্ঞান ও প্রকৃতি বিজ্ঞার দিক দিয়ে মহাপ্রলয়ের সম্ভাব্যতা আগের চাইতে অনেক বেশী বেড়ে গেছে, একে অস্বীকার করার এখন আর কোন বৈজ্ঞানিক-অবকাশই নেই। অবশ্য এরূপ দুর্ঘটনা সংঘটিত হওয়ার পরবর্তী অবস্থা কি হবে, ধ্বংসের পর পুনর্গঠনের কোন ব্যবস্থা অবলম্বিত হবে কিনা, জীবনের পুনর্বিকাশ ঘটবে কিনা, এসব বিষয়ে বিজ্ঞান নির্বাক রয়েছে আর সত্যিই তার পক্ষে নির্বাক থাকা ছাড়া গত্যন্তরই বা কি? কারণ ইঞ্জিনিয়ার জ্ঞানের সহায়তায় এসব বিষয় সম্বন্ধে ভবিষ্যদ্বাণী করার উপায় নেই। অবশ্য একথা বলা বোধ হয় অসংগত হবেনা যে, ইলহামী-বিজ্ঞানের যে বিশ্বাসের দাবী শত সহস্র শতাব্দীর জ্ঞানবিজ্ঞানের সাধনার কষ্টপাথরে আজ গ্রহণযোগ্য বলে বখন স্বীকৃত হয়েছে, তখন পারলৌকিক জীবন সম্পর্কে ইলহামী বিজ্ঞানের দাবীর বাকি অর্থাংশ মাছুর করা হবেনা কেন? বিশেষতঃ এর অবৈজ্ঞানিকতা যতক্ষণ পর্যন্ত প্রমাণিত না হচ্ছে।

গাংক ও দৈবভক্তদের কল্পনা বিলাস

জ্যোতির্বিদ ও দৈবকের দলকে প্রলয়ের সময় নির্ধারণ করতে সর্বদা উৎসুক দেখা যায়। এসম্পর্কে তারা প্রায় নানারূপ তুচ্ছতাক উড়িয়ে থাকে। পুরাতন পাদ্রী ও খৃষ্টান সন্ন্যাসীরা প্রচার করতেন যে, দশম শতাব্দীর শেষ ভাগে প্রলয়ের সন্ধ্যা নেমে আসবেই। বার্গার্ড (Bernard) নামে জনৈক

(৩৬০ পৃষ্ঠার পর)

করার ভক্ত লালসার বশবর্তী হইয়া সংগীত শ্রবণ করা হারাম এবং বৈধ উপায়ে স্বীয় দাসী অথবা স্ত্রীর নিকট হইতে উত্তম সংগীত শ্রবণ করা সন্দেহমূলক, কারণ এরূপ সংগীত 'লহও' এর অন্তর্ভুক্ত

হইতে পারে আর সংগীতের এরূপ তাৎপর্য যাহা সঠিক পথের দিশারী হয় এবং আল্লাহর পথে পরিচালিত করার জন্ত ইংগিত দান করে, তাহা প্রত্যেক করিয়া সংগীত শ্রবণ করা মুবাহ। * (ক্রমশঃ)

জার্মান সম্রাটসী বহু প্রাচীন এক পাণ্ডুর ববাত দিয়ে ১৬০ খৃষ্টাব্দে প্রচার করতে আরম্ভ করেন যে, পৃথিবীর অবসান মুহূর্ত সমুপস্থিত হয়েছে। তিনি একথাও বলেন যে ১৯২ খৃষ্টাব্দের 'গুড ফ্রাইডে'তে খ্রীষ্টপুস্তের আবির্ভাব বিঘোষিত হবে, এই ভবিষ্যদ্বাণীর ফলে ১৯২ সালে দলে দলে হাজারে হাজারে খ্রীষ্টান নবনারী জেরুসালেমে উপস্থিত হন এবং পবিত্রভূমিতে প্রলয় দিবসের অপেক্ষা করতে থাকেন। এঁদের অধিকাংশই তাঁদের ভূসম্পত্তি বেচে ফেলেছিলেন, কেউ কেউ দান খরচাতও করেছিলেন। শেষপর্যন্ত চরমভাবে বিঘোষিত হল যে, ১০০০ খৃষ্টাব্দের ২৪শে মার্চে মহাপ্রলয় সংঘটিত হবেই। ড্রুথমার (Druthmar) নামে এক দরবেশের পবিত্র রসনা দিয়ে এই দিন তারীখের বিবরণ উচ্চারিত হয়েছিল। সেদিন জনগণ আতংকের শেষ সীমায় উপস্থিত হয়ে পড়ে। গীর্জা আর ওলীদের কবরস্থানে তিলধারণের স্থান থাকেনা, দুপুর রাত্রি পর্যন্ত সকলেই ক্রুশের ছায়ায় তলে প্রাণবিসর্জন করার পবিত্র আশায় অপেক্ষা করছিল। অসংখ্য ভূসম্পত্তি ও নগদ টাকা কড়ি লোকেরা গীর্জা ও খানকাষ দান করে ছিল।

দশম শতকের শেষার্ধ্বে ও একাদশ শতকের প্রথমার্ধে এক ভয়াবহ ব্যাপার ইউরোপে সংঘটিত হয়। সমস্ত ইউরোপে এমন এক মহামারী সংক্রামিত হয়ে পড়ে, যাতে করে রোগাক্রান্তদের দেহের মাংস পচে হাড় থেকে খসে পড়ত। তারপরেই এল মহা দুর্ভিক্ষ। এমন দুর্ভিক্ষ যে, মানুষ মানুষ ভক্ষণ করতে লেগে গেল। এক একটি ফল আর ডিমের বিনিময়ে সমস্তান বিক্রিত হতে লাগল, জনক জননীরা শিশু সমস্তানদের আর খুঁচকরা জনক জননীদের ভুনা কাবাব খেয়ে ক্ষুধবৃত্তি করতে সচেষ্ট হল। একবার এক ব্যক্তি বাঘারে বিক্রয়ের জন্তু মানুষের গোশত নিয়ে এসেছিল।

এ দুর্যোগের অবসান হওয়ার সংগে সংগেই লোকেরা শান্তির নিঃশ্বাস ফেলল। সমস্ত গীর্জা আর ধর্মীয় ইমারতগুলির সংস্কারের কাজ বিপুল উত্তমে আরম্ভ হল, ধর্মীয় প্রতিষ্ঠানগুলো এই সুযোগে

অপর্যাপ্ত ধনভাণ্ডারের অধিকারী হয়ে পড়েছিল। কালো-যমের (Black death) হাত থেকে উদ্ধার পেয়ে নিত্য নৈমিত্তিক পোষাকের নতুন নতুন ফ্যাশন আবিষ্কৃত হতে থাকল। বিবাহের সংখ্যা অত্যন্ত বেড়ে গেল। পল্লী শহরগুলির জন সংখ্যাও বর্ধিত হল—যেন জীবন পুনরায় পৃথিবীর বুকে নেমে আসল আর মানুষ আবার তার ছনিয়ায় বিভোর হয়ে গেল।

১১৯৮ খৃষ্টাব্দে পুনরায় সতর্কবাণী বিঘোষিত হয় যে, বাবিলনিয়ার দজ্জাল (Antichrist) ভূমিষ্ট হয়েছে। সুতরাং অল্পদিনেই মানব গোষ্ঠির অবসান ঘটবে। কয়েকশ' বছর ধরে এই ভবিষ্যদ্বাণীর পুনরাবৃত্তি হতে থাকে।

জার্মানিতে স্টফলার (Stoetfler) নামীয় জৈনিক জ্যোতির্বিদ হযবত নূহের প্রাবনের মত এক বিশ্ব ধ্বংসকরী মহাপ্রাবনের ভবিষ্যদ্বাণী শুনিতে দিলেন। সংগে সংগে একথাও তিনি বলতে ভুললেন—না যে, ১৫২৪ সালেই এই মহাপ্রাবন সংঘটিত হবে। ভয়ে উৎকণ্ঠায় শিল্প-বাণিজ্য সব কিছু বন্ধ হয়ে গেল, কৃষকেরা চাষবাস ছেড়ে দিল; সমস্ত কাজ কর্ম থেমে গেল। ঋণপরিশোধের দায় থেকেও লোকেরা মুক্ত হল, প্রায় বিনামূল্যেই তারা জোতজমি বিতরণ করে ফেলল। কেউ কেউ পার্বত্য অঞ্চলে প্রাবনের প্রকোপ থেকে বাঁচার জন্তু আশ্রয় নিল। অনেকেই নৌকা প্রস্তুত করতে লেগে গেল। ভবিষ্যদ্বাণীতে বলা হয়েছিল যে, এই দুর্ঘটনা ফেব্রুয়ারী মাসে ঘটবে। কিন্তু ফেব্রুয়ারী মাস নিরাপদে কেটে যাওয়ার লোকেরা হাঁফ ছেড়ে বাঁচল বিস্ত্র আর একজন রাজ-জ্যোতিষী শাসন কর্তাদের জানিয়ে দিলেন যে, স্টফলারের হিসেবে একটু ভুল ঘটে গিয়েছে। সঠিক তারীখ হচ্ছে ১৫২৫ সালের ১৫ই জুলাই, একথা আর প্রকাশ করা হলনা, কিন্তু ১৫ই জুলাই তারীখে যেমনি আকাশে মেঘের একটি স্বদীর্ঘ রেখা প্রকট হয়ে উঠল, অমনি অকস্মাৎ রাজপ্রাসাদ থেকে শকটের একটা দীর্ঘ মিছিল বেরিয়ে পড়ল। রাজবংশের সকলেই আর সরকারী কর্মচারীরা মায় সরকারী

কোবাগার এই মিছিলের অন্তর্ভুক্ত ছিল। বিদ্যুৎ-গতিতে মিছিলটি নিকটবর্তী একটি ক্ষুদ্র পাহাড়ের দিকে অগ্রসর হতে থাকল। জনসাধারণ-প্রকৃত ঘটনা বুঝতে পেরে দিশাহারা হয়ে পড়ল। রাত্রিযোগে সামান্য রকম ঝড়তুফান উঠল বটে কিন্তু আসল ব্যাপারের কিছুই ঘটলনা। এই ধরনের চাকল্য আমেরিকায় সৃষ্টি করলেন উইলিয়াম মিলার (Willi- am Miller)। তিনি প্রত্যাশিত হয়েছিলেন যে, ১৮৫৩ সালে পৃথিবীর শেষ পরিণতি ঘটবে। বাই-বেল অনুসারে অংক কষে তারীখ আর সময় নির্দেশ করতেও তিনি ক্রটি করেননি। তিনি বললেন, ২১শে মার্চের মধ্যরাত্রে ধরিত্রীর মাটি অবলুপ্ত হয়ে যাবে। ঠাঁর ভক্তরা পরমাংসাহে প্রচার কার্যে মেতে গেলেন আর আসন্ন যুদ্ধের জন্ত জনসাধারণকে প্রস্তুত থাকার নির্দেশ দিলেন। প্রচার কার্য পরিচালিত করার জন্ত অল্প অর্থ ব্যয় করা হল। এব্যাপারেও বহুলোকে গৃহের সরঞ্জামাদি দূরে নিক্ষেপ করল আর জোতজমি বেচে ফেলল। বাগানের ফলবন্ত গাছগুলো কেটে ফেলা হল, জমির প্রস্তুত-শস্যও তারা নষ্ট করে ফেলল। কিন্তু ঘটল এইযে, মহাপ্রলয়ের পরিবর্তে ফেব্রুয়ারীতে এটা ধুমকেতু পরিদৃষ্ট হল যা দ্রুতগতিতে স্থূর দিকে এগিয়ে চলছিল। এর পশ্চাদ্ভাগের পৃষ্ঠটির দৈর্ঘ্য ছিল বিশ কোটি মাইল, চারিদিকে জল্লাহা জল্লাহা শুরু হয়ে গেল। যারা প্রলয় কাণ্ডকে আগে অলীক ও অসম্ভব বলে উড়িয়ে দিতে অভ্যস্ত ছিলেন তাঁদেরও বুক কঁপে উঠল। ২১শে মার্চের সন্ধ্যায় বোস্টন শহর থেকে মাত্রের বড় বড় কাফিলা গ্রামাঞ্চলের দিকে যাত্রা আরম্ভ করে দিল আর সকলেই ক্ষুদ্র ক্ষুদ্র উচু টিলার ওপর চড়ে সমবেত হল, যাতে করে উর্ধ্ব জগতের দিকে যাত্রা সহজসাধ্য হতে পারে। ধুমকেতু দৃষ্টি-পথে পতিত হওয়া মাত্র প্রশস্তি ও ভজনের স্বরে আকাশ বাতাস মুখরিত হয়ে উঠল। অধরাতি পর্যন্ত এই ব্যাপার চলতে থাকার পর নির্ধারিত সময় অতিবাহিত হয়ে গেল। সকলেই চূপচাপ অথবা ক্রন্দনরত অবস্থায় ঘরে ফিরে এল।

ওয়েস্টফোর্ডে এক রসিক পুরুষ ছিলেন—ক্রজি এমস (Chroze Amos), তিনি এসব ভবিষ্য-দ্বাণীকে আমল দিতেননা। চুপি চুপি বেরিয়ে শস্যক্ষেত্রে লুকিয়ে পড়লেন। মিলারের ভক্তরা যখন তাঁদের ঘরে দুয়ার জানালা বন্ধ করে প্রলয়ের আগমন অপেক্ষায় আড়ষ্ট হয়ে সময় গুণছিলেন, ঠিক সেই সময় ক্রজি ঘরে ঘরে শিঙা ফুঁকতে আরম্ভ করলেন, ভয়ে দ্বিগুণ দিক জ্ঞানশূন্য হয়ে ভক্তের দল পলায়ন করতে শুরু করল। দ্বিতীয়বার ফুঁ দেওয়ার সাথে সাথে ভক্তের দল ভজন আরম্ভ করে দিল। অবশেষে ক্রজির দুষ্টামি ধরা পড়ায় সকলেই আশ্বস্ত হলেন। মিলারের অনেক ভক্ত এই ঘটনায় তাঁর দল পরিত্যাগ করে চলে গেল কিন্তু অনেকের ভক্তি এর-পরেও অটুট ছিল।

দৈবক ও জ্যোতির্বিদ ব্যতীত খগোল শাস্ত্র-বিশারদরাও প্রলয়ের সম্ভাব্যতা সম্পর্কে গবেষণার ক্রটি করেননি। বিশেষ করে বখাটে ধরনের ধুমকেতু গুলো সম্বন্ধে বারবার আশংকা প্রকাশ করা হয়েছে যে, ধরিত্রীর বুকের সাথে ওদের টক্কর লাগতে পারে। কুসংস্কার বাদীরা ধুমকেতুর আবির্ভাবকে কুলক্ষণ মনে করে থাকে আর খগোল বিশারদরা অংক কষে এই কুসংস্কারকে পরিপুষ্ট করে তোলেন।

১৭৭৩ সালে ল্যালেণ্ডির (Lalande) পক্ষ থেকে একাডেমি অব সায়েন্স অর্থাৎ বিজ্ঞান পরিষদের সভ্যবৃন্দের সম্মুখে একটা প্রবন্ধ পাঠ করার কথা বিধোষিত হয়। প্রবন্ধের শিরোনাম ছিল “এরূপ ধুমকেতুর পর্যবেক্ষণ, যার পৃথিবীর বুক পর্যন্ত পৌঁছার সম্ভাবনা রয়েছে”।

এই বিজ্ঞপ্তি পরিবেশিত হওয়ার সাথে সাথে একটা গুজবও প্যারিসে রটতে লাগল আর দেখতে দেখতে পোঁটা ফ্রান্সে আতংকের কক্ষহায়া নেমে আসল। ওচারিত হল যে, বিখ্যাত গণিত-শাস্ত্রবিদ ল্যালেণ্ডির হিসেব মত ১৭৭৩ সালের ২১শে মে তারীখে একটি ধুমকেতু পৃথিবীর গতিকক্ষ অতি-ক্রম করবে আর এই ধুমকেতুর টক্করে ধরিত্রী বিধ্বস্ত হয়ে যাবে, প্রবন্ধে এরূপ ধরনের কোন কথাই উল্লেখ

ছিলনা কিন্তু প্রবন্ধের শিরোনাম আর সংবাদপত্র-
স্তম্ভের অগ্রলেখের সংগে মানুষের মস্তিষ্ক প্রস্তুত
অল্পমান ভবিষ্যৎবাণীর বিস্তৃত বিবরণ তৈরী করে
ফেলে। মানুষের আতংক এতদূর প্রচণ্ড হয়েছিল
যে, ল্যাংগেণ্ডি স্বয়ং এক বিবৃতি দিতে বাধ্য হলেন
আর প্রবন্ধ পাঠের সংকল্প পরিত্যাগ করলেন
কিন্তু হিতে বিপরীত হল, লোকেরা বুঝে নিল যে,
প্রবন্ধে যে ভয়াবহ আবিষ্কারের কথা উল্লিখিত আছে
শুধু জনসাধারণের আতংক চাপা দেবার জগুই সে প্রবন্ধ
পাঠের কাজ মূলতবী হল। সংগে সংগে জনগণের
চিন্তাচঞ্চল্যের স্বযোগ গ্রহণ করে পাদ্রী সাহেবরা
স্বর্ণের টিকিট বিক্রি করতে লেগে গেলেন। নির্দিষ্ট
দিন তারীখ কেটে গেল, কিন্তু খেলা হলনা।

১৮৩২ আর ১৮৫৮ সালেও এরূপ ধরণের দুর্ঘটনা
ঘটেছিল। আজ সে সব কথা বিদ্রূপ বলে মনে হয়
কিন্তু প্রলয়ের সম্ভাব্যতা চিরায়তরিত ভাবে এখনো
বিদ্যমান রয়েছে। ১৮৯৬ সালে হুইস্টন (Whiston)
নামে একজন বৈজ্ঞানিক “পৃথিবী সম্পর্কে একটি
নতুন পরিকল্পনা” A new theory of the
Earth) শীর্ষক গ্রন্থে মহা প্রলয়ের সম্ভাব্যতা সম্বন্ধে
বিস্তারিত আলোচনা করেছেন।


পুনশ্চ ১৯৫০ সালে World of collision
অর্থাৎ ‘টক্করের দুনিয়া’ নামে একখানা পুস্তক প্রকা-
শিত হয়ে আবার দুশ্চিন্তাকে জাগিয়ে তুলেছে।

যে সব সম্ভাবনার কথা বৈজ্ঞানিকরা উল্লেখ
করেছেন সেগুলোর মধ্যে ধুমকেতুর কথাটাই প্রাণি-
ধানযোগ্য। এই তারকাগুলো সূর্য বংশেরই বিশিষ্ট
পরিবার, এগুলোর পৃষ্ঠদেশ একটু ভিন্ন ধরণের,
সংখ্যাও বেশ উল্লেখযোগ্য। পৃথিবীর পৃষ্ঠদেশকে
এগুলো সমাস্তুরাল ভাবে অতিক্রম করে যায় বলে
পৃথিবীর সাথে এদের টক্কর লাগার সম্ভাবনা সব-
চাইতে বেশী। এই ধুমকেতুগুলো সূর্য ও পৃথিবীর
অন্তর্বর্তী যে দূরত্ব রক্ষা করে চলে তাতে করে চল্লিশ
কোটি বারের মধ্যে শুধু একবার মাত্র ওদের সাথে
পৃথিবীর টক্কর লাগা সম্ভবপর। এ দুর্ঘটনার—

সম্ভাব্যতা ঠিক এমনি, যেন কোন বালকের চোখে পটি
বেঁধে তার সম্মুখে একটা ডিশ রেখে দেওয়া হয়েছে।
যাতে চল্লিশ কোটি লজ্জেল রয়েছে, এই চল্লিশ
কোটির মধ্যে শুধু একটি লজ্জেল বিযুক্ত। পটি বাঁধা
ছেলেটির পক্ষে চল্লিশ কোটি লজ্জেলের তুলে হাত
দিয়ে শুধু ঐ বিযুক্ত লজ্জেলটিকে বের করে নিয়ে
যেমন মুখে পোরা সম্ভবপর, কোন ধুমকেতুর ধরিত্রীর
পৃষ্ঠের সংগে টক্কর লাগাও ভেমন সম্ভবপর। প্রত্যেক
বৎসরে নানাবিধ পাঁচটি করে ধুমকেতু সূর্য আর
পৃথিবীর মধ্যবর্তী দূরত্ব অতিক্রম করে চলে। স্ত-
রাং বলা যেতে পারে যে, আট কোটি বছরে শুধু
একবারই কোন ধুমকেতুর সাথে পৃথিবীর সংঘর্ষ
সম্ভবপর। পৃথিবীর দুই অবুদ বছর বয়সের মধ্যে
কমপক্ষে পঁচিশবার এরূপ দুর্ঘটনার সম্মুখীন হওয়া উচিত
ছিল। ধুমকেতুর মাথার দিকে বাইরের বৃত্ত অথবা
পুচ্ছের দিককার কোন অংশের সাথে পৃথিবীর
পৃষ্ঠদেশের টক্কর লাগা আরো অধিকবার সম্ভবপর।
কিন্তু প্রমাণিত হয়েছে, এ সব তারকার বস্তুতাত্ত্বিক
দৃঢ়তা এতই কম যে, ওগুলো পৃথিবী অথবা অল্প
কোন গ্রহের আকর্ষণ ও বিকর্ষণের অধীনে নিজেদের
গতিকক্ষ চটকরে পরিবর্তন করে ফেলে। অল্পমান
করা হয়েছে ধুমকেতুর বস্তুতাত্ত্বিক দৃঢ়তা পৃথিবীর
দৃঢ়তার দশ লক্ষ ভাগের এক ভাগ, কিন্তু এ ধরণের
একটি ধুমকেতুর ওজন হয়ে থাকে ৬০ লক্ষ কোটি
টন। এত ওজনের টক্কর যে কেমন ভয়াবহ অবস্থার
সৃষ্টি করতে পারে তা সহজেই অনুমেয়। অবশ্য
ধুমকেতু গুলোর ফাঁপা বা নিরেট হওয়ার ওপরেই
দুর্ঘটনার ভয়াবহতা নির্ভর করে বেশী।

একটি ক্ষুদ্র ধুমকেতুর পৃথিবীর বৃকে পতন ঘটে-
ছিল কুড়ি থেকে পঞ্চাশ হাজার বছর পূর্বে। মধ্য-
উত্তর এরিজোনার (Arizona) এর প্রতিক্রিয়া
স্বরূপ এমন একটা আগ্নেয়গিরি আজো বর্তমান
রয়েছে যার ঘের হচ্ছে চল্লিশ হাজার ফুট।

সাইবেরিয়ায় একটি তারকা পাতের ব্যাপার ১৯০৮
সালের ৩০শে জুনে সংঘটিত হয়েছিল। বজ্রপাতের
চাইতেও গর্জনের শব্দ ভীষণতর শুনা গিয়েছিল। আগুন
(৩৬৬ পৃষ্ঠার দেখুন)



বিশ্ববিখ্যাত ইছলামী গণতন্ত্র

~~~~~~

**চিরঞ্জীব আশাদ পাকিস্তান ইছলামী গণতন্ত্র!!**

দীর্ঘ আট বৎসরকাল পর পাকিস্তানের শাসনতন্ত্র বিরচিত, গণপরিষদ কর্তৃক বিশুল ভোটাধিক্যে গৃহীত এবং গভর্ণর জেনারেল কর্তৃক বিগত ২রা মার্চ তারীখের দ্বিপ্রহরে স্বাক্ষরিত হইয়াছে। ইহার জ্ঞাত আমরা আমাদের অন্তরের অন্তস্থল হইতে আল্লাহর শোক্ৰ আদা' করিতেছি এবং পাকিস্তানের নাগরিকত্বকে আমাদের অকপট মুবারকবাদ জানাইতেছি। বিগত ৫ই মার্চ তারীখে মেজর জেনারেল ইক্কেন্দার মির্জা পাকিস্তান ইছলামী গণতন্ত্রের প্রথম সভাপতির আসনে অভিষিক্ত হইয়াছেন। আগামী ২৩শে মার্চে পাকিস্তান ইনশাআল্লাহ 'ইছলামী গণতন্ত্র' রূপে বিদ্যোষিত হইবে।

প্রকৃত প্রস্তাবে ১৯৪৭ সালের আগষ্ট মাসে পাকিস্তান কায়ম হয় নাই বরং উহার প্রকৃত প্রতিষ্ঠা ২৩শে মার্চ ১৯৫৬ হইতেই স্থচিত হইবে। কারণ রাষ্ট্র গঠন করাই বড় কথা নয়, রাষ্ট্রকে স্বাধীন সাম্রাজ্যের আসনে দাসত্বের সমুদয় শৃংখল হইতে মুক্ত করিয়া স্বয়ংসিদ্ধ রূপে প্রতিষ্ঠা দান করাই আসল কথা। আট বৎসর হইল পাকিস্তান কায়ম হইয়াছিল কিন্তু তাহার নিজস্ব শাসনতন্ত্র না থাকায় এতদিন পর্যন্ত লক্ষ্যহারা তরলীর মত সে অকূল সমুদ্রে ভাসিতেছিল। রাষ্ট্রের উদ্দেশ্য ও মূলনীতি সন্ধ্যা শাসক গোষ্ঠির ও নাগরিকত্বের কোনই সন্ধি ছিলনা। ফলে দিন দিন শাসন সৌকর্যে দারিদ্রহীনতার প্রাদুর্ভাব বাড়িয়া চলিয়াছিল। শাসনকর্তাগণ নিজেদের

খোশ খেয়াল মত যদৃচ্ছভাবে তাঁহাদের স্বপ্নবিলাস চরিতার্থ করিতেছিলেন, রাষ্ট্রের মৌলিক আদর্শ সম্পৃষ্ট ও স্থনির্দিষ্ট না থাকায় রাষ্ট্র বিরোধী নীতি নৈতিকতা ও কার্যকলাপের প্রতিরোধ করা সম্ভবপর ছিলনা। ফলে পাকিস্তান একুশ সংকটজনক পরিবেশে বেষ্টিত হইয়া পড়িয়াছিল যে, উহার ভবিষ্যৎ সন্ধ্যা অনেকের মনে সন্দেহের রেখাপাত হইয়াছিল।

পাকিস্তান শাসনতন্ত্র অনুসারে এই রাষ্ট্রের অধিনায়ক একমাত্র মুছলমান হইবেন এবং রাষ্ট্রের নামও 'ইছলামী গণতন্ত্র' হইয়াছে, পশ্চিম পাকিস্তানের অনুরূপ রাষ্ট্রের পূর্বাংশও পূর্বপাকিস্তান নামে অভিহিত হইয়াছে। ইছলামী শাসনতন্ত্র এই রাষ্ট্রে প্রবর্তিত হইবে এবং কোরআন ও সুন্নাহ বিরোধী কোন আইন প্রণয়ন করা হইবেনা একুশ আশাস শাসনতন্ত্রে বিद्यমান থাকিলেও ইছলামী শাসনতন্ত্র সম্পর্কে আমাদের এবং ইছলামপন্থী দল সমূহের দাবী দাওয়ার বৃহত্তম অংশই পূরণ করা হয় নাই। পাকিস্তানের সর্বদলীয় উলামা কনভেনশনের সংশোধনীগুলিকে সম্পূর্ণভাবে উপেক্ষা করা হইয়াছে। ইছলামী শাসন প্রবর্তন করার জ্ঞাত এই সংবিধানে যে পথ প্রস্তত করা হইয়াছে, তাহার মাঝে মাঝে পর্বত পরিমাণ বাধা বিঘ্নেরও অভাব নাই। গণতান্ত্রিক দৃষ্টিভঙ্গীর দিক দিয়াও এই শাসনতন্ত্রকে সম্পূর্ণ সাফল্যমণ্ডিত বলা চলেনা কিন্তু এসব সত্ত্বেও আমরা পাকিস্তানের শাসনতন্ত্রের জ্ঞাত আমাদের অন্তরে অভূতপূর্ব আনন্দ অনুভব করিতেছি।

আমরা ইহা মর্মে মর্মে অনুভব করিতে সমর্থ যে, কুরুপ পরস্পর বিরোধী পরিবেশে শত সহস্র বাধাবিঘ্নকে

উন্নয়ন করিয়া প্রধান মন্ত্রী জনাব মোহাম্মদ আলী ছাহেবের ঐকান্তিকতা ও দূরদর্শিতার ফলে শাসনতন্ত্রের তরলী ঘাটে পৌঁছিয়াছে। আমরা উত্তমরূপে অবগত আছি যে, একদল লোক যাহারা ইছলাম ও পাকিস্তানের আদর্শের সহিত আগাগোড়া বিরোধ করিয়া আসিতেছেন, এমনকি পাকিস্তানের সংগ্রামেও যাহারা বিরুদ্ধ বাহিনীর সেনাপতিত্ব করিয়াছিলেন, যাহারা ইছলাম ও ইছলামী আদর্শকে উপহাস করিয়া জীবন কাটাইয়াছেন, তাঁহাদের দলভুক্ত অনেক সুযোগসন্ধানী পাকিস্তানের শাসকবর্গের অযোগ্যতা, নীতিহীনতা এবং জনগণের মর্থতার সুযোগ গ্রহণ করিয়া পাকিস্তানের ভাগ্য বিধাতা সাজিয়া বসিয়াছেন।

আমরা আরো অবগত আছি যে, একদল ইছলামের শত্রু কম্যুনিজমের পতাকাবাহী গণতন্ত্রের ঐক্য তুলিয়া পাকিস্তানের পূর্বার্থকে পশ্চিমার্ধ হইতে বিচ্ছিন্ন করার হীন ষড়যন্ত্রে লিপ্ত থাকিয়া ইছলাম বিরোধীগণের সমবায়ে সর্ববিধ আইন কানুন এবং শাস্তি ও শৃংখলার অবসান ঘটাইয়া পাকিস্তানে অরাজকতার পথ সুগম করার অভিসন্ধিতে শাসনতন্ত্র মাত্রেরই সকল সময় বিরোধ করিয়া আসিতেছে।

### ( ৩৬৪ পৃষ্ঠার পর )

ও ঘোঁরাৱার এক বিরাট বল আকাশে উখিত হয়ে কৃষ্ণ নিবিড় মেঘের আকারে চারি দিকে ছড়িয়ে পড়ে। যে স্থানে এই ঘূর্ণটনা ঘটে তার পনর মাইল দূরবর্তী স্থান পর্বতের সমস্ত গাছপালা ভেংগে চূষমার হয়ে যায়। পঞ্চাশ মাইল দূরবর্তী স্থানে একজন কৃষক একরূপ গরম হাওয়ার পরশ অনুভব করে যে, তার কাপড়ে আগুন লেগে যাবে বলে সে ধারণা করেছিল। তারপরেই প্রচণ্ড শব্দের আঘাতে সে অজ্ঞান হয়ে পড়ে, জ্ঞান ফিরে আসার পর সে দেখতে পায়, তার বাড়ীখানা বিধ্বস্ত হয়েছে। আর একটি এলাকায় প্রায় দেড় হাজার মানুষ নিহত হয়, একখানা ট্রেন লাইন-চ্যুত হয়ে থেমে যায়। এক মাইলের ভিতরেই প্রায় দুশো অগ্নিগিরি পরিদৃষ্ট হয়। প্রফেসর কুলিক (Kulik) অনুমান করেছেন যে, পতিত তারকা পিণ্ডের ওজন ৪০ হাজার টন ছিল।

এখন কল্পনা করা যেতে পারে যে, সব চাইতে কম ওজনের এই ধুমকেতু যদি কখনো পৃথিবীর সংগে

সর্বোপরি দলীয় ভেদবুদ্ধি, স্বার্থপরতা ও অতিলোভ শাসন-তন্ত্র প্রবর্তন করার পথে এই রাষ্ট্রে গোড়াগুড়ি হইতেই অন্তরায় হইয়া আছে। এইরূপ পরিপ্রেক্ষিতে আমাদের অভিপ্রেত ইছলামী শাসনতন্ত্রের প্রণয়ন ও প্রবর্তনের আশা আমরা কোন সময়েই দৃঢ়ভাবে পোষণ করিতে পারি নাই আর সত্যিই আমাদের সে আশা পূর্ণও হয় নাই। ফলে বর্তমান শাসনতন্ত্রটি যেমন যথার্থ ইছলামী শাসনতন্ত্র নয় সেইরূপ উহাকে গণতান্ত্রিক শাসনতন্ত্রের পর্যায়েও পুরাপুরি ভাবে ফেলিতে পারা যায়না।

কিন্তু এবিষয়ে সন্দেহের অবকাশ নাই যে, ইছলাম ও গণতন্ত্রের যে সকল নীতি এই শাসনতন্ত্রে স্বীকৃত হইয়াছে, পাকিস্তানের অধিনায়ক ও শাসক-বর্গ যদি বিশ্বস্ততা ও দৃঢ়তার সহিত সেগুলির মর্যাদা রক্ষা করিয়া চলেন, তাহাই হইলে অদূর ভবিষ্যতে পাকিস্তানে স্বার্থ আকারে ইছলামী শাসনতন্ত্রের প্রতিষ্ঠা ঘটিবেই। শাসক ও নেতৃবৃন্দকে এই পথে অগ্রণী করিতে হইলে শাসনতন্ত্র প্রবর্তিত হইবার পর ইছলামপন্থীদেরকে অধিকতর উৎসাহ ও কর্ম-প্রেরণা সহকারে কার্যক্ষেত্রে অবতীর্ণ হইতে হইবে।

হাত মিলিয়ে বসে, তাহলে তার পরিণাম কি হতে পারে ?

আরো একটা আশংকার কারণ দেখা দিচ্ছে। হাজার হাজার মাইল দীর্ঘ পুচ্ছধারী কোন ধুমকেতুর লেজ যদি পৃথিবীর বুকে পরণ দিয়ে যায় তাহলে এত বিষাক্ত গ্যাসের আমদানী হবে যে, গোটা মানব গোষ্ঠীই তাতে বেরে স্বচ্ছন্দে ধ্বংস হতে পারে। কার্বন মন অক্সাইড (Carbon mon oxide) যা—নরহত্যা আর আত্মহত্যার ব্যাপারে পর্যাপ্ত পরিমাণে ব্যবহৃত হয়ে থাকে আর কিয়ানোজেনের—(Ceanogen) মত বিষাক্ত গ্যাসের অস্তিত্ব ধুমকেতুর ভিতর বিদ্যমান থাকা প্রমাণিত হয়েছে। এ ছাড়া হাইড্রোজেন ও ম্যাথেলিন প্রভৃতি অগ্নিগ্রাসী গ্যাসও ধুমকেতুতে আবিস্কৃত হয়েছে। পৃথিবীর গতিবক্ষে ধুমকেতুর পুচ্ছ হ'তে একটি স্কুলিং পতিত হওয়াই এই মৃত্যু গোলককে ধ্বংস করার পক্ষে যথেষ্ট!

ইছলামী শাসনতন্ত্রের আদর্শ, নীতি ও কার্যক্রমকে দেশের আপামর জনসাধারণের মধ্যে একরূপ ব্যাপকভাবে দৃঢ়তার সহিত প্রচার করিতে হইবে, যাহার ফলে জাতি ধর্ম নিবিশেষে জনগণ ইছলামী শাসনতন্ত্রের সাফল্য ও কার্যকারিতা সম্পর্কে নিঃসন্দেহ হইয়া উহার প্রতিষ্ঠার পথে প্রবল শক্তি সহকারে আগাইয়া আসিতে পারে।

### পাথের স্তম্ভস্তম বাধা

পাকিস্তানের দুশমন ও ইছলাম বিরোধীগণ যত দলে এবং যত মতেই বিভক্ত থাকুননা কেন, ইছলামের বিরুদ্ধে মুছলিম সমাজের জাতীয় স্বার্থের বিরুদ্ধে এবং যে আদর্শের প্রতিষ্ঠা করে পাকিস্তানের সংগ্রাম আরম্ভ করা হইয়াছিল তাহার বিরুদ্ধে সকলেই জোট পাকিয়া সংঘবদ্ধ ভাবে তাহাদের কার্যচালনাইয়া যাইতেছেন অথচ ইছলামপন্থী দলগুলি কোনক্রমেই এক কেন্দ্রিগ হইতে পারিতেছেন। ইছলামী আদর্শের যতগুলি রাজনৈতিক দল রহিয়াছে যথা, মুছলিম-লীগ, নিষামে ইছলাম, ইছলামপার্টি, রক্বানীপার্টি, আওয়ামী মুছলিমলীগ, ইছলামী জামাআত এবং তিব্বুল্লাহপার্টি প্রভৃতি সকলেই পাকিস্তানে ইছলামের প্রতিষ্ঠা ও ইছলামী আদর্শবাদের উন্নয়নকল্পে আগ্রহ-বিত্ত বলিয়া দাবী করিতেছেন কিন্তু ইহারা ইছলাম বিরোধী দল সমূহের মত একটি সর্বদলীয় কর্মসূচীর অনুসরণ করিতে পারিতেছেননা কেন, আমাদের পক্ষে তাহা হ্রদয়ংগম করা সহজসাধ্য নয়। আমরা এইটুকু বুঝিতে পারি যে, নিষামে ইছলাম পার্টি ইছলামী-জামাআতে প্রবেশ করিয়া স্বীয় সম্মানকে বিলীন করিতে রাহী হইবেনা আর ইছলামী জামাআতও কোনক্রমেই মুছলিম লীগের সহিত আপোষ করিতে সম্মত হইবেনা। আওয়ামী মুছলিম লীগের সদস্য-বর্গের অথবা রক্বানীপার্টির কর্মীদের পক্ষে মুছলিম-লীগে ফিরিয়া যাওয়ার আশা স্বদূর পরাহত। এমতাবস্থায় ভোটের লড়াই জিতিবার পক্ষে এই সকল পার্টির পৃথক পৃথক অস্তিত্ব জিয়াইয়া রাখা বুদ্ধিমত্তার পরিচায়ক হইলেও ইছলামী স্বার্থের সংরক্ষণ করে এই দলীয় ভেদবুদ্ধি অত্যন্ত অকৃত ও

সর্বনাশকর।

আমরা পাকিস্তান রাষ্ট্রের বৃহত্তর স্বার্থের হিফা-যতে এবং ইছলামের ভবিষ্যতকে ইছলাম বিরোধী-দলের শত্রুতার কবল হইতে রক্ষা করার জন্ত বিভিন্ন দলের নেতৃবৃন্দকে একটি এক-কেন্দ্রিগ ‘সর্বদলীয় ইছলামী ফ্রন্ট’ গঠন করার কার্যকে বিবেচনা করিয়া দেখার পুনরাবলান জানাইতেছি।

### মীনা বাঘার

‘পাকিস্তান ইছলামী গণতন্ত্র’ দিবস প্রতিপালন করার জন্ত যে সকল আমোদ প্রমোদের ব্যবস্থা সরকারী ভাবে করা হইয়াছে বলিয়া আমরা বিভিন্ন সংবাদপত্রে দেখিতে পাইতেছি, তন্মধ্যে নাচ, গান ও মীনা বাঘারের ব্যবস্থা সমধিক উল্লেখযোগ্য। পাকিস্তান আন্দোলনের নেতৃত্বভার যে সকল ব্যক্তি লাভ করিয়াছেন, গোড়াগুড়ি হইতেই দুর্ভাগ্যবশতঃ তাহাদের মধ্যে অ্যাংলো-মুছলিম অথবা অ্যাঙ্টি-ইছলাম মুছলিমদের সংখ্যাই অধিক। যে সকল বিলাসিতা ও পাপাচরণের জন্ত বাগদাদ, স্পেন ও দিল্লীর ইছলামী রাজ্যসমূহের পতন ঘটিয়াছিল এই তথ্যকথিত মুছলিম নেতা ও শাসকদল তাহাদের কুরুচির বশবর্তী হইয়া সেই সকল বিলাসিতা ও পাপাচরণকে পাকিস্তানের তমদুন ও কুষ্টিরূপে গ্রহণ ও প্রবর্তন করিতে উৎসাহ বোধ করিয়া থাকেন। ইহারা ভুলিয়া যান যে, নীতি নৈতিকতার শিথিলতা ও আমোদ প্রমোদের একান্ত আগ্রহ জাতীয় জীবনের পক্ষে শুধু নিগ্রহই নয় মৃত্যুবাণও বটে। আজ যখন পাকিস্তানকে ইছলামী রাষ্ট্ররূপে ঘোষণা করা হইতেছে তখন জাতীয় জীবনের এই পবিত্র প্রথম জাগরণ মুহূর্তে ইছলামী জীবন-ব্যবস্থাকে গৌরবমণ্ডিত করার চেষ্টার পরিবর্তে অনৈছলামিক দৃষ্টিভঙ্গীর উন্নয়ন ও সম্প্রসারণ কল্পে নাচ, গান ও মীনা বাঘারের সরকারী তৎপরতা বাস্তবিকই অতিশয় লজ্জাকর। অন্ততঃ সরকারী আয়োজনগুলি যাহাতে ইছলাম বিরোধী কার্যকলাপ হইতে মুক্ত থাকে, তাহার সমুচিত ব্যবস্থা অবলম্বন করার জন্ত আমরা কতৃপক্ষগণের শুভদৃষ্টি আকর্ষণ করিতে চাই।

ইছলামী রাষ্ট্রের কথা বাদ দিয়া শুধু গণতান্ত্রিক দৃষ্টিভঙ্গী লইয়া বিচার করিলেও একথা সহজেই বুঝা উচিত যে, এই অ্যাংলো-মুছলিম এবং অনৈছলামিক আদর্শের ভক্তবৃন্দই পাকিস্তান রাষ্ট্রের সব কিছু নন। সরকারী কর্মচারীদের খোশ-খেন্দামত মুষ্টিমেয় কতিপয় লোকের প্রবৃত্তি পরায়ণতাকে জনগণের স্বন্ধে চাপাইয়া দেওয়ার কাহারো কোন অধিকার নাই আর কিছুক্ষণের জ্ঞান দিল্লীর মোহাম্মদ শাহ রঙ্গীলার মুরীদগণের প্রতিপক্ষ দলকে যদি সংখ্যালঘু বলিয়াও ধরিয়া লওয়া যায়, তথাপি অমুছলিম সংখ্যালঘুদের ধর্মীয় ও কুপ্তিগত সংস্কারকে পাকিস্তানের সরকারী কর্মচারীরা যে রূপ সমীহ করিয়া চলেন, মুছলিম সংখ্যালঘুদের মতবাদ ও সংস্কারকে ততটুকু সমীহ করাও কি ঠাহাদের কতব্য নয়? ফলকথা, ইছলামী গণতন্ত্রের প্রতিষ্ঠা দিবসে ইছলামী কচি ও নির্দেশের গৌরব বাহাতে অক্ষুন্ন থাকে আমরা আমাদের শাসক-সমাজের নিকট তাহারই প্রত্যাশা করি।

### শিক্ষার নীতিগত সংস্কার

কতকগুলি শাস্ত্রের পুঁথিগত জ্ঞান অর্জন করার নাম শিক্ষা নয়। তরবীয়ৎ বা চরিত্র গঠন শিক্ষার অবিচ্ছেদ্য অংশ, এই অতি প্রয়োজনীয় মৌলিক নীতিকে উপেক্ষা করিয়া চলার দরুণ আমাদের শিক্ষাগারগুলি ইছলাম-বিরোধী দলের ক্যাম্পে পরিণত হইতে চলিয়াছে। যে সকল দেশের অনুকরণ করিয়া চলাকে আমাদের শিক্ষক ও ছাত্র সমাজ গৌরবের কারণ বলিয়া মনে করিয়া থাকেন, সে সকল দেশে রুহানী তরবীয়তের দিকে মনোযোগ দেওয়া না হইলেও তাহাদের শিক্ষাগারগুলি রাষ্ট্র বিরোধী দলের ক্যাম্পে পধবসিত হয় না। আমাদের ছাত্র সমাজ যদি পাকিস্তানের আদর্শ, ধর্মীয় দৃষ্টি ভঙ্গী এবং সামাজিক নীতি নৈতিকতার ধার ধারার সুযোগলাভ না করেন, তাহাহইলে অদূর ভবিষ্যতে রাশিয়া বা ভারতের পক্ষে পাকিস্তান অধিকার করার জ্ঞান অস্ত্রের সাহায্য গ্রহণ করিতে হইবে না।

সুখের বিষয় আমাদের শিক্ষা বিভাগ এ সম্পর্কে নাকি সম্প্রতি কতকটা সচেতন হইয়াছেন। খোশ-

খবরের খুঁটও ভাল! তাহারানাকি বিভিন্ন শিক্ষাগারের শিক্ষক ও ছাত্র সমাজের জ্ঞান নমাঘের ব্যবস্থা অবলম্বন করিতে বন্ধপরিকর হইয়াছেন। এ সম্পর্কে পূর্বপাক সরকার বিভিন্ন শিক্ষা প্রতিষ্ঠানের কর্তৃপক্ষ-দিগকে নির্দেশও নাকি প্রদান করিয়াছেন। নমায় আওয়াজ্জি ও চরিত্র গঠনের শ্রেষ্ঠতম উপায়রূপে ইছলামী জীবনের অবশ্য কর্তব্য বলিয়া নির্ধারিত হইয়াছে। সুতরাং এ বিষয়ে যদি সত্য সত্যই সরকারের সখিৎ ফিরিয়া আসিয়া থাকে, তাহাহইলে ‘পাকিস্তান ইছলামী গণতন্ত্র’র পক্ষে ইহা যে শুভ-লক্ষণ তাহাতে সন্দেহের অবকাশ নাই।

### খাদ্য সংকট

দেশব্যাপী খাদ্য সমস্যা যে রূপ সংকটজনক পর্যায়ে উপনীত হইয়াছে, তাহা লক্ষ করিয়া শাসন কর্তৃপক্ষ পুনঃপুনঃ আশ্বাস প্রদান করা সত্ত্বেও আমরা সে বিষয়ে নিশ্চিত হইতে পারিতেছি না। মফঃস্বলের অনেক স্থান হইতে আমরা অনাহার, অর্ধাহার এবং অখাদ্য আহা-রের সংবাদ প্রাপ্ত হইতেছি। গতবারের বন্তার প্রকোপে যে খাদ্য সংকট পরিলক্ষিত হইয়াছিল, জনগণ তাহাদের অস্থাবর বিক্রয় করিয়া তাহার মুকাবিলা করিতে সমর্থ হইয়াছিল। এবারকার দুর্বস্থার—বৈশিষ্ট্য এট যে, কৃষকের গৃহে এমন কোন বস্তুই নাই যাহা বিক্রয় করিয়া তাহারা দৈনন্দিন আহাৰের সংস্থান করিতে পারে। পরিশ্রম করিয়া তাহারা যে তাহাদের শ্রমের বিনিময়ে অর্থ সংগ্রহ করিবে তাহারো কোন উপায় নাই। পূর্ব পাকিস্তানের স্বত্বফ্রন্ট সরকার যে দুর্বৃদ্ধির বশবর্তী হইয়া মওজুদ খাদ্য শস্ত নাম মাত্র মূল্যে গুদাম হইতে বাহির করিয়া দিয়াছিলেন, তাহার সমুদয় লভ্যাংশ পুঁজিপতি, ধনিক ব্যবসায়ীও তাহাদের দালালদেরই পকেটস্থ হইয়াছে। দুর্বৃদ্ধির সংগে অব্যবস্থাও যে ইহার জন্ত দায়ী তাহা পূর্বেই আমরা প্রমাণিত করিয়াছি। দেশের ভিতর খাদ্য শস্তের মূল্য এক দিকে যে রূপ জনগণের ক্রয় শক্তির উর্ধে উঠিতেছে, তেমনি অপর দিকে পূর্ব পাকিস্তানের সীমান্ত হইতে দৈনিক হাজার হাজার মণ খাদ্য শস্ত ভারত সীমান্তে অবৈধভাবে

রক্ষতামী হইতেছে। বাহারা পাকিস্তানকে খামারে পরিণত করিয়া অবিরত উহার শোষণে মশগুল রহিয়াছে তাহাদের গুদামের বস্তাবন্দী খাজ শস্তের পরিমাণ আমাদের জানা নাই এবং এই সকল—মুনাফাখোর দেশজোহীদের আচরণের কোন সমুচিত ব্যবস্থা অবলম্বিত হইয়াছে তাহাও আমরা—অবগত নই।

মফঃসল শহরের সর্বত্র বেশনিঃস্বের ব্যবস্থা অবিলম্বিত হয় নাই। আর বেশনে খাজ শস্তের যে মূল্য নির্ধারিত হইয়াছে তাহাও জনগণের ক্রয় শক্তির আয়ত্তের বাহিরে। সূদূর পল্লী অঞ্চলের তো কথাই নাই। জনগণের পেটের আগুনে ইন্ধন যোগাইয়া একশ্রেণীর লোক দেশে বিক্রোহ ও 'ট্যাঙ্ক বন্ধ' আন্দোলন সৃষ্টি করার চেষ্টা করিতেছে বলিয়া আমরা সংবাদ পাইতেছি। দেশকে এই আসন্ন সংকট হইতে রক্ষা করিতে হইলে সর্বপ্রথম খাজ সমস্যার সমাধান সরকারকে যে উপায়েই হউক করিতে হইবে।

### কাশ্মীরের নূতন পরিস্থিতি

দীর্ঘ অবসাদ ও অচলাবস্থার পর কাশ্মীর সমস্যা নবরূপ পরিগ্রহ করিয়াছে! দক্ষিণ পূর্ব এশীয় চুক্তি প্রতিষ্ঠানের মন্ত্রী পরিষদের বৈঠকে আর্টট দেশের পররাষ্ট্র-সচিবগণ পাকিস্তানের দাবী সর্বসম্মতভাবে স্বীকার করিয়া লইয়াছেন। দীর্ঘ আট বৎসরের পুরাতন কাশ্মীর সমস্যা সমাধানের উদ্দেশ্যে কাশ্মীরে গণভোট গ্রহণের জাতিসংঘ যে প্রস্তাব করিয়াছিলেন উহাকে সমর্থন দান করার জন্ত পাকিস্তানের পররাষ্ট্র সচিব মন্ত্রী পরিষদকে অনুরোধ জ্ঞাপন করেন! সংবাদপত্রে প্রকাশ যে, পরিষদের সদস্যগণ জাতিসংঘের প্রস্তাব অনুসারে গণভোটের সাহায্যে কাশ্মীর সমস্যার সমাধান সম্পর্কিত পাকিস্তানের দাবীর প্রতি সর্বসম্মত সমর্থন জ্ঞাপন করিয়াছেন। মন্ত্রী পরিষদ এই অভিমতও প্রকাশ করিয়াছেন যে, পাকিস্তান ও আফগানিস্তানের মধ্যে ডুবু ও লাইনই আন্তর্জাতিক সীমারেখা। জাতিসংঘের প্রস্তাব বানচাল করার উদ্দেশ্যে সোভিয়েট সরকারের প্রতিনিধিগণ কাশ্মীর সম্পর্কে যে বিভ্রান্তিমূলক বিবৃতি প্রদান করিয়াছিলেন সে সম্বন্ধেও পরিষদ পাকিস্তানের অভিযোগের সত্যতা স্বীকার করিয়া লইয়াছেন।

কাশ্মীর সম্পর্কে ব্রিটিশ নীতি পাকিস্তানের দাবীর অন্তর্ভুক্ত হইবেনা বলিয়া ওয়াকিফহাল মহল আশংকা প্রকাশ করিয়াছিলেন কিন্তু শেষ পর্যন্ত ব্রিটিশ প্রধান মন্ত্রীও পরিষদের অভিমত মানিয়া হইয়াছেন।—কাশ্মীর সম্পর্কে পাকিস্তানের দাবী এতই সুস্পষ্ট ও জ্ঞান সংগত যে, সালিস ও জ্ঞান বিচারের সাহায্যে উহাকে উড়াইয়া দেওয়া কোনক্রমেই সম্ভবপর নয়। এই সমস্যার সঠিক সমাধানের পক্ষে ভারতের এক-গুয়েমী, স্বার্থপরতা ও অহংকার যে পরিমাণে দায়ী, তাহার তুলনার পাক সরকারের দুর্বল ও গড়িমসি নীতি অধিকতর দায়ী। জাতিসংঘের মত প্রধানমন্ত্রী সংঘও যদি শুধু নীতিগতভাবে গণভোটের ব্যবস্থা মানিয়া লইয়া ক্ষান্ত হন, তাহাতে কাশ্মীর সমস্যার বর্ধার কোন মীমাংসা হইবে বলিয়া আমরা বিশ্বাস—করি না। অবশ্য প্রধান মন্ত্রী জনাব মোহাম্মদ আলী জাহেবের কূটনৈতিক বুদ্ধিমত্তার কল্যাণে একান্ত অপ্রত্যাশিতভাবে ভারতের এই অনভিপ্রেত সিদ্ধান্তটি 'সিরাটো'র বৈঠক গ্রহণ করিয়াছেন এবং ইহার ফলে পাকিস্তানের দাবী নীতিগতভাবে যে অধিকতর—বলিষ্ঠ হইয়াছে তাহাতে সন্দেহ নাই। ইহার জন্ত আমরা সত্যই আনন্দিত, কিন্তু কাশ্মীর সমস্যার প্রকৃত সমাধান যে একমাত্র পাকিস্তানের বজ্রমুষ্টির উপরেই নির্ভর করে, মরহুম লিয়াকত আলী শাহীদের এই উক্তির প্রতি আজও আমাদের দৃঢ় আস্থা রহিয়াছে।

### খুলনা-বিশোহর ষিলা আহলে হাদীছ কনফারেন্স

বিগত ২২শে ফেব্রুয়ারী তারীখে খুলনা ষিলার সাতক্ষীরা মহকুমা টাউনে খুলনা-বিশোহর ষিলা আহলে হাদীছ কনফারেন্সের অধিবেশন বিশেষ সমা-রোহের সহিত সুসম্পন্ন হইয়া গিয়াছে। অভ্যর্থনা সমিতির সভাপতি জনাব আবদুল বারী খান এবং সেক্রেটারী মওলবী আবদুল গফুরের সাদর আহ্বানে এবং ষিলা জমঈয়তের নেতৃস্থানীয় কর্মীবৃন্দের আগ্রহাতিশয্যে নানারূপ অসুবিধা সম্বন্ধেও পূর্বপাক জম-ঈয়তে আহলে হাদীছের নগণ্য খাদিম ও তজ্জমানের

দীন সম্পাদক জমঈয়তের প্রচারকগণ সমভিব্যাহারে উক্ত কনফারেন্সে যোগদান করিয়াছিলেন। সভায় আহলে হাদীছ আন্দোলনের প্রকৃত স্বরূপ ও দাবী এবং দেশের বর্তমান সংকটজনক পরিস্থিতিতে উক্ত আন্দোলনের গুরুত্ব, ইচ্ছামের অর্থনৈতিক ও রাজনৈতিক আদর্শ, কার্যমুচী এবং জাতীয় সংহতির প্রয়োজন সম্পর্কে সমাগত আলিমগণ বিস্তৃত আলোচনা করেন। সভায় অনূন ২০ হাজার লোকের সমাবেশ ঘটিয়াছিল। কর্মীগণ যেরূপ পরিশ্রমের সহিত কনফারেন্সের সুবন্দোবস্ত করিয়াছিলেন এবং মেহমানদিগকে আদর আপ্যায়নে যেভাবে পরিতুষ্ট করিয়াছিলেন তাহা বাস্তবিকই প্রশংসনীয়। অভ্যর্থনা সমিতির সভাপতি ও সেক্রেটারী ছাহেবান তাঁহাদের মূল্যবান সময়ের কতকাংশ জাতীয় সংগঠন ও ইচ্ছামী আদর্শের প্রচার ও প্রতিষ্ঠাকল্পে জমঈয়তের কর্মীগণের সমবায়ে যদি ব্যয় করিতে পারেন, তাহা হইলে বাস্তবিক অত্যন্ত সুখের কারণ হইবে এবং ইহার ফলে আন্দোলনের কার্য ইনশাআল্লাহ অধিকতর সাফল্য লাভ করিবে।

### শোক প্রকাশ

আমরা শোক সন্তপ্ত হৃদয়ে প্রকাশ করিতেছি যে, পাবনা সদর মহকুমার সুযোগ্য এস. ডি. ও, জনাব রজব আলী মজুমদার বিগত ১২ই মার্চের দ্বিপ্রহরে অত্যন্ত আকস্মিকভাবে পরলোকগমন করিয়াছেন (ইমালিল্লাহে ওয়া ইয়া ইলায়হে রাজেউন)। তিনি কর্তব্যপরায়ণ এবং কঠোর পরিশ্রমী সরকারী কর্মচারী ছিলেন। রক্তের চাপ বৃদ্ধি হওয়া সত্ত্বেও তিনি বিশ্রাম গ্রহণ করিতেননা। ইহার ফলে কিছু দিন হইতে তিনি কষ্ট পাইতেছিলেন। মৃত্যুর মাত্র দুই দিন পূর্বে অসুস্থ অবস্থায় মফঃস্বল হইতে

সরকারী কর্মচারীদের কৃত্তবাদক নই, শুধু সত্যের অনুরোধে একথা না বলিয়া ক্ষান্ত থাকিতে পারি-

তেছিলা যে, পাকিস্তানের এই দুঃসময়ে তাঁহার মত নিরলোভ কর্তব্যনিষ্ঠ ও দৃঢ়চেতা রাজ পুরুষের তিরোধানে আমরা সত্যই অতিশয় দুঃখ অনুভব করিতেছি। তাঁহার দৃঢ় চিন্ততা ও কর্তব্য নিষ্ঠা এবং পাকিস্তান প্রীতির জন্ত ইচ্ছাম বিরোধী দল সামান্য কিছু দিন পূর্বেও তাঁহার বরখাস্তের দাবী উপস্থিত করিয়াছিল এবং তিনি সুবিধাবাদীদের— বিষনজরে পতিত হইয়াছিলেন। আমরা প্রার্থনা করি, আল্লাহ মরহমকে তাঁহার কর্তব্য নিষ্ঠার অফুরন্ত পুরস্কার দ্বারা বিভূষিত করুন। আমরা মরহমের শোক সন্তপ্ত পুত্রকন্যা এবং আত্মীয় স্বজনদিগকে আমাদের গভীর সমবেদনা জ্ঞাপন করিতেছি।

### সম্পাদকের আবেদন

বিভিন্ন স্থান হইতে বন্ধুবর্গ সম্পাদকের নিকট নানারূপ পত্র লিখিয়া থাকেন। অনেকেই বিভিন্ন মছালা সন্দেশে জিজ্ঞাসাবাদ করেন। কিন্তু এই সকল পত্র ও জিজ্ঞাসার জওয়াব সব সময় প্রদান করা সম্ভবপর হয়না। ইহার কারণ এই যে, তর্জুমানের দীন সম্পাদক বিগত কয়েক বৎসর যাবত অত্যন্ত ব্যাধির সহিত চক্ষুরোগেও কষ্ট পাইতেছে। চোখের এই ছানী বর্তমানে একরূপ পর্যায়ে উপনীত হইয়াছে যে, লেখাপড়ার কাজ একান্ত দুঃসাধ্য হইয়া পড়িয়াছে। উপযুক্ত লোকের অভাবে তাহার সমস্ত সময় তর্জুমানুল হাদীছের পিছনেই ব্যয় হইয়া থাকে, পত্র ও জিজ্ঞাসাবাদের জওয়াব লেখাইবার অবসর করা সম্ভবপর হয়না। আশা করি বন্ধুবর্গ সম্পাদকের এই দুর্ব্যবস্থাকে স্মরণ রাখিবেন এবং পত্রাদি লেখার ক্রটি ক্ষমা করিবেন। আরো অনুরোধ এই যে, দীন সম্পাদকের পক্ষে পর্যটনের শ্রম স্বীকার করা ও সভাসমিতিতে যোগ দেওয়াও আর সম্ভবপর হইতেছেন। একস্থানে বসিয়া যেটুকু খিদমত আনজাম দেওয়া হইতেছে তাহাকেই আল্লাহর অনুগ্রহ মনে করা উচিত। এই দীন সম্পাদক বন্ধুবান্ধবের নিকট হইতে সকল সময় তাঁহাদের দোআ প্রত্যাশা করিতেছে।

